







আজাদ-হিন্দ গ্রন্থমালা

পঞ্চম বই : বিপ্লবীর আহ্বান

# বিপ্লবীর আহ্বান

[ আজাদ-হিন্দ সংঘ ( ব্যাঙ্কক ) হইতে প্রকাশিত ]

ON TO BATTLE বইয়ের পূর্ণাঙ্গ অনুবাদ ]

## রাসবিহারী বসু

---

বেঙ্গল পাবলিশার্স

১৪, বঙ্কিম চ্যাটজ্যে ষ্ট্রীট, কলিকাতা

দেউ গালা



## নিবেদন

দ্বিতীয়-মহাযুদ্ধে মিত্রপক্ষ বিজয়ী হয়েছেন ; জাপান পরাজিত ও বিধ্বস্ত। এই সময় ১৯৪২-এর এই বক্তৃতাগুলি পাঠকের নিকট কৌতুককর মনে হবে। রাসবিহারী বসু মহাশয় যে সব ভবিষ্যদ্বাণী করেছিলেন, তার প্রায় কিছুই সফল হয় নি। আজ তিনি জীবিত নেই, তাঁর সুদীর্ঘ নির্বাসন-জীবনের অবসান ঘটেছে। জাতীয়তাবাদী ভারতবর্ষ ভিন্ন পন্থায় স্বাধীনতা-অর্জনের চেষ্টা করেছেন। এই বক্তৃতাগুলি প্রচারের কয়েক মাস পরেই অবশ্য ভারতে আগস্ট-আন্দোলন শুরু হয়। কিন্তু ঐ আন্দোলনের সঙ্গে এর কোন যোগাযোগ আছে, এ কথা কোন রাজনীতিক স্বীকার করবেন না।

তবু এর মধ্যে মহাবিপ্লবী রাসবিহারীর স্বাদেশিকতার জ্বলন্ত পরিচয় পাওয়া যাবে। জীবনের শেষ দিন পর্যন্ত ভারতের সুপ্রাচীন সংস্কৃতি তাঁর মনে অনুপ্রেরণা জোগাত, আমৃত্যু তিনি স্বাধীন-ভারতের স্বপ্ন দেখে গেছেন। নেতাজী সুভাষচন্দ্রের আজাদ-হিন্দ ফৌজ ও আজাদ-হিন্দ গবর্নমেন্টের পূর্ণ ইতিহাস লিখবার সময় তার প্রারম্ভ অধ্যায়ে রাসবিহারী বসুর প্রচেষ্টা এবং আনুযজিক এই বক্তৃতাগুলির মূল্য অপরিমেয় বলে বিবেচিত হবে।

রাসবিহারী বসুর বই বাংলা ভাষায় প্রকাশ করার দুর্লভ সৌভাগ্য বোধকরি আমরাই সর্বপ্রথম অর্জন করলাম।





## মহাবিপ্লবী রাসবিহারী বসু

কিছুকাল পূর্বে যখন জাপান-প্রবাসী বীর বাঙালি বিপ্লবী রাসবিহারী বসুর মৃত্যু-সংবাদ ঘোষিত হয়, তখন আমাদের দেশের জাতীয়তাবাদী পত্র-পত্রিকায় তাঁর জীবন-কাহিনী যথোপযুক্ত মর্যাদা পায় নি। এর থেকে একটা জিনিস স্পষ্ট হয়ে উঠেছিল যে জাতীয়তাবাদী ভারত আমাদের স্বাধীনতা-আন্দোলনের প্রথম যুগের অগ্নিমস্তকের হোতা এই বীর বাঙালিকে ছুঁলে যেতে বসেছে। কিন্তু পূর্ণ স্বাধীনতা-লাভের জন্তে আমাদের জাতীয় আন্দোলনের প্রকৃত ইতিহাস যখন লেখা হবে, তখন রাসবিহারী বসুর বিপ্লবী ঐতিহ্যকে তার প্রাপ্য মর্যাদা দিতেই



## বিপ্লবীর আস্থান

হবে। ঘটনাচক্রে ফলে ভারতে তাঁর বৈপ্লবিক কর্মপ্রচেষ্টা বিফল হওয়ায় তাঁকে জাপানে গিয়ে স্বৈচ্ছা-নির্বাসন বরণ করতে হয়েছিল। সত্য, কিন্তু দ্বিতীয়-বিশ্বযুদ্ধের সময় ভারতকে স্বাধীন করার জগ্গে প্রবীণ বয়সেও রাসবিহারী পূর্ব-এসিয়ায় যে অপূর্ব প্রচেষ্টা শুরু করেছিলেন, যার সুস্পষ্ট পরিণতি রূপে আমরা পেয়েছি নেতাজী সুভাষচন্দ্রের আজাদ-হিন্দ ফৌজ ও আজাদ-হিন্দ গভর্নমেন্টকে, সে প্রচেষ্টার কথা যদি আমরা স্মরণ করি, তবে স্বীকার করতেই হয় যে জন্মবিপ্লবী রাসবিহারী জীবনের শেষ দিন পর্যন্ত তাঁর বৈপ্লবিক ঐতিহ্য ভোলেন নি; তাঁর জলন্ত স্বদেশপ্রেম একটুও হ্রাসপ্রাপ্ত হয় নি।

প্রথম-বিশ্বযুদ্ধের সময় ১৯১৫ অব্দের ২১শে ফেব্রুয়ারি রাসবিহারী বসু ভারতব্যাপী যে বিরাট বৈপ্লবিক অভ্যুত্থানের আয়োজন করেছিলেন, তার জগ্গে তিনি ভারতের বিপ্লবের ইতিহাসে চিরস্মরণীয় হয়ে থাকবেন। তাঁর এই বিরাট কর্মপ্রচেষ্টা ব্যর্থ হয়েছিল সন্দেহ নেই। কিন্তু সাফল্য বা অসাফল্যের মাপকাঠিতে কোন বৈপ্লবিক প্রচেষ্টার বিচার চলে না। নেতাজী সুভাষচন্দ্রের আজাদ-হিন্দ ফৌজের কর্মপ্রচেষ্টাও সাময়িক ভাবে ব্যর্থ হয়েছে। কিন্তু আজাদ-হিন্দ ফৌজের স্মৃহান ঐতিহ্য যে আজ ভারতের এক প্রাপ্ত থেকে আর এক প্রাপ্ত পর্যন্ত জাগিয়ে তুলেছে সুপ্ত জনসমাজকে, তাদের করে তুলেছে স্বাধীনতা-সচেতন ও বিপ্লবমুখী—সে কথা আমরা কি ভুলে যেতে পারি? রাসবিহারী বসুর বিপ্লব-প্রচেষ্টাকেও এই ঐতিহাসিক পটভূমিকায় বিচার করে দেখতে হবে। ১৯১৫ অব্দের ২১শে ফেব্রুয়ারি রাসবিহারী যে ভারতব্যাপী বৈপ্লবিক অভ্যুত্থানের পরিকল্পনা করেছিলেন, তার পিছনে তাঁর বহু বৎসরের আন্তরিক সাধনা

## বিপ্লবীর আহ্বান

ও ঐকান্তিক প্রচেষ্টা ছিল। ভারতের স্বাধীনতা-আন্দোলনে ১৯০৫ অব্দের যে গৌরবময় জাগরণ-মুখর বৈপ্লবিক যুগ—রাসবিহারী ছিলেন সেই যুগেরই মানস-সন্তান।

রাসবিহারী অবস্থাপন্ন ঘরের সন্তান ছিলেন না বলে জীবনের প্রথমেই তাঁকে ফরেষ্ট রিসার্চ ইন্সটিটিউটের হেড-ক্লার্কের চাকরি নিয়ে দেরাছনে চলে যেতে হয়েছিল। তখন সর্বপ্রকার বৈপ্লবিক আন্দোলনের প্রধান কর্মক্ষেত্র ছিল বাংলাদেশ—বিশেষ করে কলিকাতা ও চন্দননগর ছিল সে যুগের বিপ্লবীদের প্রধান কর্মস্থল। ঘটনাচক্রে রাসবিহারী জীবনের প্রথমেই চন্দননগর ও কলিকাতা থেকে বিচ্ছিন্ন হয়ে পড়েছিলেন। কিন্তু তাই বলে বিপ্লবকে তিনি ছাড়লেন না, আর বিপ্লবও তাঁকে ছাড়ল না। সরকারি চাকরিতে সরকারি চাকুরীদের দ্বারা পরিত্যক্ত হয়ে কয়েক বৎসর কাটাতে বাধ্য হলেও, তিনি গোপনে গোপনে পাঞ্জাব ও যুক্তপ্রদেশে বৈপ্লবিক কর্ম-প্রচেষ্টায় ইন্ধন জুগিয়ে চলেছিলেন। তাঁর বিরাট ব্যক্তিত্বের প্রভাবে তিনি শীঘ্রই যুক্তপ্রদেশ ও পাঞ্জাবে গুপ্ত বৈপ্লবিক প্রতিষ্ঠান গড়ে তুলেছিলেন। তাঁর অমুরক্ত শিষ্যের সংখ্যাও ক্রমশ বেড়ে চলেছিল। এই সব বৈপ্লবিক পরিকল্পনার জগ্রে তিনি মাঝে মাঝে সরকারি চাকুরি থেকে ছুটি নিয়ে নিরুদ্দেশ-যাত্রা করতেন। উদ্বর্তন কর্মচারীরা তাঁর প্রকৃত উদ্দেশ্য জানতেন না বলেই রক্ষা।

রাজদ্রোহ তদন্ত-কমিটির রিপোর্ট থেকে দেখা যায় যে রাসবিহারী বহুই “দিল্লী ষড়যন্ত্রের জগ্রে প্রসিদ্ধ দীননাথ, আবোধবিহারী, আমির-চাঁদ, বালমুকুন্দ, বসন্তকুমার বিশ্বাস প্রভৃতি বিপ্লবীদের বোমা ছুঁড়তে এবং রাজদ্রোহমূলক পুস্তিকাদি প্রচার করতে শেখাতেন।”

## বিপ্লবীর আহ্বান

মীরাটের দ্বাদশ ভারতীয় অধিরোহী-বাহিনীর লাইনে ধরা পড়লেন। লাহোর বড়যন্ত্র মামলায় বিচারের পর তাঁকে ফাঁসির মঞ্চে আরোহণ করতে হল।

রাজদ্রোহ তদন্ত-কমিটির রিপোর্টে আছে, এরও পূর্বে রাসবিহারী অমৃতসরে ছিলেন; সেখানে বিপ্লবে অংশ-গ্রহণের জন্তে প্রামবাসীদের তৈরী করে তুলেছিলেন। প্রয়োজনীয় বোমা তৈরী করা হয়েছিল, অস্ত্রশস্ত্র সংগৃহীত হয়েছিল এবং রেলওয়ে ধ্বংস করা ও টেলিগ্রাফের তার কাটার জন্তে যন্ত্রাদিরও যোগাড় করা হয়েছিল। বড়যন্ত্রকারীরা স্থির করেছিলেন যে একই সঙ্গে লাহোর, পিরোজপুর, রাওয়ালপিণ্ডি, চাকা, জব্বলপুর ও কাশীতে বৈপ্লবিক অভ্যুত্থান হবে। হুঁত্যাগ্যবশত ১৯শে ফেব্রুয়ারি রাসবিহারীর প্রধান কর্মকেন্দ্রে পুলিশ হানা দেয়। রাসবিহারী পালিয়ে গেলেন, আর “জাতীয় অভ্যুত্থান” বার্থতায় পর্যবসিত হল। এই বড়যন্ত্রের শাখা সুদূর সিঙ্গাপুরে পর্যন্ত বিস্তৃত হয়েছিল বলে প্রকাশ। নির্ধারিত দিনে সিঙ্গাপুরে একটা বৈপ্লবিক অভ্যুত্থান হয়েওছিল। রাসবিহারীর সংগঠন-নৈপুণ্য যে কত চমৎকার ছিল, এ তারই একটা প্রমাণ। এই বিপ্লবী বীর জনমানষকে মগ্নমুগ্ন করে রাখতে পারতেন। তিনি মাইকেল ওডায়ারের দেহরক্ষীদের পর্যন্ত নিজের দলে টানতে পেরেছিলেন।

“জাতীয় অভ্যুত্থান” পরিকল্পনা বার্থ হয়ে যাওয়ায় রাসবিহারী বহু বিদেশে পালিয়ে যেতে বাধ্য হন। তিনি বুঝতে পারেন যে দেশে থেকে আর তাঁর পক্ষে কিছু করা সম্ভব হবে না—পুলিশের হাতে ধরা পড়লে অহেতুক জীবন যাবে। কিন্তু বৈপ্লবিক কাজের উপর তিনি কোনদিন আস্থা হারিয়ে ফেলেন নি। দেশত্যাগের পূর্বে তিনি কয়েকজন শিল্পকে

## বিপ্লবীর আহ্বান

ডেকে উপদেশ দিয়ে গেছিলেন, তাঁরা যেন কাজ চালিয়ে যান। নিঃস্ব ও নিঃসঙ্গ অবস্থায় দেশত্যাগ করে রাসবিহারী অবশেষে জাপানে পৌঁছলেন। সংবাদ প্রকাশিত হবার পর বৃটিশ-গভর্নমেন্ট জাপানি গভর্নমেন্টের কাছে দাবি জানালেন রাসবিহারীকে ফিরিয়ে দিতে। জাপানি গভর্নমেন্ট হয়তো তাঁকে বৃটিশের হাতে তুলে দিতেন—কিন্তু তার উপায় ছিল না। রাসবিহারী জাপানে গিয়ে যঁা়র আশ্রয়ে ছিলেন তিনি ব্ল্যাক-ড্রাগনদের অধিনায়ক তোয়াসা। এই শক্তিশালী প্রতিষ্ঠান ও তার অধিনায়ককে জাপ-গভর্নমেন্ট পর্যন্ত ভয়ের চোখে দেখতেন। সুতরাং রাসবিহারী চিরজীবন জাপানে স্বৈচ্ছা-নির্বাসনে রয়ে গেলেন। টোকিওতে তিনি ইণ্ডিয়ান ইণ্ডিপেন্ডেন্স লীগের প্রতিষ্ঠা করেছিলেন। তিনি একজন জাপানি নারীকে বিবাহ করেন এবং জাপানি ভাষায় ভারত সম্বন্ধে বহু পুস্তক রচনা করেন। সাণ্ডারল্যাণ্ড সাহেবের প্রসিদ্ধ বই ‘ইণ্ডিয়া ইন্ বণ্ডেজ্’ (India in Bondage) তিনি জাপানি ভাষায় অনুবাদ করেন। তিনি নিজে জাপানি একটি পত্রিকা পরিচালনা করতেন এবং জাপানের বিভিন্ন পত্র-পত্রিকায় ভারতের মুক্তি সম্পর্কে নিয়মিত ভাবে লিখতেন।

রাসবিহারী বহু জাপানের সঙ্গে জাতীয়তাবাদী ভারতের যোগ-স্বত্ব স্থাপনের জন্ত প্রাণপণ প্রয়াস পেয়েছিলেন। জাপানের ব্রাহ্ম সমরবাদী নীতির জন্ত তাঁর প্রচেষ্টা অবশ্য সাফল্যমণ্ডিত হয় নি। তবে বিগত যুদ্ধের সময় তিনি জাপ-গভর্নমেন্টকে ভারতের জাতীয়তাবাদী আন্দোলনে সাহায্যদানের জন্তে সম্মত করতে পেরেছিলেন। সর্বত্র তিনি ভারতের ধর্ম ও সংস্কৃতি সম্বন্ধে বক্তৃতা দিচ্ছে বেড়াতেন। জাপানের সরকারি-বেসরকারি সকল মহলেই এই বিপ্লবী বাঙালি বীরের বিশেষ শ্রদ্ধার আসন ছিল।

## বিপ্লবীর আহ্বান

১৯৪১ অব্দের ডিসেম্বর মাসে ইঙ্গ-ব্রিটিশ শক্তিবলের বিরুদ্ধে জাপান যুদ্ধ-ঘোষণা করার পর থেকে রাসবিহারী ব্রহ্ম মালয় প্রভৃতি দেশস্থিত প্রবাসী ভারতীয়দের সম্বন্ধ করে ভারতের মুক্তি-যুদ্ধে নিয়োজিত করার প্রয়াস পেয়েছিলেন। তাঁরই প্রচেষ্টায় আজাদ-হিন্দ সম্বন্ধে জন্ম নিয়েছিল, আর কর্নেল মোহন সিং-এর নেতৃত্বে আজাদ-হিন্দ ফৌজ গড়ে উঠেছিল। পূর্ব-এশিয়ার নেতাজী সুভাষচন্দ্রের আবির্ভাবের পূর্ব পর্যন্ত তিনিই ছিলেন পূর্ব-এশিয়ার ভারতীয়দের রাষ্ট্রনায়ক। সুভাষচন্দ্রের আবির্ভাবের পর তিনি সুভাষচন্দ্রের হাতে সকল কর্তৃত্ব তুলে দিয়েছিলেন। কিন্তু সুভাষচন্দ্র এই ত্যাগব্রতী স্বদেশপ্রেমিক বীর বাঙালি বিপ্লবীকে এত বেশি শ্রদ্ধার চোখে দেখতেন যে রাসবিহারী ব্রহ্মকে তিনি আজাদ-হিন্দ গভর্ন-মেণ্টের প্রধান উপদেষ্টার পদে বরণ করেছিলেন। জীবনের শেষদিন পর্যন্ত রাসবিহারী ব্রহ্ম তাঁর এই পদের মর্যাদা অক্ষুণ্ণ রেখেছিলেন।

গোপাল ভৌমিক

# পটভূমিকা

এই বইয়ে জাপান-প্রবাসী বাঙালি বিপ্লবী-নেতা রাসবিহারী বসুর কতকগুলি বেতার-বক্তৃতা মুদ্রিত হয়েছে। এর অর্থ পুরোপুরি বুঝতে হলে যে সময়ে এই সব বক্তৃতা দেওয়া হয়েছিল, সেই সময়ের পটভূমিকার সঙ্গে পরিচয় থাকা প্রয়োজন। ১৯৪২-এর মার্চ, এপ্রিল ও মে মাসে টোকিও বেতার-কেন্দ্র থেকে ভারতের নেতৃবৃন্দ ও জনগণের উদ্দেশ্যে রাসবিহারী বসু এই সব বক্তৃতা দিয়েছিলেন। পরে আগস্ট মাসে (যখন ভারতের জনগণ আগস্ট-বিপ্লবের বিক্ষুব্ধ তরঙ্গে ঝাঁপ দিতে সমুদ্রত হয়েছেন) ইণ্ডিয়ান ইণ্ডিপেন্ডেন্স লীগ, ব্যাঙ্কক (শ্রামদেশ) থেকে এণ্ড্রিউ On the Fight নামে পুস্তকাকারে প্রকাশ করেন। তখন ইঙ্গ-মার্কিন শক্তিবাদের চরম বিপদের দিন। ১৯৪১-এর ৭ই ডিসেম্বর জাপান যুদ্ধ ঘোষণা করার পর মাত্র চারি মাস সময়ের মধ্যে প্রশান্ত মহাসাগরের অধিকাংশ দ্বীপাঞ্চল কেড়ে নিয়েছিল আমেরিকার হাত থেকে, এবং পশ্চিম দিকে মালয় ব্রহ্ম পর্যন্ত বিরাট অঞ্চল থেকে সমূলে ব্রিটিশ-শক্তির উচ্ছেদ করেছিল। ব্রহ্ম ত্যাগ করে ব্রিটিশ-শক্তি ভারতে আশ্রয় নিয়েছিল। আর অতি-দ্রুত আক্রমণ পরিচালনায় ক্রান্ত জাপান ভারত-ব্রহ্ম সীমান্তে দাঁড়িয়ে বিজ্ঞানের চেষ্টা করছিল।

ভারতের সম্মুখে তখন বিরাট সমস্যা। জাপান ভারত-আক্রমণ করলে ভারত কি করবে? ১৯৩৯-এর সেপ্টেম্বর মাসে জার্মানির সঙ্গে বৃটেনের যুদ্ধারম্ভের কিছু পরেই জাতীয়তাবাদী ভারত ব্রিটিশ শাসক-শক্তিকে জানিয়ে দিয়েছিল যে ভারতের স্বাধীনতা-লাভের সুস্পষ্ট

## বিপ্লবীর আহ্বান

প্রতিশ্রুতি না দিলে এবং ভারত সম্বন্ধে মিত্রপক্ষের যুক্তাদর্শ কি, তা সুস্পষ্ট ভাবে না জানালে—ভারত কোন প্রকারেই সাম্রাজ্যবাদী শাসক-শক্তিকে সাহায্য করবে না। ব্রিটশের কাছ থেকে বাঞ্ছিত বিষয়ে সন্তোষজনক কৈফিয়ৎ না পাওয়ায় বিভিন্ন প্রদেশে কংগ্রেস মন্ত্রিমণ্ডল পদত্যাগ করেছিলেন। তার কিছুকাল পরে ভারতের বাণী-মূর্তি গান্ধীজীর নেতৃত্বে সত্যাগ্রহও প্রবর্তিত হয়েছিল। সমগ্র ভারতে চলছিল রাজনৈতিক অচল অবস্থা। তবু সাম্রাজ্যবাদী ব্রিটিশ প্রধান-মন্ত্রী মিঃ চার্চিলের ঘুম ভাঙে নি—তিনি ভারত-রক্ষা আইনের নির্মম বেড়া জালে ভারতকে বেঁধে কঠিন হাতে শাসন-কার্য চালিয়ে যাচ্ছিলেন। এমন সময় আকস্মিক বিপদপাত হল ব্রহ্ম ও মালয়ে। জাপানিরা একেবারে ভারত-সীমান্তে এসে পড়ল। সহসা চার্চিল গভর্নমেন্টের টনক নড়ল। অশান্তি-বিক্ষুব্ধ ভারতের রাজনৈতিক স্বাধীনতা-লাভের পিপাসা যদি কিয়দংশও না মেটানো যায়, তবে তো জাপানি আক্রমণের মুখে ভারতকে ধরে রাখা যাবে না। এই অত্যাবশ্যক সামরিক প্রয়োজনে চার্চিল সাহেব স্তার স্টাফোর্ড ক্রীপ্সের মারফত আপোষ-প্রস্তাব পাঠালেন জাতীয়তাবাদী ভারতের কাছে। ক্রীপ্স-প্রস্তাবের কি পরিণতি হয়েছিল—তা আমরা সবাই জানি।

ব্রিটিশ সাম্রাজ্যবাদীরা ক্রীপ্স-প্রস্তাবের ফাঁদে জাতীয়তাবাদী ভারতকে ধরবার চেষ্টা করছেন জেনে টোকিওয় বাঙালি বিপ্লবী রাসবিহারী বসুর চোখের ঘুম ছুটে গিয়েছিল বলা চলে। সাম্রাজ্যবাদী ব্রিটশের চালাকি তিনি জানতেন বলেই ক্রীপ্স-প্রস্তাবের আন্তরিকতায় তিনি বিশ্বাস করতে পারেন নি। একে তিনি প্রথম থেকেই ধরে নিয়েছিলেন ভারতকে নতুন সাম্রাজ্যবাদী জালে ফেলার অপকৌশল বলে। শেষ

## বিপ্লবীর আহ্বান

পর্যন্ত তাঁর ধারণাই সত্যে পরিণত হয়েছিল। সেই সময় আশা-নিরাশায় দোহুলায়মান চিন্তে জাতীয়তাবাদী ভারতকে ক্রীপ্স প্রস্তাব বর্জনের নির্দেশ দিয়ে টোকিও থেকে তিনি যে সব বেতার-বক্তৃত্তা দিয়েছিলেন সেগুলোই বর্তমান পুস্তকে সঙ্কলিত হয়েছে। তিনি জাতীয়তাবাদী ভারতকে সম্বোধন করে বলেছেন—আপোষের পথে স্বাধীনতা নেই, স্বাধীনতা সংগ্রামের পথে। এরই মাস তিনেক পরে বোম্বাই শহরে কংগ্রেস তার সুবিখ্যাত আগস্ট-প্রস্তাব গ্রহণ করে জাতিকে সংগ্রামের নির্দেশই দিয়েছিলেন। সে প্রসঙ্গের আলোচনা এখানে অবাস্তব। সুদূর টোকিও-প্রবাসে বসেও রাসবিহারী বসু কি ভাবে দিনের পর দিন সোষেগে ভারতের স্বাধীনতার কথা ভাবতেন—স্বাধীনতার পথে ভারতের ক্রমিক অগ্রগতি সংগ্রহে লক্ষ্য করতেন, আলোচ্য বক্তৃত্তাবলীর মধ্যে তার সন্ধান পাওয়া যায়। আর সন্ধান পাওয়া যায়, এই স্বদেশ-প্রেমিক বাঙালি বিপ্লবীর তীক্ষ্ণ রাজনীতি-বোধের। রাসবিহারী বসুর বহু-বিচিত্র চরিত্র বুঝতে হলে এ বক্তৃত্তাবলী-পাঠ অপরিহার্য।





# বিপ্লবী ব্রাহ্মান

গত পঞ্চাশ বৎসর ধরে ভারতকে ভারতবাসীর আয়ত্তাধীন করার উদ্দেশ্যে আমার ভারতীয় ভাইরা স্বদেশে ও বিদেশে হাজারে হাজারে আত্মত্যাগ করেছেন ; ব্রিটিশ সাম্রাজ্যবাদের বিরুদ্ধে সংগ্রাম চালিয়েছেন । আমরা নিরস্ত্র ছিলাম এবং এখনও আছি বলে এখন পর্যন্ত আমাদের উদ্দেশ্য সিদ্ধ হয় নি । আজ কিন্তু ইঙ্গ-মার্কিন শক্তির প্রভাব ও প্রভুত্বের হানি এবং বৃহত্তর পূর্ব-এশিয়ায় স্বাধীন সমৃদ্ধ অঞ্চল গঠনের পরিকল্পনায় জাপানের যুদ্ধ-ঘোষণার জন্তে আমরা ভারতের স্বাধীনতার বহু-আকাজিক্ত উদ্দেশ্য-সাধনের অপূর্ব সুযোগ লাভ করেছি ।

ভারতীয় ভ্রাতৃবৃন্দ, আসুন আজ আমরা ঈশ্বরের কৃপা ও নির্দেশে, শ্রীকৃষ্ণের অনাসক্ত কর্ম, ভগবান বুদ্ধের অনাশ্রয়, ইসলামের আল্লার মহা-সত্য, গুরু গোবিন্দ সিং এবং সত্যাত্মহী মহাত্মা গান্ধীর শিক্ষায় উদ্বুদ্ধ হয়ে ব্রিটেনের সঙ্গে আমাদের অতীত সম্পর্কের অবসান ঘটাই ; সমগ্র জাতি আজ ঐক্যবদ্ধ হয়ে উঠে দাঁড়াই । হংকং ও মালয়েস ভারতীয় সৈন্যদের কার্যকলাপ আমাদের মনের উপর গভীর ছাপ ফেলেছে । ভারতকে ভারতীয়-

## বিপ্লবীর আহ্বান

দের জন্তে ও এশিয়াকে এশিয়াবাসীদের জন্তে স্থপতিষ্ঠিত করার উদ্দেশ্যে তারা ব্রিটিশ-শক্তির বিরুদ্ধে লড়াই করেছে। আমরা চাই যে আপনারাও এই মুহূর্তে জাগ্রত হয়ে নিজে নিজে কর্তব্য করুন। বন্দে মাতরম্!

টোকিও, ১৬-২-৪২

## শ্রদ্ধা-নমস্কার !

পূর্ব-এশিয়ায় প্রবাসী ভারতীয়দের প্রতিনিধিরূপে আমি, রাসবিহারী বসু, আপনাদের উদ্দেশ্যে শ্রদ্ধা-নিবেদন করি।

আপনারা একটা মহাজাতি,—আপনাদের সংস্কৃতির মাধুর্য ও অতীতের গৌরব বর্ণনা করার মতো ভাষা আমার নেই। আপনাদের জাতি উদ্ধৃত হয়েছে স্বর্গের দেব-বংশ থেকে; আপনাদের জাতীয় অস্তিত্বের একটা বিশেষ উদ্দেশ্য আছে। এই উদ্দেশ্য-সাধন ঐশ্বরিক পরিকল্পনারই অপরিহার্য অঙ্গবিশেষ।

বহুযুগ ধরে আপনারা সে উদ্দেশ্য সম্বন্ধে সচেতন ছিলেন, এবং নিজেদের সামর্থ্য অনুসারে সে উদ্দেশ্য সাধনও করেছিলেন। কিন্তু ঘটনাচক্রে একটা দুঃখের যুগ এসেছিল। তারই হাত থেকে বর্তমানে আপনারা মুক্তি পেতে চলেছেন। ব্রিটিশের অধীনতা পাশ ছেদনের জন্তে আপনাদের দীর্ঘস্থায়ী অসম যুদ্ধের প্রশংসা এখনও এদেশে আমি শুনে থাকি, আর গর্ব ও

## বিপ্লবীর আহ্বান

আনন্দে আমার হৃদয় পূর্ণ হয়ে ওঠে। আজ এই সুযোগে আমি আপনাদের বলছি, আপনাদের প্রচেষ্টা যদি সাফল্য-মণ্ডিত হবে, যদি সহস্র সহস্র ভারতীয়দের আত্মত্যাগ ফলপ্রসূ হবে, বৈদেশিক অধীনতাপাশ মুক্ত হয়ে যদি আপনারা নিজেদের ঈশ্বর-নির্দিষ্ট উদ্দেশ্য পূর্ণ করতে পারবেন, সে দিন আর দূরে নয়।

আমি সেইসব ভারতীয়ের উদ্দেশ্যে আমার শ্রদ্ধা-নমস্কার জানাই, যারা ভারত বুটেনের অধীনে যাবার পর থেকে ব্যক্তিগত ভাবে এবং সমষ্টিগত ভাবে ভারতের স্বাধীনতা পুনঃপ্রতিষ্ঠার জন্যে নিজেদের জীবন বলি দিয়েছেন। এঁদের কেউ কেউ দেশবাসীর কাছে পরিচিত ও সম্মানিত, কিন্তু অধিকাংশের জন্যেই কেউ চোখের জল ফেলে না, সম্মান দেখায় না, গুণ-কীর্তনও করে না। বিশেষ করে আমি কৃতজ্ঞতা প্রকাশ করছি ভারতীয় স্বাধীনতার সেই সব হিন্দু-মুসলমান সৈনিক ও তাঁদের নেতৃবৃন্দের প্রতি যারা ১৮৫৭ খৃস্টাব্দে মুক্তিযুদ্ধে আত্মনিয়োগ করেছিলেন। যুদ্ধ-পরবর্তী প্রথম দশকে যারা নিজেদের জীবন ও সর্বস্ব বিপন্ন করে ব্রিটিশ-শাসনের বিরুদ্ধে অস্ত্র নিয়ে যুদ্ধ করেছিলেন, সেই সব ভারতীয় বিপ্লবীর কাছেও আমি কৃতজ্ঞ। তাঁরা হাজারে হাজারে মৃত্যু-বরণ করেছিলেন—হুঁভাগ্যবশত নিজেদের যাত্রাপথের শেষ দেখে যতে পারেন নি। তাঁদের জীবনকালে যে সুযোগ আসে নি, আমরা সে সুযোগ পেয়েছি জাপান ইংল্যান্ড ও

## বিপ্লবীর আহ্বান

আমেরিকার বিরুদ্ধে যুদ্ধ ঘোষণা করায়। সুদিন প্রত্যাসন্ন, এই কথা জেনে সেইসব শহীদের আত্মা শান্তি লাভ করুক।

আমি কৃতজ্ঞতা জানাচ্ছি ভারতীয় জাগরণের সেই সব নেতার প্রতি, যাদের অক্লান্ত ও নিঃস্বার্থ প্রচেষ্টার ফলে আধুনিক ভারত পৃথিবীতে তার মর্যাদা বৃদ্ধিতে শিখেছে এবং নিজ উদ্দেশ্য সম্বন্ধে সচেতন হয়ে উঠেছে। আমি রাজা রামমোহন রায় থেকে শুরু করছি। তারপর ঐতিহাসিক ক্রম-অনুসারে আসছেন দেবেন্দ্রনাথ ঠাকুর, কেশবচন্দ্র সেন, শ্রীরামকৃষ্ণ, স্বামী দয়ানন্দ, সৈয়দ আহম্মদ খাঁ, বিচারপতি রাণাড়ে, রাজা স্মার টি. মাধব রাও, বঙ্কিমচন্দ্র চট্টোপাধ্যায়, স্মার আশুতোষ মুখোপাধ্যায়, স্বামী বিবেকানন্দ, স্বামী রামতীর্থ, কবি রবীন্দ্রনাথ ঠাকুর এবং অদ্বৈত আরও বহুজন। এঁদের সকলেরই উদ্দেশ্যে আমি শ্রদ্ধা-নমস্কার জানাই। আমাদের বর্তমান প্রচেষ্টায় তাঁদের আত্মা যেন পথের নির্দেশ দান করেন।

পরিশেষে আমি কৃতজ্ঞতা জানাচ্ছি, ভারতের জাতীয় কংগ্রেসের সেই সব অগ্রণী ও নেতৃবৃন্দের প্রতি যাদের সুনিপুণ পরিচালনায় কংগ্রেস আজ ভারতের স্বাধীনতা-সংগ্রামের দায়িত্ব গ্রহণ করতে পেরেছে। দাদাভাই নওরোজী, সুরেন্দ্রনাথ বন্দ্যোপাধ্যায়, লোকমাণ্য তিলক, গোখল, বিপিনচন্দ্র পাল, লালু লাজপত রায়, হাকিম আজমল খাঁ, দেশবন্ধু চিত্তরঞ্জন দাশ, পণ্ডিত মতিলাল নেহরু, বিঠল ভাই প্যাটেল প্রভৃতি

## বিপ্লবীর আহ্বান

নেতৃবৃন্দের উদ্দেশ্যে আমার শ্রদ্ধা নিবেদন করি। তাঁরা যেন  
বর্তমান প্রচেষ্টায় আমাদের উপর আশীর্বাদ বর্ষণ করেন।  
ভারতকে ভারতীয়দের এবং এশিয়াকে এশিয়াবাসীদের আয়ত্তে  
আনাই আজ আমাদের প্রাণপাত প্রচেষ্টা। বন্দে মাতরম্!

টোকিও, ১-৩-৪২



## শ্রীঅরবিন্দক

শ্রীঅরবিন্দকে নমস্কার !

এ নমস্কার তাঁর উদ্দেশ্যে যাঁর উৎসাহোদ্দীপক আস্থানে জন্ম নিয়েছে সুস্পষ্ট ভারতীয় জাতীয়তাবাদ। শ্রীঅরবিন্দ ভারতীয় জাতীয়তাবাদের সেই সব স্রষ্টার মধ্যে অগ্রণী যাঁরা আজও সুস্থদেহে বিরাজমান এবং যাঁদের জলন্ত বাগিতা ও বক্তৃনির্ঘোষী লেখনীর জোরে আধুনিক ভারতীয়দের কাছে স্বদেশপ্রেম নতুন ও গভীর অর্থ নিয়ে উপস্থিত হয়েছিল।

আধ্যাত্মিক সাধনা যদি ভারতীয় জাতির প্রাণস্বরূপ হয়,

## বিপ্লবীর আস্থান

জবে শ্রীঅরবিন্দই তার জীবন্ত প্রতিক্রম। এর যে সব রহস্য ভারতীয় জাতির মতোই সুপ্রাচীন, তিনি তাদের গভীরতার পরিমাপ করতে পেরেছেন। নীরবতা শক্তিশালী সৃষ্টির অগ্র-দূত—একথা পুরোপুরি অনুধাবন করে আজ তিনি ভগবৎ-সংসর্গে নীরব জীবন যাপন করেছেন। তাঁর উদ্দেশ্যে নমস্কার জানাই।

শ্রীঅরবিন্দের বিশ্বাস এবং তাঁর পরম-সত্য সন্ধানের পথের সঙ্গে ইসলামের তত্ত্বাধেয়ী শ্রেষ্ঠ সুফীদের বিশ্বাস ও পথের স্বথেষ্ট মিল আছে। কোটি কোটি হিন্দুর চোখে তিনি অতি চমৎকার শ্রেণীর একজন যোগী। কাজেই তাঁর মধ্যে দেখতে পাচ্ছি হিন্দু এবং মুসলমান—এই দুই মহান ধর্মবিশ্বাসের সার-সমন্বয়। এ দুয়ের সুসমঞ্জস সংমিশ্রণের উপর নির্ভর করে ভাবী ভারতীয় সঙ্কল্পের পুনরুজ্জীবন এবং ভাবী ভারতীয় রাষ্ট্রের পুনঃপ্রতিষ্ঠা। নমস্কার নিবেদন করি শ্রীঅরবিন্দের উদ্দেশ্যে। সুদীর্ঘ কাল পূর্বেই শ্রীঅরবিন্দ ভারতের প্রকৃত উদ্দেশ্য অনুধাবন করেছেন। তাঁর মতে, স্বাধীন-ভারত নিজের আধ্যাত্মিক সাধনা-সম্পদের বাণী প্রচার করে বিশ্বের সেবা করবে। আজ ভারতমাতা পরাধীনতার শৃঙ্খলমুক্ত হবার জগ্নো উঠে দাঁড়িয়েছেন। বহু দশক পূর্বে যেমন হয়েছিল, আজও তেমনি শ্রীঅরবিন্দের এগিয়ে এসে ভারতমাতার মুক্তি সংসাধনের নেতৃত্ব গ্রহণ করার সময় এসেছে বলে মনে করি। মায়ের ডাকে তিনি যেন সাড়া দেন, এই প্রার্থনা সহ তাঁকে আমি নমস্কার জানাই।



## বিপ্লবীর আহ্বান

কোন বিরাট ও মহৎ কাজ আরম্ভ করার পূর্বে বয়োবৃদ্ধ ও অগ্রণীদের আশীর্বাদ-লাভের সনাতন ভারতীয় রীতি অনুসারে তাঁকে আমি নমস্কার প্রেরণ করছি। ভারতীয়দের জন্মে ভারত এবং এশিয়াবাসীদের জন্মে এশিয়া—এ নীতির জন্মে আমার সামান্য ক্ষমতানুযায়ী কাজ করার যে নতুন সংকল্প গ্রহণ করেছি তাতে যেন তিনি সন্তুষ্ট হন।

শ্রীঅরবিন্দ, আমি আপনাকে নমস্কার করি। বন্দে মাতরম্ !  
টোকিও, ১১-৩-৪২



## মহাত্মা গান্ধীকে

মহাত্মাজী,

পূর্ব-এশিয়া-প্রবাসী ভারতীয়দের প্রতিনিধিরূপে আমি, রাসবিহারী বসু, আপনাকে ভারতীয় জাতির একমাত্র নেতা বলে মনে করি। আর একথা বলতে আমার কিছুমাত্র দ্বিধা নেই যে, আপনার হাতে ভারতীয় জাতির ভাগ্য সম্পূর্ণ নিরাপদ।

প্রথমত, সত্যাগ্রহের নীতির উদ্ভাবন ও অনুসরণ করে এবং সমগ্র জাতিকে এ নীতি অনুযায়ী বাঁচতে শেখানোর চেষ্টা করে আপনি দেখিয়েছেন যে ভারতীয় নীতিশাস্ত্র ও ইতিহাসে যা

## বিপ্লবীর আহ্বান

কিছু শ্রেষ্ঠ, যা কিছু মহান—আপনি তার উত্তরাধিকারী। সত্য্যগ্রহ-নীতিকে সমস্ত শ্রেণী, ধর্ম ও সম্প্রদায়ের ভারতীয়দের মিলন-কেন্দ্র রূপে স্থাপন করে, আপনি নেতৃত্বের পরাকাষ্ঠা দেখিয়েছেন। ভারতের রাজনৈতিক রঙ্গক্ষেত্রে আপনি এমন এক সময়ে আবির্ভূত হয়েছিলেন যখন সাম্প্রদায়িকতা, ধর্মগত বিরোধ, সামাজিক ও অর্থনৈতিক বৈষম্য এবং সর্বোপরি বৈদেশিক অত্যাচারজনিত বিপদের হাত থেকে উদ্ধার পাবার জন্তে ভারতের পক্ষে সত্য্যগ্রহ ছাড়া অন্য কোন নীতির উপর নির্ভর করা সম্ভব ছিল না।

হাজার হাজার বৎসর পূর্বে ভারত ঠিক প্রায় এমনই পরিস্থিতির সম্মুখীন হয়েছিল; তখন ভগবান কৃষ্ণ অনাসক্ত কর্মের নীতি প্রবর্তন করে তাকে বাঁচিয়েছিলেন। সে আদর্শ আজও প্রবর্তার মতো জ্বল-জ্বল করছে এবং আগামী বহু যুগ ধরে আমাদের তা পথপ্রদর্শক হয়ে রইবে। ভগবান কৃষ্ণের ‘অনাসক্ত কর্ম’ এবং ‘সত্য্যগ্রহ’ নীতির মধ্যে আমি কোনই বিভিন্নতা দেখি না।

তারপর অনেক শতাব্দী পরে এলেন ভগবান বুদ্ধ। তিনিও এসে ভারতকে অনুরূপ অবস্থায় দেখলেন। তিনিও তাঁর ‘অনাত্মন’ নীতি প্রচার করে ভারতের ভাগ্যের গতি ফিরিয়ে দিতে পেরেছিলেন। আমার মতে সেই মহান নীতির সঙ্গেও সত্য্যগ্রহের সাদৃশ্য আছে :

## বিপ্লবীর আহ্বান

তারপর আরও কয়েক শতাব্দী অতীত হল। আরব দেশে হজরত মহম্মদ জন্ম নিলেন। তিনি আল্লাহ্ ও সত্যকে অভিন্ন-রূপে দেখলেন এবং বললেন যে সত্যকে সকল অবস্থার মধ্যে মেনে চলতে হবে। তাঁর অনুগামীরা এলেন ভারতে, সঙ্গে নিয়ে এলেন তাঁদের ধর্ম-বিশ্বাস ও সংস্কৃতি। কিছুকালের জন্তে মনে হল যেন তাঁরা নিজেদের ধর্ম-বিশ্বাস ও সংস্কৃতির সঙ্গে এ দেশ-বাসীদের ধর্ম-বিশ্বাস ও সংস্কৃতির সামঞ্জস্য খুঁজে পাচ্ছেন না। যদিও সত্য সেই একই, তবু মানুষের মন তাকে অনুভব করত ভিন্ন রূপে। আমার বিশ্বাস, সত্যগ্রহ-নীতিই এইসব লোকের পক্ষে ছানাঞ্জন-শলাকার কাজ করতে পারে; বিবেকসম্মত উপায়ে এ নীতি অনুসরণ করলে হিন্দু এবং মুসলমান নিজেদের ভিন্ন ধর্মমত মেনেও ভারতে এক জাতিরূপে বাস করতে পারবে।

পরিশেষে আমি বলতে পারি যে, সত্যগ্রহ-নীতি সমস্ত বড় ধর্মের সারাংশ বিশেষ এবং সাম্প্রদায়িকতা, গোড়ামি ও মিথ্যা-পাণ্ডিত্যের পরম প্রতিষেধক। এই নীতিকে জীবন্ত শক্তিতে রূপান্তরিত করার মধ্যেই ভারতের জাতীয় উদ্দেশ্য নিহিত। কিন্তু সে যদি ব্রিটিশ-শাসন থেকে সম্পূর্ণ মুক্তি না পায়, তবে তার এ উদ্দেশ্য পূর্ণ হবে না। কাজেই ভারতকে ভারতীয়দের আয়ত্ত্বাধীনে আনবার উদ্দেশ্যে আমরা সর্বশক্তি সমর্পণের মনস্থ করেছি। বৃহত্তর পূর্ব-এশিয়ার বর্তমান যুদ্ধে এশিয়া এশিয়াবাসীদের জন্তে—এই যে নীতি, তারও সঙ্গে আমরা সহযোগিতা করার সিদ্ধান্ত করেছি।

## বিপ্লবীর আহ্বান

আমার বর্তমান কাজে আপনার আশীর্বাদ পেলে আমি অত্যন্ত সুখী হব। ভারতকে পূর্ণ-স্বাধীনতার লক্ষ্যে নিয়ে যাবার জন্তে ভগবান আপনাকে প্রকৃত পথ প্রদর্শন করুন, যাতে স্বাধীন দেশ রূপে ভারত কাজের মধ্য দিয়ে মহান সত্যাগ্রহ-নীতির জীবন্ত উদাহরণ হয়ে দাঁড়াতে পারে। বন্দে মাতরম্!

টোকিও, ১৩-৩-৪২

## ভারতীয় জাতি এবং জাতীয় নেতৃত্বের প্রতি

পৃথিবীর ইতিহাসের এই সঙ্কট-মুহূর্তে যখন এক কালের মহাগর্বের বৃটিশ-সাম্রাজ্য জাপান এবং অক্ষশক্তিপুঞ্জের কঠিন আঘাতে প্রায় ধ্বংসের সম্মুখীন, তখন বিশ্ববাসীর চোখে ইঙ্গ-ভারতীয় সম্পর্ক নতুন আগ্রহের সঞ্চার করবে—এটা অত্যন্ত স্বাভাবিক।

যুদ্ধের থেকে ভারতকে সম্পূর্ণ দূরে রাখা বৃটিশ-সাম্রাজ্যবাদের প্রধান নীতি। এই নীতি কার্যকরী করার জন্তে সে ভারতের সীমান্তবর্তী দেশগুলোরও স্বাধীনতা হরণ করেছিল। ভেদনীতির দ্বারা অপরের উপর প্রভুত্ব করা সাম্রাজ্যবাদের সনাতন রীতি; এবং এদিক থেকে সে ভারতে এক সম্প্রদায়ের বিরুদ্ধে অপর সম্প্রদায়কে উদ্ভিয়ে দিয়েই শুধু যে ভাল খেলা খেলেছে, তা

## বিপ্লবীর আহ্বান

নয়—বিশ্বের রাজনীতিক্ষেত্রেও সে তার প্রভুত্ব বজায় রাখার জন্তে এই একই কৌশল অবলম্বন করেছে। এসব চালাকি কিন্তু ধরা পড়ে গেছে। ফলে আজ সে আর তার বহুবিস্তৃত সাম্রাজ্য ধরে রাখতে পারছে না ; আমাদের চোখের সামনেই সাম্রাজ্য ভেঙে টুকরো টুকরো হয়ে যাচ্ছে।

এ সময়ে ভারতীয়দের উচিত, ব্রিটিশ-শাসন এ পর্যন্ত যে সব অকল্যাণ সৃষ্টি করেছে সে সমস্ত আগাগোড়া ভেবে দেখা, এবং এ শাসন ধ্বংস করার উপায় উদ্ভাবন করে ভারতীয়দের জন্তে ভারত ও এশিয়াবাসীদের জন্তে এশিয়া সৃষ্টির চেষ্টা করা।

দুই শত বৎসর পূর্বে ইংল্যান্ড ছিল একেবারে একটি ক্ষুদ্র শক্তি। অর্থনৈতিক, সামরিক ও আধ্যাত্মিক দিক থেকে সে শুধু ভারতের চেয়েই হীন ছিল না—এশিয়ার অধিকাংশ দেশের চেয়েই হীন ছিল। কিন্তু দুই শত বৎসর পরে ইংল্যান্ড পৃথিবীতে প্রথম শ্রেণীর শক্তি হয়ে দাঁড়াল। তার সম্ভাবনার ঐশ্বর্যময় জীবন যাপন করতে লাগল, প্রয়োজনাতিরিক্ত পোষাক পরতে লাগল, শ্রেষ্ঠ খাদ্য খেতে লাগল এবং প্রভুর মতো বাস করতে লাগল। কিসে এটা সম্ভব হল? এটা সম্ভব হল—সাম্রাজ্যবাদ ভারতকে নিদারুণরূপে শোষণ করতে পেরেছিল বলেই। ইংল্যান্ড যত ধনী হতে লাগল, ভারত হতে লাগল তত দরিদ্র ; অধিকাংশ ভারতীয় অনশনের মুখোমুখি এসে দাঁড়াল। আরও যদি শোষণ চলে, তবে নিঃসন্দেহ ভারতীয় জাতি একেবারে অতীতের বস্তু

## বিপ্লবীর আহ্বান

হয়ে দাঁড়াবে। মহাত্মা গান্ধী সম্প্রতি বলেছেন, “ব্রিটিশ সাম্রাজ্যবাদ ভারতের উপর জঘন্য অনাচার করেছে।” আমি এর চেয়েও গুরুতর অভিযোগ করতে চাই—বুটেন তার পররাজ্য-লিপ্সা এবং শোষণের দ্বারা শুধু ভারতে নয়—পৃথিবীর অস্থান্য অঞ্চলেও মানবতার বিরুদ্ধে অনাচার করেছে। এক কথায়, ব্রিটিশ সাম্রাজ্যবাদ মানবতার শত্রু; যত শীঘ্র তার ধ্বংস হয়, বিশ্বশান্তির পক্ষে ততই মঙ্গল।

ভারতীয় নরনারী ও ভারতের নেতৃবৃন্দ, আমি আপনাদের সাম্রাজ্যবাদী পুরানো অপকৌশল সম্বন্ধে সতর্ক করে দিতে চাই। ভারতীয় জাতিকে প্রতারণিত করার জন্তে ব্রিটিশ এখন স্ট্যাফোর্ড ক্রীপসকে পাঠাচ্ছে। কিন্তু আপনারা প্রতারণিত হবেন না। গত ইউরোপীয় যুদ্ধের কাহিনী ভুলে যাবেন না। বুটেনের যুদ্ধজয়ে সাহায্য করার জন্তে ভারত বিরাট ত্যাগ স্বীকার করেছিল। তার ত্যাগ-স্বীকারের পরিবর্তে ইংল্যান্ড তাকে স্বায়ত্ত-শাসন দেবার প্রতিশ্রুতি দিয়েছিল। কিন্তু শেষ পর্যন্ত ভারত পেয়েছিল কি? ভারত পেয়েছিল সামরিক আইন আর জালিয়ানওয়ালাবাগ। হাজার হাজার নিরস্ত্র শান্তিপ্ৰিয় ভারতবাসীকে নিদর্শনভাবে হত্যা করা হয়েছিল, এবং অনেকে হয়েছিল অঙ্গহীন। ১৯১৯-এর সামরিক আইন রিপোর্টের পৃষ্ঠা খুলুন—দেখতে পাবেন ব্রিটিশ শাসকদের অত্যাচারের বিস্তৃত বিবরণ। এই ভাবে ইংল্যান্ড তার প্রতিশ্রুতি পালন করেছিল।

## বিপ্লবীর আহ্বান

বৃটিশরা ভারতীয়দের পূর্ণ জাতীয় স্বাধীনতার ছায়সঙ্গত দাবি স্বীকার করে নিতে অনিচ্ছুক—তার আর একটি উদাহরণ ভারত গবর্নমেন্টের ১৯৩৫ অক্টোবর শাসনতন্ত্র। অপর উদাহরণ দেওয়া নিম্নপ্রয়োজন—আপনারা সবাই সে সমস্ত জানেন। কাজেই স্মার স্ট্যাফোর্ড ক্রীপ্স যে প্রস্তাব বহন করে আনবেন, তা আপনারা কখন অনুমোদন করবেন না। বর্তমান যুদ্ধে সাহায্যের জন্তে যে সব দেশকে বুকিয়ে স্কুবিয়ে, অনুন্নয় বিনয় করে শেষ পর্যন্ত সে দলে টেনেছিল, তাদের দুর্ভাগ্যের কথা স্মরণ করে—এই অনিষ্টকারী পরিকল্পনায় জড়িত না হতে আপনারা দৃঢ়সংকল্প হবেন। বৃটিশ সাম্রাজ্য অস্তমিতপ্রায়; তার আর পূর্ব প্রভাব ফিরে পাবার সম্ভাবনা নেই। কাজেই তার সঙ্গে আপনাদের ভাগ্য জড়িত করবেন না। দৃঢ়সংকল্পের সঙ্গে উঠে দাঁড়িয়ে সংগ্রাম করে স্বাধীনতার পথে এগিয়ে যান। স্বাধীনতা কারও কাছ থেকে দান-স্বরূপ আসতে পারে না। এ অঞ্চল থেকে আমরা আপনাদের স্বাধীনতা-সংগ্রামে সাধ্যানুযায়ী সাহায্যের প্রতিশ্রুতি দিচ্ছি। আমাদের সকলকে স্বার্থভ্যাগের মূল্য দিয়ে বৃটেনের কাছ থেকে জাতীয় স্বাধীনতা ছিনিয়ে নেবার জন্তে প্রস্তুত হতে হবে। আমি আবার ভারতীয় জাতীয় নেতৃবৃন্দকে সাবধান করে দিচ্ছি, তাঁরা যেন এই সন্ধি-ক্ষণে বৃটিশ সাম্রাজ্যবাদের কোন ফাঁদে পান না দেন। বন্দে মাতরম্!

টোকিও, ১৬-৩-৪২





## মিঃ জিন্নার প্রতি

জনাব জিন্না সাহেব,

পূর্ব-এশিয়ায় প্রবাসী ভারতীয়দের প্রতিনিধিরূপে আমি, রাসবিহারী বসু, বিশ্বাস করি যে কৃতজ্ঞতা মানবীয় সংস্কৃতির একটা প্রধান অবদান। আমি আপনার উদ্দেশ্যে কৃতজ্ঞতা-বাক্য উচ্চারণের এই সুযোগ নিচ্ছি।

বহু বৎসর পূর্বে যখন ভারতীয় জাতীয় কংগ্রেস এবং তার উদ্যোগে অল্পশ্রুত জাতীয় আন্দোলন বলতে গেলে শৈশব অবস্থায় ছিল, তখন আপনি ছিলেন সেই সব যুষ্টিমের কংগ্রেস-নেতাদের অগ্রতম যাদের অগ্নিবর্যী জাতীয়তাবোধ জনসাধারণের প্রশংসা ও অমুরাগের বিষয় ছিল। সমগ্র পূর্ব-এশিয়ার ভারতীয় অধিবাসীদের তরফ থেকে আমি জাতীয়তাবাদী রূপে

## মুসলিমদের আহ্বান

ও কংগ্রেসের সেবক রূপে ভারতীয় জাতির জন্তে আপনার সেবা পূর্ণরূপে স্বীকার করছি এবং ভারতীয় রূপে আমি সে জন্তে আপনার কাছে কৃতজ্ঞ।

বর্তমানে মুসলিম লীগের সভাপতি রূপে আপনাকে স্বদেশে এবং বিদেশে ভারতীয় মুসলমানদের একটা বিরাট অংশের নেতা বলে মনে করা হয়। একটা সম্প্রদায় যত বড় এবং যত গুরুত্বপূর্ণই হোক, শুধু তারই নেতারূপে আমি কিন্তু আপনাকে দেখতে অনিচ্ছুক। আমার চোখে আপনি এখনও কিন্তু সেই বহুবর্ষ পূর্বের পুরাতন মহম্মদ আলি জিন্না—যিনি সমগ্র ভারতীয় জাতির অগ্রতম প্রধান নেতা রূপে চিন্তা করতেন, কথা বলতেন ও চলাফেরা করতেন। আমি আল্লাহর কাছে প্রার্থনা করি, আমার এই কথাগুলি আপনার কাছে যেন প্রকৃত অর্থ নিয়ে প্রতিভাত হয়; আপনি আবার যেন একটি মাত্র সম্প্রদায়ের নয়, ভারতীয় সকল সম্প্রদায়ের নেতা রূপে উদিত হবার সিদ্ধান্ত গ্রহণ করেন।

বৃহত্তর পূর্ব-এশিয়ার বর্তমান যুদ্ধ শুরু হবার সঙ্গে সঙ্গে এশিয়ার ইতিহাসের ধারা পরিবর্তিত হতে চলেছে। বিশেষ করে, ভারতের ভাগ্যের ভবিষ্যৎ নিয়ে সমগ্র বিশ্বের আগ্রহ পুঞ্জীভূত হয়েছে। এ রকম মুহূর্তে আভ্যন্তরীণ বিরোধে ভারতের অন্তর্নিহিত জাতীয় শক্তি কি অপচয়িত হওয়া উচিত? চিরতরে এই সকল বিরোধের অবসান ঘটিয়ে ভবিষ্যতের

## বিপ্লবীর আহ্বান

সম্মুখীন হবার জন্যে সম্মিলিত ফ্রন্ট গঠন কর। হোক। সমগ্র পূর্ব-এশিয়া আজ শতাব্দী-স্থায়ী ব্রিটিশ শাসন-শৃঙ্খল দূরে সরিয়ে দেবার জন্যে দণ্ডায়মান। এশিয়া এশিয়াবাসীদের—এই নীতি গ্রহণ করে গভীর ঐতিহাসিক গুরুত্বপূর্ণ একটি বিরাট আন্দোলনের সূত্রপাত হয়েছে, এবং তদনুসারে ভারতের প্রতিও আহ্বান জানানো হয়েছে ভারতীয়দের জন্যে ভারত—এই নীতির প্রবর্তনকল্পে।

কিন্তু ভারত ভারতীয়দের জন্যে হতে পারে না—যদি না হিন্দু-মুসলমান নির্বিশেষে ভারতীয়েরা নিজ নিজ ধর্মচর্চা করেও জাতীয় সেবায় ঐক্যবদ্ধভাবে অগ্রবর্তী না হন। তাঁরা যদি দৃঢ় সিদ্ধান্ত গ্রহণ করেন, সহজে এ কাজ করতে পারেন। কারণ, সত্য যদি ধর্মের সারবস্তু হয় এবং সর্বত্র ও সকল সময়ে সত্য যদি একই হয়, তবে ধর্ম-বিষয়ে হিন্দু ও ইসলাম ধর্মের অনুগামীদের মধ্যে বিবাদ হবার কোন কারণই থাকতে পারে না। জনাব জিন্না, এ সম্বন্ধে আপনার বিরাট কর্তব্য আছে। আল্লাহ আপনার পথপ্রদর্শক হোন, কর্তব্য-পালনে আপনি যেন তাঁর কাছ থেকে প্রেরণা লাভ করেন। পূর্ব-এশিয়া প্রবাসী ভারতীয়দের পক্ষ থেকে আমি আপনাকে বলছি যে আপনি পুনরায় জাতীয় নেতারূপে আবির্ভূত হবেন, এই প্রত্যাশায় আমরা পরম আগ্রহে অপেক্ষা করছি। হিন্দুস্থান জিন্দাবাদ!

টোকিও, ১৬-৩-৪২



## পণ্ডিত জওহরলাল নোহরুর প্রতি

শ্রদ্ধেয় পণ্ডিতজী,

আজ বৃহত্তর পূর্ব-এশিয়ার যুদ্ধের ফলে প্রাচ্যে বহু-বিস্তৃত ইংল্যান্ডের সাম্রাজ্য অতি দ্রুত টুকরো টুকরো হয়ে যাচ্ছে। সেই যুদ্ধ দ্রুত ভারত-সীমান্তের দিকে এগিয়ে চলেছে। তাই এখন এটা অত্যন্ত স্বাভাবিক যে সমগ্র পৃথিবীর দৃষ্টি সম্মিলিত হয়ে রয়েছে জাতীয়তাবাদী ভারতের উপর—বিশেষ করে, আপনার নেতৃত্বে ভারত যে চূড়ান্ত সিদ্ধান্ত গ্রহণ করবে—তার উপর। আপনার উক্তির মধ্য দিয়ে সময় সময় জাতীয়তাবাদী ভারতের যে মনোভাব প্রকাশিত হয়, তার প্রত্যাশায় শুধু বিশ্বের সংবাদপত্র-

## বিপ্লবীর আহ্বান

গুলোই সাগ্রহ প্রতীক্ষায় থাকে না—বিভিন্ন রাজধানীর কূট-নৈতিক মহলের আগ্রহও সেগুলি ঘিরে পুঞ্জিত হয়ে থাকে। স্মার স্ট্যাফোর্ড ক্রীপসকে ভারতে পাঠানোর পিছনে ভারতকে যুদ্ধে জড়িত করার চেষ্টা ছাড়া অপর কোন অর্থ নেই। এর ফলে ভারতীয় সমস্মার গুরুত্ব সহসা অতিমাত্রায় বৃদ্ধি পেয়েছে। স্বাভাবিকভাবেই সারা পৃথিবী—বিশেষ করে বিদেশ-প্রবাসী ভারতীয় আমরা সোচ্ছবে স্মার স্ট্যাফোর্ডের ভারত-পরিদর্শনের ফলাফল জানার প্রতীক্ষায় আছি।

ব্যক্তিগতভাবে আমি মনে করি, এই সঙ্কট-ক্ষেণে আপনাকে নেতাক্রমে নির্বাচন করে কংগ্রেস ও ভারত সৌভাগ্যবান হয়েছে। আমি বিশ্বাস করি, নিজের জীবিতকালেই আপনাকে তাঁর উত্তরাধিকারীরূপে ঘোষণা করে মহাত্মাজী তাঁর গভীর দূরদৃষ্টির আর একটি উদাহরণ দিয়েছেন। আপনার সম্বন্ধে আমার বিশ্বাসের ভিত্তি দৃঢ় যুক্তির উপর। আপনিই ছিলেন কংগ্রেসের সেই প্রথম রাষ্ট্রপতি যার প্রভাবে কংগ্রেস ঔপনিবেশিক স্বায়ত্তশাসনের লক্ষ্য ত্যাগ করে পূর্ণ স্বাধীনতার মন্ত্র গ্রহণ করেছে। ভারতের দেশরক্ষা, বৈদেশিক নীতি এবং অর্থনীতির উপর ব্রিটিশ-নিয়ন্ত্রণ থাকবে না—এই দাবি জানিয়ে আপনি স্পষ্ট বৃষ্টিয়ে দিয়েছিলেন স্বাধীনতার সারবস্তু কাকে বলে। দান রূপে সর্বাধীন স্বাধীনতা গ্রহণ করা চলে না, স্বাধীনতা পুরুষকারের দ্বারা অর্জন করতে

## বিপ্লবীর আহ্বান

হয়—সম্প্রতি আপনি এই উক্তি করেছেন বলে যখন জানা গেল, তখন আমার দৃঢ় বিশ্বাস হয়েছে যে আসন্ন সঙ্কটের মধ্য দিয়ে আপনিই ভারতকে ঠিক পথে চালিয়ে নিয়ে যাবেন।

সময় যেরূপ সঙ্কটময়, তাতে একটা সামান্য ভুলে জাতির সর্বনাশ হয়ে যেতে পারে। আপনার লক্ষ্যলাভের পথে যে সব বিপদ আছে, তার কিছু বর্ণনা না দিয়ে আমি পারছি না। প্রথমত আমি আপনাকে সাবধান করে দিচ্ছি, ব্রিটিশ-সাম্রাজ্যের ভাগ্য-রবি ডুবে যাচ্ছে ; বাইরে থেকে সে যত সাহায্যই পাক না কেন নিয়তির হাত থেকে তার রক্ষা নেই। অণু কথায় বলতে গেলে—ভারত সক্রিয় ভাবে তাকে সমর্থন করুক আর নাই করুক, ইংল্যান্ড এযুদ্ধে জয়ী হতে পারবে না। অণু দিক দিয়ে বলতে গেলে—যুদ্ধে পরাজিত হবার ফলে ইংল্যান্ড যে বিপদে পড়বে, তার পক্ষ হয়ে লড়াই করলে ভারতও সেই বিপদে পড়বে। ইংল্যান্ডের যুদ্ধে ভারত যদি নিজেকে জড়িয়ে পড়তে দেয়, তবে তার ফলে ভারতকে আক্রমণ ও তজ্জনিত অন্যান্য ছুঁভোগ ভোগ করতে হবে। এখন স্মার স্ট্যাফোর্ড ক্রীপস কিংবা অণু কোন প্রতিনিধির মারফৎ ইংল্যান্ড যে কোম প্রস্তাব দেবে, দৃঢ়ভাবে তা নাকচ করে দেওয়া এবং শেষ পর্যন্ত তার সঙ্গে সহযোগিতা করতে অসম্মত হবার মধ্যেই ভারতের মুক্তির পথ নিহিত।

আপনাদের হাতে বর্তমান অবস্থায় একমাত্র অস্ত্র আছে আইন-

## বিপ্লবীর আহ্বান

অমাগ্ন আন্দোলন। অবিলম্বে তা আরম্ভ করুন। আপনাদের গত আইন-অমাগ্ন আন্দোলনে এ অঞ্চল থেকে আমাদের পক্ষে সাহায্য করার পথে যে বাধা ছিল, বর্তমানে সে বাধা আর নেই। এখন আপনারা যে কোন আন্দোলন আরম্ভ করুন, তার সাফল্যের জন্তে সাধ্যানুযায়ী সাহায্য করার মতো অবস্থা আমাদের আছে। আমরা যে আজ সাহায্য করতে সমর্থ, তার জন্তে ঈশ্বরকে ধন্যবাদ। পূর্ব-এশিয়ার ভারতীয়দের পক্ষ থেকে আমার একমাত্র প্রার্থনা এই যে ব্রিটিশ-সাম্রাজ্যের ধ্বংস ঐতিহাসিক প্রয়োজন এবং এশিয়ার জাতিপুঞ্জের মধ্যে স্বাধীন-ভারতের অভ্যুদয় দৈবের ইচ্ছা — এই মুহূর্তে আপনারা এই সত্য অনুধাবন করুন। বন্দে মাতরম্!

টোকিও, ১৮-৫-৪২



## শ্রীসভারকরকে

মাননীয় বিনায়ক রাওজী সভারকর,

আপনাকে অভিবাদন জানাতে এসে ছুটি কারণে আমার হৃদয় স্বস্তিতে পূর্ণ হয়ে উঠেছে। একটি এই যে, আপনাকে অভিবাদন জানিয়ে আমি একজন পূর্বাচার্য এবং সমধর্মী কমরেডের প্রতি কর্তব্য-পালন করছি। অপর কারণ, আপনার মারফত আমি প্রকৃত আত্মত্যাগ-বৃত্তিকেই অভিবাদন জানাচ্ছি।

এই ভাবে আপনাকে সম্বোধন জানাতে গিয়ে আমার মন চলে যাচ্ছে চল্লিশ বৎসর পূর্বের ভারতবর্ষে। তখন আমাদের জাতি একটা বিরাট নব অভ্যুত্থানের মধ্য দিয়ে যাচ্ছিল।



## বিপ্লবীর আহ্বান

আপনার উক্তিই উদ্ধৃত করছি: “হিমালয় থেকে ভারত মহাসাগর পর্যন্ত সমগ্র দেশ পবিত্র যজ্ঞ-বেদীতে পরিণত হয়েছিল এবং তার উপর প্রজ্জ্বলিত করা হয়েছিল মহান্ যজ্ঞাগ্নি।” তখন আপনি ব্রতধারণ করেছিলেন ; আপনি সপরিবারে ছিলেন সেই যজ্ঞাগ্নির আহুতি বিশেষ । কিন্তু দৈব বিরূপ ছিল । আপনার বৈপ্লবিক কার্যকলাপ ফল-প্রসূ হবার পূর্বেই স্বাধীনতার বেদীমূলে আপনার সমগ্র পরিবার ও প্রিয়জনদের আত্মনিবেদন আপনাকে চাক্ষুষ দেখতে হয়েছিল । এতেও ভীত না হয়ে আপনি আপনার চিন্তা বাক্য ও কার্য নিয়োগ করে চললেন পূর্ণ জাতীয় স্বাধীনতা সাধন কল্পে । সশস্ত্র বিপ্লবে আপনার বিশ্বাস সেদিন নতুন শক্তি অর্জন করেছিল ।

কিন্তু দৈব তবু সন্তুষ্ট হন না । আপনার বৈপ্লবিক কার্যের ফল দেখা দেবার পূর্বেই আপনাকে পর পর দু’বার আজীবন কারাদণ্ডে দণ্ডিত করে রাখা হল আন্দামানের ভয়াবহ কারাগারে । সেখান থেকে আপনার পক্ষে জীবিত অবস্থায় মুক্তি পাওয়া মনে হল একেবারে অসম্ভব । অতি দুঃস্থের দৈবের পথ ; চৌদ্দ বৎসর কারাবাসের পর ভয়ঙ্কর অসুস্থতার দরুন ব্রিটিশ কর্তৃপক্ষ আপনাকে মুক্তি দিলেন । সেই দীর্ঘ কারাবাসের সময় আপনি নিশ্চয় এই বিশ্বাস নিয়ে সমস্ত দুঃখ-যন্ত্রণা সহ করেছিলেন, আপনি যে জীবন যাপন করছিলেন তার ছক দৈব আগে থেকেই কেটে রেখেছিলেন ।

## বিপ্লবীর আহ্বান

জীবিত অবস্থায় আপনি যে কারাগারের বাইরে আসতে পেরেছেন, আমি মনে করি এ আপনার পুনর্জন্ম। আমি এর মধ্যে ভগবানের নির্দেশ না দেখে পারি না। চল্লিশ বৎসর পূর্বে তৎকালীন অবস্থার দাবি অনুযায়ী আপনি দেশের প্রতি আপনার কর্তব্য করেছিলেন। আজ ভারতবর্ষ সম্পূর্ণ পরিবর্তিত বিশ্ব-পরিস্থিতির সম্মুখীন হয়েছে। আজ তার ইতিহাসের সর্বাপেক্ষা চরম সঙ্কট-দ্রুণ সমুপস্থিত। এর জন্তে তার নেতৃবৃন্দের পক্ষে চাই দৃঢ় বিশ্বাস এবং দূরদৃষ্টির গভীরতা। আদর্শবাদের জটিলতাবাদ দিয়ে ভারতে বৈদেশিক নীতি গঠন করতে হবে—এ কথা বলে আপনি পুনরায় শক্তিশালী নেতা রূপে আপনার দাবি সপ্রমাণ করেছেন। ইংল্যান্ডের শত্রুকে ভারতের মিত্র রূপে এবং তার মিত্রকে ভারতের শত্রু রূপে বিবেচনা করার নির্দেশ দিয়ে আপনি সংক্ষেপে বর্তমান ভারতের সমগ্র বৈদেশিক নীতি বর্ণনা করেছেন। সম্প্রতি আপনি আর একটি নীতি-ঘোষণায় বলেছেন, “ইংল্যান্ডের অসুবিধাই ভারতের সুযোগ—” এর জন্তেও আপনাকে প্রশংসা করিতে হয়। আমি বিশ্বাস করি যে এইসব নীতি কার্যে পরিণত করার পক্ষে শ্রেষ্ঠ সময় হচ্ছে আজ। সাভারকরজী, আমি আপনাকে এই সত্য অনুধাবন করে তদনুযায়ী কাজ করার জন্তে আমন্ত্রণ জানাচ্ছি। ইংল্যান্ড চরম অসুবিধায় পড়েছে, তা নিশ্চয়ই আপনি জানেন। ইংল্যান্ডের অসুবিধাই যে ভারতের স্বাধীনতার পক্ষে সুবর্ণসুযোগ—তা-ও নিশ্চয়ই

## বিপ্লবীর আহ্বান

আপনি জানেন। সুতরাং আপনার নিজের যুক্তি অনুসারে, জাপান ইংলণ্ডের শত্রু বলেই ভারতের বন্ধু। জাপানের কথা বলতে গেলে, সে ইতিমধ্যেই ভারত সম্বন্ধে তার নীতি ঘোষণা করেছে। যখন প্রধানমন্ত্রী জেনারেল তোজো ডায়েটের (জাপান পার্লামেন্ট) অধিবেশনে বলেছিলেন যে ভারতকে ভারতীয়দের নিজস্ব করার জন্তে এবং বিশ্বরাষ্ট্রসভায় তার প্রাপ্য পদ-মর্যাদা অর্জনে জাপান ভারতের প্রচেষ্টায় সাহায্য করতে কসুর করবে না, তখন তিনি যা মুখে বলেছিলেন কাজেও তা-ই করতে চেয়েছিলেন।

যে শৃঙ্খল এ পর্যন্ত আমাদের মাতৃভূমিকে দাসত্বে আবদ্ধ করে রেখেছে, সেই শৃঙ্খল-ভঙ্গের চূড়ান্ত চেষ্টায় আমি তাই পূর্ব-এশিয়ার ভারতীয় সমাজকে রণসাজে সজ্জিত করার সিদ্ধান্ত করেছি। কিন্তু আমি জানি যে, যথাসময়ে আমি যদি ভারতে আপনার এবং অগ্ন্যাগ্ন নেতার সমর্থন না পাই, তবে আমার প্রচেষ্টা সফল হবে না। স্মরণ রাখবেন, আমাকে সমর্থন করে আপনি কোন ব্যক্তিবিশেষকে সমর্থন করছেন না, সমর্থন করছেন স্বাধীনতার উদ্দেশ্যকে—যা আপনাদের কাছে চিরপ্রিয়। এই উদ্দেশ্যকে সাফল্যমণ্ডিত দেখার জন্তেই আপনারা বেঁচে রয়েছেন। এই শেষ মুক্তি-প্রচেষ্টা ব্যর্থ হতে দেবেন কি?—এখন যখন বৃহত্তর পূর্ব-এশিয়ার এই যুদ্ধ আরম্ভের পর বহু-প্রতীক্ষিত সুযোগ আমাদের প্রায় করায়ত্ত হয়ে এসেছে?

## বিপ্লবীর আহ্বান

মালয় ব্রহ্ম এবং বোর্নিওয় বৃটিশ-শক্তি যে সব হুঁসিপাক ভোগ করেছে, তার থেকে স্পষ্ট বোঝা যায় যে বৃটিশ-সাম্রাজ্যের পতন সুনিশ্চিত। এ অবস্থায় বৃটেন ভারতকে সব রকম লোভ দেখাতে পারে—মায় স্বাধীনতা দেবার প্রস্তাব পর্যন্ত করতে পারে। যে যুদ্ধে ভারতের কিছুই করবার নেই, সেই যুদ্ধে ভারতকে জড়িয়ে ফেলার প্রতিদান স্বরূপ স্বাধীনতাও গ্রহণ করবেন না। কেন না, যে যুদ্ধে বৃটেনের পরাজয় সুনিশ্চিত, সে যুদ্ধে তার পক্ষ হয়ে লড়াই করলে, সামরিক পরাজয়ের থেকে যেসব দুর্ভোগ আসে তার সবই ভারতকে ভোগ করতে হবে।

তার উপর, ইংল্যান্ডের সঙ্গে ভারতের সাধারণ সাদৃশ্য নেই কিছুই। জাপানের সঙ্গে কিন্তু ভারত সাংস্কৃতিক দিক থেকে এক। কাজেই জাপানের বিরুদ্ধে যুদ্ধে ইংল্যান্ডের পক্ষাবলম্বন করে লাভ কি? যে বৃটিশ-সাম্রাজ্যবাদ ভারতের বর্তমান ছুদ'শার জগ্নে দায়ী, তাকে ধ্বংস করাই কি উচিত নয়? হাজার হাজার ভারতীয় সৈন্যের কথাও দয়া করে উপেক্ষা করবেন না; স্বদেশপ্রেম এবং বৃটিশদের বিরুদ্ধে ঘৃণাই এদের স্বেচ্ছায় জাপানীদের কাছে আত্মসমর্পণ করতে অনুপ্রাণিত করেছিল। এরা আজ স্বাধীনতার সৈনিক হবার জগ্নে উদ্গ্রীব। এদের পক্ষ থেকে আমি আপনাকে জানাচ্ছি, স্বদেশে আপনার এবং অস্থান্য ভারতীয় নেতার মনোভাবের উপর এদের আশা-আকাঙ্ক্ষা বহুল পরিমাণে নির্ভরশীল।

## বিপ্লবীর আহ্বান

আপনি কি তাদের প্রদত্ত সেবা গ্রহণ করে তাদের সঙ্গে  
বিজয়ের পথে এগিয়ে যাবেন না? আমার অন্ত কোন প্রকার  
অনুরোধ নেই। ঈশ্বর যেন আপনার প্রকৃত বিচারবুদ্ধি প্রয়োগের  
শক্তি ও পথ নির্দেশ করেন। বন্দে মাতরম্!

টোকিও, ২১-৩-৪২



## মোলানা আবুল কালাম আজাদকে

শ্রদ্ধেয় মোলানা সাহেব,

আজ সমগ্র পৃথিবীর ইতিহাসের ধারা একটা যুগান্তকারী  
পরিবর্তনের সম্মুখীন এবং তার ফলে আমাদের জাতির ভাগ্য

## বিপ্লবীর আহ্বান

তৌল্যস্ত্রে দোহুল্যমান বলে মনে হওয়ায় আমি, রাসবিহারী বসু, পরম শ্রদ্ধা ও প্রত্যাশা নিয়ে আপনার কাছে আবেদন জানাচ্ছি।

আপনার প্রতি আমার আত্মরিক শ্রদ্ধাবোধের সহজ কারণ এই যে আপনার মধ্যে স্বদেশ-প্রেম, উদ্দেশ্যের অকৃত্রিমতা, চরিত্রের পবিত্রতা ও ভগবদ্ভক্তি একত্রীভূত হয়ে অবস্থান করছে। আপনি হিন্দু ও মুসলমান—উভয় সম্প্রদায়েরই বিশ্বাস ও শ্রদ্ধার পাত্র। তাই আমিও আশা-ভরসা নিয়ে আপনার দিকে তাকাচ্ছি—এতে বিশ্বাসের কিছু নেই।

আমাদের দেশ এখন যে ভীষণ বিপদের সম্মুখীন, তার ধরন ও পরিমাণই আমাকে আপনার কাছে আবেদন জানতে বাধ্য করছে। ভারত আজ বিষম সঙ্কটের মুখোমুখি দাঁড়িয়ে আছে। তার সামনে আছে দু'টি পথ—একটি পথের গতি চিরন্তন স্বাধীনতা ও গৌরবের দিকে। এ সময়ে ভারত যদি ইংল্যান্ডকে সমর্থন করে কিংবা কোন প্রকারে তার সহযোগিতা করে, তবে ইংল্যান্ড এ যুদ্ধে পরাজিতই হোক কিংবা জয়লাভই করুক, তার পরিণতি হবে ভারতের চিরদাসত্ব। যদি ইংল্যান্ড জেতে, তবে ভারতকে স্বাধীনতা না দিয়ে ভারতে সে আরও দৃঢ়ভাবে শিকড় গেড়ে বসবে। সে যদি হারে, তবে তার শত্রুরা ভারতের সঙ্গে ইংল্যান্ডের মতোই—হয়তো বা তারও চেয়ে খারাপ ব্যবহার করবে। তা ছাড়া, আশি বৎসরের অধিককাল

## বিপ্লবীর আহ্বান

স্বাধীনতার সংগ্রাম চালিয়ে যদি আপনারা—ভারতীয় নেতারা চরম-বিজয়ের সম্মুখে এসে সংগ্রাম ত্যাগ করেন, তবে আপনারা যে শুধু ভারতের বর্তমান জনগণের প্রতিই বিশ্বাসঘাতকতা করবেন—তা নয়, আপনারা বিশ্বাসঘাতকতা করবেন সেই সব অজস্র শহীদের প্রতি যাঁরা পবিত্র উদ্দেশ্য সাধন করতে গিয়ে মৃত্যু বরণ করেছিলেন। কাজেই, শ্রদ্ধেয় মোলানা সাহেব, আমি আপনাকে স্মরণ করিয়ে দিতে চাই, ভারতীয় স্বাধীনতা আন্দোলনের সমাপ্তি গৌরব কিংবা অগৌরবের মধ্যে হবে—তা সম্পূর্ণ নির্ভর করছে আপনার এবং আপনার সহকর্মীদের সিদ্ধান্তের উপর। যদি আপনারা মনে করেন যে স্বাধীনতা আন্দোলনের পরিসমাপ্তি গৌরবের মধ্যে হওয়া উচিত তবে ইংরেজদের সঙ্গে সহযোগিতা না করে তার বিরুদ্ধে সংগ্রাম চালানোই একমাত্র পন্থা।

অন্য কোন অবস্থায় আমি এ আবেদন জানানোর সাহস পেতাম না। কিন্তু ইংল্যান্ডের কুট-কৌশল জানি বলে এবং যুদ্ধ-প্রচেষ্টায় সাহায্য-লাভের প্রত্যাশায় আপনাদের প্ররোচিত করার উদ্দেশ্যে ভারতের প্রতি তথাকথিত সহানুভূতিসম্পন্ন স্মার স্ট্যাফোর্ড ক্রীপসকে ইংল্যান্ড ভারতে পাঠিয়েছে বলেই আমি আপনার অসন্তুষ্টি উৎপাদনের ঝুঁকি নিয়েও আমার অভিমত প্রকাশের সিদ্ধান্ত করেছি। স্মার স্ট্যাফোর্ড ক্রীপসের হৃদয়ে ভারতের প্রতি সহানুভূতি থাকতে পারে। কিন্তু তিনি ভারতে

## বিপ্লবীর আহ্বান

ব্যক্তি হিসাবে আসেন নি—এসেছেন বৃটিশ মন্ত্রি-মণ্ডলের প্রতি-  
নিধিরূপে। ইংল্যাণ্ডে যে আমলাতান্ত্রিক গবর্নমেন্ট প্রতিষ্ঠিত তার  
অধীনে কোন ব্যক্তি কোন একটি বিষয়ের প্রতি যতই সাধু  
মনোভাবসম্পন্ন এবং সহানুভূতিসম্পন্ন হোন না কেন, সেই  
মনোভাব ও বিশ্বাস অনুযায়ী ছায়-বিচার করার ক্ষমতা তাঁর  
নেই। ধরে নিলাম, ব্যক্তিগতভাবে স্যার স্ট্যাফোর্ড ক্রীপ্স  
ভারতকে স্বাধীন দেখতে চান, কিন্তু তাঁর ক্যাবিনেটের অন্যান্য  
সহকর্মী এবং বৃটিশ-পার্লামেন্টের উভয় পরিষদের সদস্যদের  
মতামতের তোয়াক্কা না রেখে তিনি কি ভারতকে স্বাধীনতা দিতে  
পারেন? এ কথা পুরোপুরি ভালভাবে জেনেও কেন তাঁর সঙ্গে  
বুখা আলাপ-আলোচনায় আপনাদের মূল্যবান সময় নষ্ট  
করবেন? পনের বৎসর পূর্বে যেমন ভাবে সাইমন কমিশনের  
অভ্যর্থনা করেছিলেন, তাঁরও অভ্যর্থনা তেমনই ভাবে করুন।

এখনই আইন-অমান্য আন্দোলন শুরু করুন না কেন।  
এবার এ আন্দোলনকে সর্বত্র ব্যাপকভাবে ছড়িয়ে দিন।  
কিংবা এ সব যদি অসম্ভব হয়, তবে হাত-পা গুটিয়ে বসে  
থেকে নিজেদের সংকল্পে অটুট থাকুন। আমরা যারা  
এ অঞ্চল থেকে ভারত-সীমান্ত এবং ভারতে বৃটিশ-শক্তির ধ্বংস  
করার জন্যে প্রাণপণ প্রয়াসে পরিকল্পনা করছি—এতেও  
আমাদের যথেষ্ট সাহায্য হবে।

কিন্তু দয়া করে কোন অবস্থাতেই বৃটিশের পক্ষ নেবেন না,



## বিপ্লবীর আহ্বান

রণক্ষেত্রে স্বদেশবাসীদের মুখোমুখি দাঁড়াবেন না। যারা ভারতকে ভারতীয়দের জেয়ে জয় করবার আদর্শে একান্তভাবে উদ্বুদ্ধ, কোনক্রমে তাদের রক্তপাত করবেন না।

জাপান পুরোপুরি আমাদের উদ্দেশ্য ও লক্ষ্যের কথা জানে। তার প্রধান-মন্ত্রী জেনারেল তোজোর মারফৎ সে ঘোষণা করেছে, ভারতীয়দের আত্ম-প্রতিষ্ঠা হবার প্রচেষ্টায় সে যে কোন সাহায্য-দানে প্রস্তুত। আপনারা যদি শুধু ইংল্যান্ডের পক্ষ না নেন এবং জাপানের বিরুদ্ধে যুদ্ধ-প্রচেষ্টায় তাকে সাহায্য না করেন, তবে আমি আপনাদের বলতে পারি যে জাপানও তার প্রতিশ্রুতি রক্ষা করবে।

শ্রদ্ধেয় মোলানা সাহেব, আমি পুনরায় আপনার কাছে আবেদন জানাচ্ছি—ইংল্যান্ডের সাম্রাজ্যবাদী যুদ্ধে কোনক্রমে অংশ-গ্রহণ করবেন না—এই অপরিবর্তনীয় নীতি আপনারা আঁকড়ে থাকুন। সেই সঙ্গে ভগবানের কাছে প্রার্থনা করি, দেশকে স্বাধীনতা ও নিরাপত্তার পথে নিয়ে যাবার মতো যথেষ্ট শক্তি যেন তিনি আপনাকে দেন। বন্দে মাতরম্!

টোকিও, ২৪-৩-৪২



## শ্রীরাজাগোপালাচারিকে

মাননীয় চক্রবর্তী রাজাগোপালাচারি,

ভগবান কৃষ্ণ ভগবদ্গীতায় বলেছেন : “যার মধ্যে শক্তি, গৌরব কিংবা ছাতি আছে, তারই পেছনে আছে ঐশ্বরিক গুণ।” আর ঐশ্বরিক গুণ যেখানে দেখা যায়, সেখানেই ত্রায়সঙ্গত শ্রদ্ধা অর্পণ করতে হবে। তদনুসারে বর্তমানে পূর্ব-এশিয়ার বাসিন্দা সমগ্র ভারতীয় সমাজের পক্ষ থেকে আপনাকে শ্রদ্ধা জানাচ্ছি।

আপনার রাজনৈতিক জীবন অনুধাবন করে আমি আপনাকে তাঁদেরই অগ্রতম বলে বিবেচনা করি যাঁরা বিশ্বস্তভাবে ‘নিষ্কাম কর্মের’ নীতি অনুসরণ করেন এবং সাধু উদ্দেশ্যের প্রতি যাঁদের আনুরক্তি অগ্রের আদর্শ রূপে স্থাপন করা চলে। তা ছাড়া’

## বিপ্লবীর আহ্বান

আপনার মধ্যে যে উচ্চ শ্রেণীর বুদ্ধি-সম্পদ আছে, তার প্রভাব সহজে কেউ অতিক্রম করতে পারে না। আপনাকে নেতা রূপে পেয়ে আমি গর্বিত। এই জগতই আপনার বিবেচনার জগত আমি আজ এই যুক্তিগুলো উত্থাপন করছি।

শ্রদ্ধেয় রাজাজী, সময় বিশেষরূপ পরিবর্তিত হয়ে গেছে। গতকালও যাকে প্রায়-অসম্ভব বলে মনে হত, আজ তা-ই ঘটতে দেখা যাচ্ছে। বিগতকালের গর্বিত উদ্ধত সাম্রাজ্যবাদী ইংল্যান্ড আজ আর বর্তমান নেই। এই সেদিনও যে ঔদ্ধত্য ও গর্ব নিয়ে সে দুর্বল অ-শ্বেত জাতিপুঞ্জের স্বার্থ বিদলিত করত, সে ঔদ্ধত্য ও গর্ব তার চুরমার হয়ে গেছে বৃহত্তর পূর্ব-এশিয়ার যুদ্ধে পরাজয়ের পর পরাজয়ে। প্রতি পরবর্তী পরাজয়ই পূর্ববর্তী পরাজয়ের চেয়ে অধিকতর ভয়ানক হয়েছে। সৌভাগ্যের দিনে যে সব কারণ তার গৌরবের হেতু হয়ে ছিল, আজ গৌরব-রবি অস্তমিত হবার সময় সেই সব কারণই তার পতন আসন্ন করে তুলেছে। গত বিশ্ব-যুদ্ধে জাপানের সহযোগিতায় সে ভারতের জাতীয় আশাকে দমন করতে পেরেছিল। কিন্তু আজ সেই জাপানই ভয়াবহ শত্রুরূপে তার সম্মুখীন। এটা ভারতীয়দের পক্ষে সৌভাগ্য আর ইংল্যান্ডের পক্ষে পরম দুর্ভাগ্যের বিষয়। এই সেদিন পর্যন্ত সে ঔদ্ধত্যের সঙ্গে দুর্বল জাতিগুলোর স্বাধীনতা হরণ করে ব্রিটিশ সাম্রাজ্য সৃষ্টি করতে পেরেছিল, তার কারণ—আদেশ পাওয়া মাত্র ভারতীয় সৈন্যেরা নিজেদের কামানের খাতরুপে

## বিপ্লবীর আহ্বান

এগিয়ে দিত ; সে তাদের এই মনোবৃত্তির উপর সম্পূর্ণ নির্ভর করতে পারত। কিন্তু আজ কংগ্রেসের প্রভাবে ভারতীয় সৈন্য জাতীয়তা-সচেতন হয়ে উঠেছে এবং তারা অবিশ্বাস্য রকম বেশী সংখ্যায় নিজ দেশের স্বাধীনতা-লাভের জন্ত এগিয়ে এসে দাঁড়াচ্ছে। এই ধরনের সৈন্য—যারা ব্রিটিশ-পক্ষ ত্যাগ করে এসেছে এবং বর্তমানে রণাঙ্গণে তাদের ভূতপূর্ব প্রভুদের সম্মুখীন হবার জন্তে আদেশের প্রতীক্ষা করছে, তাদের সংখ্যা আজ লক্ষ লক্ষ। অতি বিলম্বে এই সমস্ত চোখ খুলে দেখে ইংল্যান্ড বুঝতে পেরেছে যে এ পর্যন্ত ভারতীয় সমস্যা কে সে ঠিকমতো সমাধানের চেষ্টা করে নি। ভারতে স্যার স্টাফোর্ড ক্রীপসকে পাঠানোর পিছনে আছে তার এই নূতন উপলব্ধি। বাজারে গুজব যে স্যার স্টাফোর্ড ক্রীপস ভারতের জন্তে স্বাধীনতা হাতের মুঠোয় করে এনেছেন—একমাত্র সত্য এই, ভারতকে ইংল্যান্ডের সঙ্গে জাপানী অভিযানের দায়িত্ব বহন করতে হবে। যে ইংল্যান্ড এ পর্যন্ত স্বাধীনতা না দিয়ে ভারতের আশা-আকাঙ্ক্ষার প্রতি অন্যায় করে এসেছে, সে আজ এমন স্বাধীনতা দিতে যাচ্ছে যা ভারতকে জাপানের বিরুদ্ধে ব্যর্থ যুদ্ধে বিজড়িত করবে। ভারতের পক্ষে জাপানের শত্রু হবার কোনই কারণ নেই। ইংল্যান্ড এই ভাবে ভারতের প্রতি আরও বেশী নির্দয় আচরণ করতে যাচ্ছে।

ভারত যদি ব্রিটেনের পক্ষ নিয়ে রণাঙ্গণে যায় তবে তার ফলে ভারতের কি বিপদ হবে, সে বিষয়ে আপনার স্পষ্ট ধারণা আছে

—এ বিষয়ে আমার কোন সন্দেহ নেই। আক্রমণের পিছনে পিছনে যে বিপদ আসবে তা ছাড়াও ভারত জাপানের সঙ্গে আন্তর্জাতিক শত্রুতার বীজ বপন করবে। এর ফলে সমগ্রভাবে এশিয়ার মুক্তি-চেষ্টাতেও ব্যাঘাত সৃষ্টি হতে পারে। আমার এ কথা বলার কারণ—আমি দৃঢ়ভাবে বিশ্বাস করি যে জাপানের সঙ্গে ভারতের পারস্পরিক সম্বন্ধ এবং তাদের মধ্যে সহযোগিতা নব-প্রাচ্যের চিন্তা, দর্শন এবং বিজ্ঞানের জন্মের প্রাথমিক সর্ত বিশেষ।

স্মার স্ট্যাফোর্ড ভারতকে বহু অগ্রীতিকর জটিলতার মধ্যে জড়িয়ে ফেলার চেষ্টা করতে পারেন। কিন্তু আপনার ও আপনার সহকর্মীদের উপর আমার বিশ্বাস আছে; কাজেই আপনাদের অনুরোধ করি কাল্পনিক আদর্শবাদের দ্বারা নিজেদের দূরদৃষ্টিকে আচ্ছন্ন হতে দেবেন না ও আপনাদের বর্তমান বিপজ্জনক যাত্রাপথে আন্তর্জাতিক জটিলতা বাদ দিয়ে স্বাধীনতাকেই একমাত্র প্রবর্তার মনে করে তদনুযায়ী চলবেন।

কোন প্রকার জটিলতা-বিহীন পূর্ণ স্বাধীনতা পাবার একমাত্র পথ হচ্ছে, অবিলম্বে আইন-অমান্য আন্দোলন শুরু করা। কারণ এইটাই হচ্ছে একমাত্র উপায় যা সর্বপ্রকার আন্তর্জাতিক জটিলতা বাদ দিয়ে চলতে পারবে। আর এবার আমি ভরসা দিতে পারি যে আপনাদের আন্দোলন কিছুতেই ব্যর্থ হবে না। বর্তমানে পূর্ব-এশিয়ার বিভিন্ন অঞ্চলে যে বিরাট

## বিপ্লবীর আহ্বান

ভারতীয় সমাজ বাস করছে, আপনাদের সংরক্ষিত বাহিনী বলে তাদের মনে করবেন। আমাদের বিশ্বাস করুন; আমরা ভরসা দিচ্ছি যে ভারতে ব্রিটিশ-শক্তি সম্পূর্ণরূপে বিধ্বস্ত হয়ে জাতীয় স্বাধীনতা পুরোপুরি প্রতিষ্ঠিত না হওয়া পর্যন্ত আমরা সম্ভাব্য সকল উপায়ে আপনাদের আন্দোলন সমর্থন করার কর্তব্য বিশ্বৃত হব না। বন্দে মাতরম্ !

টোকিও, ২৭-৩-৪২



## সর্দার বল্লভভাই প্যাটেলের প্রতি

মাননীয় সর্দারজী,

যে সব ভারতীয় নেতা এতকাল ভারতের স্বাধীনতার জন্তে নিজেদের দেহ-মন নিয়োগ করেছেন ও এখনও করছেন এবং যাঁদের সুনিপুণ হাতে ভারতীয় জাতির ভবিষ্যৎ স্থিত, তাঁদের প্রতি আমার যথাযোগ্য শ্রদ্ধা-জ্ঞাপনের নীতি অনুযায়ী আমি, রাসবিহারী বসু, পূর্ব-এশিয়ার ভারতীয়দের নামে আপনার উদ্দেশ্যে মাথা নত করে নমস্কার জানাই। আপনাকে নমস্কার করে আমি যে নিভুল রাজনৈতিক জ্ঞান, প্রচুর সংগঠন-শক্তি এবং বিপ্লবী চিন্তাপদ্ধতির অপূর্ণ সংমিশ্রণের কাছে মাথা নত করছি—সে বিষয়ে আমি নিঃসন্দেহ।

## বিপ্লবীর আহ্বান

অতীতে আপনি যথেষ্ট প্রমাণ দিয়েছেন যে আপনি নিজের মধ্যে উল্লিখিত গুণগুলোর বিস্ময়কর সমাবেশ করতে পেরেছেন। আজ সময় অতি সঙ্কটপূর্ণ বলে এবং আমাদের জাতি ইতিহাসের একটি চরম সন্ধিক্ষণে এসে দাঁড়িয়েছে বলে, আপনাকে যথাসাধ্য ঐসব গুণ কাজে লাগানোর জন্যে ঐকান্তিক আহ্বান জানাচ্ছি।

আমরা প্রত্যেকেই জানি এবং বুঝি যে ভারতের জাতীয় আদর্শ পরিপূরণের পথে প্রথম পদক্ষেপ হচ্ছে পূর্ণ স্বাধীনতা লাভ। কিন্তু মনে হয়, আমাদের মধ্যে অনেকেই বুঝতে পারছেন না যে, জাতীয় আদর্শ পরিপূরণ কল্পে পূর্ণ স্বাধীনতা লাভের জন্যে ভারতকে বৃহত্তর পূর্ব-এশিয়ার যুদ্ধের বর্তমান সুযোগ পূর্ণত গ্রহণ করতে হবে। আমার বিশ্বাস, আপনি এবং আপনার সহকর্মীরা আমি না বললেও এ সত্য বুঝতে পেরেছেন।

মনে করুন, ইংল্যান্ড দেশরক্ষার দপ্তর ভারতীয়দের হাতে তুলে দেবার সিদ্ধান্ত গ্রহণ করল। তা হলে কি ভারত ইংল্যান্ডের পক্ষ নিয়ে তার শত্রুর বিরুদ্ধে যুদ্ধ করার আমন্ত্রণ গ্রহণ করবে? যদি সে তা করে, তবে এর ফলে সে চাটুর উপর থেকে জ্বলন্ত আগুনের মধ্যেই লাফিয়ে পড়বে মাত্র। ইংল্যান্ডের এ যুদ্ধে জয়ী হবার কোনই সম্ভাবনা নেই; আর যদি ইংল্যান্ড হারে, ভারতের সুদীর্ঘ স্বাধীনতা-সংগ্রামের কলঙ্কজনক পরিসমাপ্তি হয়ে যাবে।



## বিপ্লবীর আহ্বান

জাপান ও তার মিত্রদের ভারতের প্রতি কোন বিদ্বেষ নেই। কিন্তু ইংল্যান্ড তাদের কাছে মাথা নত না করা পর্যন্ত তাদের ইংল্যান্ডের সঙ্গে বোঝাপড়া করতেই হবে। ভারত যদি ইংল্যান্ডের যুদ্ধ-পরিকল্পনার ফাঁদে পা দেয়, তবে সামরিক প্রয়োজনের সহজ সূত্র অনুযায়ী ভারতের প্রতি তাদের সহানুভূতি থাকা সত্ত্বেও তারা ভারত আক্রমণ না করে পারবে না। কাজেই ভারতকে ব্রিটিশ-সাম্রাজ্যের সঙ্গে সকল সম্পর্ক ছেদের জন্যেই আন্দোলন আরম্ভ করতে হবে। সে ক্ষেত্রে আমি আপনাদের ভরসা দিতে পারি, জাপান ও তার মিত্রদের কাছ থেকে ভারত ভিন্ন আচরণ পাবে। প্রথমত, তারা মিত্রজাতি হিসাবেই ভারতের দিকে তাকাবে। দ্বিতীয়ত, তারা এমন পরিস্থিতির সৃষ্টি করতে পারবে, যাতে বিদেশ-প্রবাসী বহুসংখ্যক ভারতীয় আমরা আপনাদের পূর্ণ ও নিঃসর্ত স্বাধীনতা-লাভের প্রচেষ্টায় পূর্ণতম নৈতিক ও বাস্তব সমর্থন দিতে পারব। এর অর্থ এই যে, ভারতে ব্রিটিশের শক্তি ও প্রভাব ধ্বংসের জন্যে ভারতীয়দের যে কোন পন্থা অবলম্বনের স্বাধীনতা তারা দেবে, এবং ভারত আক্রমণ করার পরিবর্তে তারা তাদের স্বাধীনতা-সংগ্রামে এরূপ সাহায্যই করবে যা ভারতীয়দের অভাব-পূরণের জন্যে অপরিহার্য হয়ে দাঁড়াবে।

বর্তমানে পূর্ব-এশিয়ার বিরাট ভারতীয় জনসমাজে একটা মহাজাগরণের সাড়া পড়েছে। এবারের অবস্থা গত বিশ্বযুদ্ধ-

## বিপ্লবীর আহ্বান

কালীন অবস্থার মতো নয়। শুধু যে বিরাট ব্রিটিশ-সাম্রাজ্য দ্রুত খণ্ডবিখণ্ড হয়ে যাচ্ছে, তাই নয়—সামরিক বেসামরিক নির্বিশেষে ভারতীয়দের হৃদয়ে আজ ইংল্যান্ডের কোনই স্থান নেই ; তারা সবাই বুঝতে পেরেছে, সাম্রাজ্যবাদকে মারাত্মক আঘাত হানার ও ভারত থেকে ইংল্যান্ডের শাসন উচ্ছেদ করার বহু-প্রতীক্ষিত সুযোগ হাতের কাছে এসেছে। কাজেই জাপানের সহযোগিতায় তাদের জাতীয় উদ্দেশ্য পূরণের জন্তে তাদের ক্ষমতাসাধ্য সকল ব্যবস্থা করার সিদ্ধান্ত তারা গ্রহণ করেছে। তাদের এই সিদ্ধান্তে আপনারা আজ নূতন বর্ধিত শক্তি লাভ করেছেন।

এখন আপনাদের পক্ষে এবং আমাদের প্রবাসী ভারতীয়দের পক্ষে শেষ চূড়ান্ত চেষ্টার সময় এসেছে। আমাদের জাতীয় জন্মস্বত্ব অর্থাৎ অবিলম্বে পরিপূর্ণ ও নিঃসর্ত স্বাধীনতা নিভুল ভাবে ঘোষণা করার এই হল প্রকৃষ্ট সময়। আপনারা এখন সে উদ্দেশ্য-সাধনের জন্তে প্রথম কি বাস্তব উপায় অবলম্বন করবেন, তাই দেখবার জন্তে পৃথিবীর সকল দেশের ভারতীয়দের চোখ ও মন পড়ে রয়েছে। দয়া করে আমাদের শুধু সঙ্কেত করবেন—তা হলেই দেখবেন আমরা যেখানেই থাকি না কেন, আপনাদের সাহায্য করতে ছুটে যাব। বন্দে মাতরম্!

টোকিও, ৩-৪-২২

# ভারতীয় জাতি ও নেতৃত্বের প্রতি

কিছুকাল ধরে আমি আপনাদের কাছে বিশ্ব-পরিস্থিতির হিসাব-নিকাশ করে স্বাধীনতার জগ্রে উপযুক্ত আঘাত করার আবেদন জানাচ্ছি। আপনাদের প্রতি আমার শ্রদ্ধার অন্ত নেই। আপনাদের উপর ও আপনাদের খাঁটি বিচার-বুদ্ধির উপর আমার দৃঢ় বিশ্বাস আছে! কিন্তু সম্প্রতি স্মার স্ট্যাফোর্ড ক্রীপ্সের ভারত-আগমন প্রসঙ্গে সংশয় ও উদ্বেগের মেঘ আমার হৃদয় ছেয়ে ফেলছে। প্রথম থেকেই তাঁর ভারত-আগমনের পিছনে ছুরভিসন্ধিপূর্ণ ষড়যন্ত্র ছাড়া আমি আর কিছু দেখতে পাই নি। প্রতিদিন বিভিন্ন ভারতীয়-নেতার সঙ্গে তাঁর আলাপ-আলোচনার ধারা দেখে আমি বলতে পারি যে আমার মনের সহজ প্রবৃত্তি আমাকে প্রতারণিত করে নি। ইংল্যান্ড ভারতকে এইভাবে নিজের সঙ্গে বেঁধে যুদ্ধে নামানোর জগ্রে সুকৌশলে তৈরী ফাঁদ পাতছে। ভারত সে ফাঁদে পা দেবে কিনা— তা সম্পূর্ণ নির্ভর করে আপনাদের উপর। কাজেই আপনাদের স্বন্ধে অভাবিতপূর্ব দায়িত্ব এসেছে। যথোচিত বিবেচনার সঙ্গে সে দায়িত্ব পালনের জগ্রে আমি আপনাদের অনুন্নয় করছি।

আপনাদের বিবেচনার জগ্রে তিনটি বিষয়ের উল্লেখ করতে চাই। প্রথমত, বর্তমান যুদ্ধের প্রকৃতি সম্বন্ধে আপনাদের মনে যদি কোন সংশয় থাকে, তবে আমি তা দূর করার অনুরোধ

## বিপ্লবীর আহ্বান

জানাই। জাপান এবং তার মিত্ররা বর্তমান যুদ্ধ পরিচালনা করছে মানবতার সাধারণ শত্রুর বিরুদ্ধে—অর্থাৎ ব্রিটিশ সাম্রাজ্যবাদের বিরুদ্ধে। আমি ব্রিটিশ সাম্রাজ্যবাদকে যখন বিশ্ব-মানবতার শত্রু বলি তখন তাতে প্রমাণের দরকার হয় না। গত দেড়শত বছরের পৃথিবীর ইতিহাস খুললে আমার উক্তির সত্যতার সন্মোহনক প্রমাণ পাওয়া যাবে। এই সেদিন পর্যন্ত ইংল্যাণ্ড কার্যত সারা পৃথিবী শাসন করে এসেছে—মিথ্যাচার ও ভীতি-প্রদর্শনের দ্বারা। এ যুদ্ধে ইংল্যাণ্ডের ভূমিকা হচ্ছে অগ্নায়কারীর—অগ্নায়কারী শীঘ্রই স্থানচ্যুত হবে। ব্রিটেন অতীতে অনেক যুদ্ধ করেছে, তাদের পিছনে অনেক ক্ষেত্রেই ছায় ছিল না। এ যুদ্ধেও ইংল্যাণ্ডের পক্ষে ছায় নেই। কাজেই ব্রিটেনের পক্ষ হয়ে লড়াই করা মানে অগ্নায়ের পক্ষ হয়ে লড়াই করা। একথা জেনেও কি ভারত ব্রিটেনের পক্ষ হয়ে যুদ্ধ করার সিদ্ধান্ত গ্রহণ করবে? ভারত কি অগ্নায়-অত্যাচারের পক্ষ নিয়ে লড়াই করতে স্বীকৃত হবে?

পরবর্তী বিষয় হচ্ছে—যুদ্ধের শেষ ফল সম্বন্ধে যদি আপনাদের মনে কোন সন্দেহ থাকে, তবে তা দূর করা। এ যুদ্ধে ইংল্যাণ্ড ভয়ঙ্করভাবে পর্যুদস্ত হবে। তার মাথার উপর নিয়তির খড়্গা ঝুলছে; সেই উত্ত খড়্গা থেকে কোন জাতির কোন সাহায্যই তাহাকে বাঁচাতে পারবে না। ইংল্যাণ্ড বর্তমান যুদ্ধে পরাজিত হোক এবং বিশ্বের ইতিহাসে নতুন যুগের

## বিপ্লবীর আহ্বান

সূত্রপাত হোক, এ হল ভগবানের ইচ্ছা। যে সুদীর্ঘ অত্যাশ-শাসনের অধীনে সমগ্র পৃথিবী আর্তনাদ করেছে—তার অবসান হতেই হবে। আমি উপমা-অলঙ্কার নিয়ে খেলা করতে চাই না। ইংল্যান্ডের চূড়ান্ত পরাজয়ের লক্ষণ ইতিপূর্বেই দিগন্তে দেখা দিয়েছে। স্থলে, জলে, অন্তরীক্ষে—এশিয়া ও ইউরোপে সামরিক শক্তির যে নমুনা ইংল্যান্ড দিচ্ছে, তার থেকে স্পষ্ট সিদ্ধান্ত করা যায় একদা ইংল্যান্ডের যে সামরিক শক্তি ছিল, আজ তা নেই।

বর্তমান যুদ্ধে তার কৃতিত্ব সম্বন্ধে সর্বাপেক্ষা ভাল বর্ণনা দেওয়া যায় এই বলে : “একটি যুদ্ধেও বৃটিশ জয়লাভ করে নি ; সব ক’টিতেই পরাজিত হয়েছে।” এই সব পরাজয়ের মোটামুটি একমাত্র অর্থ এই, অতীতে মানবতার বিরুদ্ধে সে যে-সব পাপকার্য করেছে এখন সে তারই প্রায়শ্চিত্ত করতে যাচ্ছে। কাজেই বর্তমান যুদ্ধের চূড়ান্ত ফল সুস্পষ্ট। এ যুদ্ধ শেষ হবে ইংল্যান্ডের পরাজয়ে; তার বিশ্বসাম্রাজ্য ধ্বংস হয়ে যাবে। কাজেই এখন যদি সে কোন প্রতিশ্রুতি দেয়, তার কোনই মূল্য নেই। তার সঙ্গে আলোচনা করে সময় নষ্ট করছেন কেন ? সরাসরি আলাপ-আলোচনা বন্ধ করে দিন। একজন মুমূর্ষু ব্যক্তির প্রতিশ্রুতি-রক্ষার উপর আপনারা নির্ভর করতে পারেন না। আজ ইংল্যান্ড মুমূর্ষু ব্যক্তিরই পর্যায়ে এসে দাঁড়িয়েছে। দয়া করে এই কথা হৃদয়ঙ্গম করে তদনুযায়ী আপনাদের সিদ্ধান্ত করবেন।

## বিপ্লবীর আহ্বান

তৃতীয় যে বিষয়টা সম্বন্ধে কয়েকটি কথা বলতে চাই সেটা এই যে, জাপান ও তার মিত্ররা ভারতের মঙ্গল-কামনা করে। তাদের সে সদিচ্ছা টিকে থাকবে কিনা সেটা নির্ভর করে আপনাদের সিদ্ধান্তের উপর। আপনারা যদি ইংল্যান্ডের পক্ষাবলম্বনের সিদ্ধান্ত করেন, তবে তার অর্থ হবে এই যে আপনারা এখনও জাপান ও তার মিত্রদের চেয়ে ইংল্যান্ডের সদিচ্ছার বেশি মূল্য দেন। অন্য কথায় বলতে গেলে এর অর্থ দাঁড়ায় এই যে, আপনারা জাপানকে শত্রু করে তুলতে ইচ্ছুক। তখন যা কিছু ঘটবে, তার জন্য দোষী হতে হবে আপনাদের। প্রভু বদল করে দাসত্বের কাল-বৃদ্ধি করা কিংবা ইংল্যান্ডের শত্রুদের মিত্র রূপে গ্রহণ করে স্বাধীনতা পাওয়া আপনাদের বিবেচনা ও কর্তব্যসাধনের উপর নির্ভর করেছে। আর নষ্ট করার মতো সময় নেই। জাপান সোদেগে আপনাদের সিদ্ধান্তের প্রতীক্ষা করছে—তা সে তার অনুকূলেই হোক আর প্রতিকূলেই হোক। সময় নষ্ট করে জাপান আর ইংল্যান্ডকে ভারতে তার সামরিক অবস্থা দৃঢ়তর করার সুযোগ দিতে পারে না। তবু সে হাত গুটিয়ে আপনাদেরই সিদ্ধান্তের প্রতীক্ষায় বসে আছে। কেন না হঠকারিতা করে অহেতুক সে আপনাদের শত্রু করে তুলতে চায় না।

কাজেই আপনাদের সম্মুখের পরিস্থিতি বড় গুরুত্বপূর্ণ। আপনারা একটা ভয়ঙ্কর সঙ্কটের মুখে দাঁড়িয়ে আছেন।

## বিপ্লবীর আহ্বান

সঠিক সিদ্ধান্ত গ্রহণের পথে আপনাদের ব্যক্তিগত রাজনৈতিক বিশ্বাস যেন বাধা সৃষ্টি করে না দাঁড়ায়—এই আমার অনুরোধ। ভারতীয় জনগণের সুখ ও সমৃদ্ধিই যেন আপনাদের সিদ্ধান্ত গ্রহণের পথ নির্দেশ করে। দয়া করে জাপানের বিরুদ্ধে ইংল্যান্ডের যুদ্ধে যোগ দিয়ে অহেতুক ভারতকে আবার কিছু-কালের জন্যে দাসত্ব ও ছুদর্শার পঙ্কে ডোবানোর দায়িত্ব গ্রহণ করবেন না। বন্দে মাতরন্!

টোকিও, ৩-৮-৮২

## ভারতের নেতৃবৃন্দের প্রতি

আবার আমি, রাসবিহারী বসু, পূর্ব-এশিয়ার ভারতীয়দের নামে আপনাদের কাছে আবেদন জানাচ্ছি। শেষ পাশা না ফেলা পর্যন্ত আমাকে সাবধান-বাণী উচ্চারণ করতেই হবে, পুনঃ পুনঃ আবেদন জানাতেই হবে।

আমি প্রতিদিন স্মার স্ট্যাফোর্ডের ভারত-পরিভ্রমণ ঘটনার বিবর্তন সোচ্ছবে লক্ষ্য করছি। এ পর্যন্ত আমার আশ্বস্ত হবার কারণ ঘটে নি—এ কথা স্বীকার করতেই হবে। ভারতের প্রতি বন্ধুত্ব-ভাবাপন্ন দেশ থেকে যে সব রিপোর্ট পাওয়া যাচ্ছে তার থেকে মনে হয় যে স্মার স্ট্যাফোর্ড গোড়ায় যে সব পরিকল্পনা করে এসেছিলেন, তার সব ক’টিতে তিনি সাফল্য অর্জন করেন

## বিপ্লবীর আহ্বান

নি। তবু এর মধ্য থেকে এ কথাও বোঝা যায়, এ পর্যন্ত তাঁর পরিপূর্ণ হতাশারও কারণ ঘটে নি। আর এই জুড়েই আমি যতই নিজেকে বোঝানোর চেষ্টা করি না কেন যে উদ্বেগের কারণ নেই, তবু আমি উদ্বেগ অনুভব করছি।

আমার মনে হয়, আপনারা সবাই এখনও বর্তমান যুদ্ধের শেষ ফলাফল সম্বন্ধে স্থিরসিদ্ধান্ত করতে পারেন নি। আপনাদের মনের কোন কোণে বিশ্বাস আছে যে যুদ্ধের প্রথম অবস্থায় যাঁই ঘটুক না কেন, ইংল্যান্ড এবং আমেরিকা শেষ পর্যন্ত নিজেদের বিরাট সম্পদের জোরে বিজয়ী হবে। স্বাভাবিক ভাবেই আপনারা মনে করেন, ব্রিটেনের ও আমেরিকার মাত্র কয়েক বৎসর পূর্ব পর্যন্ত পৃথিবীর অধিকাংশ অঞ্চলের অর্থনৈতিক ও প্রাকৃতিক সম্পদের উপর যে কতৃৎ ছিল, তা এখনও আছে। আর হয়তো এই ধারণা থেকেই আপনারা মনে করেন যে যদি দেশরক্ষা-দপ্তর ভারতীয়দের হাতে ছেড়ে দেওয়া হয়, তবে ইঙ্গ-মার্কিন সম্মিলিত রক্ষা-ব্যবস্থা ভারতের পক্ষে অনুকূলই হবে।

সম্প্রতি কয়েক মাসের মধ্যে ভারতের সন্নিকটবর্তী অঞ্চলে যা কিছু ঘটে গেছে, তা সব আপনারা সঠিক জানেন কিনা—আমি জানি না। ব্যক্তিগতভাবে আমার বিশ্বাস, নিরপেক্ষ দেশ থেকে সংবাদ পাবার সুবিধা না থাকায় পূর্ব-এশিয়ায় ব্রিটেন ও তার মিত্র শক্তিদের ভাগ্যে যে ছুদর্শা ঘটেছে, সে সম্বন্ধে প্রকৃত সংবাদ চেপে রাখায় ব্রিটিশ প্রচার-কার্য সফল হয়েছে। যুদ্ধের একেবারে



## বিপ্লবীর আহ্বান

গোড়াতেই কতকগুলি চমৎকার সমর-কৌশল ও বেপরোয়া বীরত্বের সাহায্যে জাপান পূর্ব-এশিয়ায় ইঙ্গ-মার্কিন সামরিক ও নৌশক্তির প্রধান স্তম্ভ ভেঙে দিয়েছে। ষাই ডিসেম্বর যুদ্ধারম্ভের পর চার মাস চলে গেছে। কিন্তু নৌশক্তির একটি পরীক্ষাতেও অ্যাংলো-ফ্রান্সনদের ভাগ্যে বিজয়লাভ ঘটে নি। কোন একটা সংঘর্ষেও ইংল্যান্ড এবং তার মিত্রপক্ষীয়রা বিজয়ী হয়ে বেরিয়ে আসতে পারে নি। জাপানীরা স্পষ্টত কোন চেষ্টা না করেই “প্রিন্স অব ওয়েলস” ও “রিপালসের” মতো প্রসিদ্ধ অজ্ঞেয় রণতরীকে সমুদ্র-গর্ভে নিমজ্জিত করেছে। স্থল-যুদ্ধেও সেই একই কথা। এ পর্যন্ত এমন একটি যুদ্ধও হয় নি যে যুদ্ধে জাপানীরা বিজয়ী হয়ে বেরিয়ে আসতে পারে নি।

আমি যা বলছি তার সমস্ত কিছু আপনারা বিশ্বাস না করতে পারেন। কিন্তু তা স্বত্ত্বেও এ কথা সত্য যে মালয়ে ব্রিটিশ-শক্তি এবং পূর্ব-ভারতীয় দ্বীপপুঞ্জ ওলান্দাজ-শক্তি যদি অক্ষুণ্ণ থাকত, তবে ভারত-মহাসাগরে জাপানী নৌ ও বিমান-শক্তি কাজ করতে পারত না। বহু-প্রচারিত ব্রিটিশ নৌঘাট সিঙ্গাপুর যদি ব্রিটিশের হাতে থাকত এবং সুমাত্রা যদি ওলান্দাজের হাতে থাকত তবে জাপানীরা কখন আন্দামান দ্বীপপুঞ্জ অধিকার করতে পারত না। ভারত-মহাসাগরের উত্তাল উর্মি-শিখরে ইউনিয়ন-জ্যাক যদি উড্ডীন থাকত তবে জাপানী নৌ-শক্তি কলস্বোয় গোলা-বর্ষণ করে আসতে পারত না।

## বিপ্লবীর আহ্বান

আমি যা বলতে চাই, তা অতিশয় স্পষ্ট। বাইরে থেকে ভারতরক্ষার জন্তে বৃটেন বহুলাংশে নির্ভর করে তার নৌ-শক্তির উপর। প্রাচ্যে তার নৌ-শক্তির কেন্দ্ররূপে সে নির্বাচিত করেছিল সিঙ্গাপুরকে। কাজেই বৃটেনের কাছে সিঙ্গাপুর-রক্ষা ভারত রক্ষারই সমার্থ-বোধক হয়েছিল। আজ প্রাচ্যে নৌশক্তি বিনাশের সঙ্গে সঙ্গে সিঙ্গাপুর হারিয়ে বৃটেনের ভারতরক্ষা করার ক্ষমতা কমে গেছে। কিন্তু নিকট-ভবিষ্যতে বৃটেন তার সামরিক ও নৌ-শক্তির পুনঃ-প্রতিষ্ঠা এবং হারানো অঞ্চলগুলির পুনরুদ্ধার করতে পারবে কি? অথবা কথায় বলতে গেলে, বৃটেনের এখনও এ যুদ্ধ জয়ের সম্ভাবনা আছে কি? আধুনিক যুদ্ধ সাফল্যের সঙ্গে চালানোর পক্ষে অতি-প্রয়োজনীয় কাঁচামালের উৎস জাপানের অধিকৃত নয় বলে আপনারা হয়তো বলবেন “হ্যাঁ নিশ্চয়ই।” এটা স্বাভাবিক যে একদিন না একদিন জাপানের জমানো কাঁচামাল শেষ হয়ে যাবে এবং কোন দেশের কাছ থেকে কিনে নেবার কোন উপায় থাকবে না বলে শেষ পর্যন্ত তাকে শান্তির জন্তে আবেদন জানাতে হবে। কিন্তু আপনাদের স্বরণ রাখা উচিত, জাপানের কাছে মালয় ও পূর্ব-ভারতীয় দ্বীপপুঞ্জ হারিয়ে ইংল্যান্ড ও তার মিত্রদের প্রচুর ক্ষতি হয়েছে—বিশেষ করে টিন, রবার প্রভৃতি কাঁচামালের ব্যাপারে। এই সব হারিয়ে ইংল্যান্ড ও তার মিত্ররা অত্যন্ত দুর্বল হয়ে পড়েছে, আর জাপানও এই সব পেয়ে সবল হয়ে উঠেছে। তাছাড়া, এই সব অঞ্চলের উপর কর্তৃত্ব স্থাপন

## বিপ্লবীর আহ্বান

করতে পেরে জাপান তৈল চিনি প্রভৃতি আরও অনেক প্রয়োজনীয় মাল পাবার সুযোগ পেয়েছে—যে সব জিনিষের জন্তে এ পর্যন্ত তাকে তার ইংল্যাণ্ড প্রভৃতির উপরই নির্ভর করতে হত। পূর্বে ইংল্যাণ্ড ইউরোপ মহাদেশের বিভিন্ন দেশ থেকে যে-সব জিনিষ আমদানি করত, ইতিপূর্বেই তার পথ রুদ্ধ হয়ে গেছে। আজ সে পূর্ব-এশিয়ারও সব সরবরাহকেন্দ্র হারিয়েছে। ইংল্যাণ্ড তার অস্তিত্বের জন্তে বিদেশ থেকে আমদানির উপর নির্ভরশীল—একথা ভালভাবে জেনেও আপনারা কি বলতে চান যে বর্তমান যুদ্ধে ইংল্যাণ্ড জয়লাভ করবে ?

আপনাদের সুবিধার জন্তে আমি পরিস্থিতিটা অপেক্ষাকৃত বিশদভাবে বর্ণনা করার প্রয়াস পেয়েছি। দেশরক্ষা-সচিবের পদ যদি ভারতবাসীকে দেওয়া হয়, তবু বর্তমান যুদ্ধে শেষ পর্যন্ত বৃটেন জিতবে—মাত্র এই ধারণার উপর নির্ভর করে, আপনারা দয়া করে সম্মিলিত ভাবে ভারত-রক্ষার যে প্রস্তাব বৃটিশরা দিয়েছে তা গ্রহণ করবেন না। কারণ, সে এ যুদ্ধে জয়ী হতে পারবে না। বন্দে মাতরম্!

টোকিও, ১-৪-৪২

# ভারতীয় নেতৃত্বের প্রতি

বুটেন এবং তার দূত ক্রীপসের সঙ্গে আলোচনা নাকচ করে দেবার শেষ-সিদ্ধান্ত গ্রহণের জন্তে পূর্ব এশিয়ার ভারতীয়দের পক্ষ থেকে আমি, রাসবিহারী বসু, কৃতজ্ঞতাপূর্ণ হৃদয়ে আপনাদের অভিনন্দন জানাই।

এ কাজ করার জন্তে বিশ্বের চোখে আপনাদের মর্যাদা যথেষ্ট বেড়ে গেছে। যে যুদ্ধে ভারতের কিছুই করবার নেই, সেই যুদ্ধের সঙ্গে ভারতকে জড়ানোর জন্য বৃটিশরা কুচক্র করেছে, স্যার স্ট্যাফোর্ড ক্রীপসের ভারত-পরিদর্শন ছিল তারই অঙ্গ বিশেষ। বৃটিশ-রচিত পরিকল্পনাটি এত সূক্ষ্ম ও সুনিপুণভাবে রচিত ছিল যে সমগ্র বিশ্ব—বিশেষ করে আমরা প্রবাসী ভারতীয়রা ভারতের ভাগ্য সম্বন্ধে উদ্বিগ্ন হয়ে উঠেছিলাম। ভারতীয় নেতৃত্বকে যেন বিশ্ব-জনমতের সম্মুখে কঠিনতম পরীক্ষায় ফেলা হয়েছিল। আপনাদের সে পরীক্ষায় সমস্মানে উত্তীর্ণ হতে দেখা সকলের পক্ষেই প্রীতিপ্রদ হয়েছে। ভারতের ভাগ্য আপনাদের হাতে সুনিশ্চিতরূপে নিরাপদ। যাই হোক, ভারত শীঘ্রই স্বাধীন হতে যাচ্ছে। তার সম্মুখে গৌরবের পথ বিস্তীর্ণ হয়েছে।

কিন্তু বুটেন আপনাদের যথার্থ স্বাধীনতা কখন পেতে দেবে না। এর পরে আমরা ভারত সম্বন্ধে কোন-কিছু শোঁনবার

## বিপ্লবীর আহ্বান

পূর্বেই দীর্ঘকাল ছুদর্শাভোগী ভারতের জনগণকে বিপর্যস্ত করার জন্তে নানা পন্থা অবলম্বিত হবে। অবশ্য আপনাদের কাছে নির্ধাতন-ভোগ নূতন নয়। আপনারা বার বার এ সবার মধ্য দিয়ে গেছেন—প্রতিবারই বেরিয়ে এসেছেন দৃঢ়তর ইচ্ছাশক্তি এবং নবীন সংকল্প নিয়ে। প্রতিবারই আপনারা বাধার সম্মুখীন হয়েছেন যেন ভারতের ইতিহাসে অপর একটি গৌরবজনক অধ্যায় রচনার জন্তে। আপনাদের ভাগ্য সত্যিই আমার ঈর্ষার উদ্রেক করে; আমার ইচ্ছা হয় আপনাদের সঙ্গে একত্র সংগ্রামে অংশ গ্রহণ করবার জন্ত।

কিন্তু ঘটনাচক্রে আমার এবং আমার পূর্ব-এশিয়ার সহ-কর্মীদের পক্ষে নিজেদের উপায়ে ভারতের স্বাধীনতার জন্তে চেষ্টা করা ছাড়া গত্যন্তর নেই। রণক্ষেত্রে বৃটেনের মুখোমুখি দাঁড়ানোর মতো অবস্থা আমাদের পূর্ব-এশিয়াবাসীদের হয়েছে। কিন্তু কোন সিদ্ধান্ত করার পূর্বে আমাদের জানতে হবে, আপনাদের মনোভাব জানার ক্ষীণতম উপায়ও আছে কিনা। আমাদের প্রচেষ্টা যদি কাজে লাগাতে হয়, তবে আমাদের পক্ষে আপনাদের সহানুভূতি ও সমর্থন অবশ্যই পেতে হবে।

ভারতের উপকূলবর্তী শহরের উপর জাপানীরা সম্প্রতি যে বোমাবর্ষণ করেছে তা আপনাদের অনুকূল সিদ্ধান্ত-গ্রহণের বিরুদ্ধে যেতে পারে। সে বিষয়ে আমি আপনাদের অবস্থা পুরোপুরি অনুভব করি। তবু আমি বিশ্বাস করি, গাছকে

## বিপ্লবীর আহ্বান

জঙ্গল বলে ভুল না করে আপনারা এই দ্বিতীয় পরীক্ষায়ও উত্তীর্ণ হবেন। বৃটিশ যেখানেই থাকুক জাপানীরা যুদ্ধের সময় তাদের ক্ষতির চেষ্টা করবেই। এই নীতি অনুসরণ করে তারা যদি ভারতে প্রবেশ করতেও বাধ্য হয়, তবে দোষ তাদের নয়—দোষ ইংল্যান্ডের। ভারতীয়রা নিজেরাই যদি তল্লিতল্লা সহ বৃটিশদের ভারত থেকে সরিয়ে দিতে পারত, তবে জাপানীরা ভারত আক্রমণ করত না। দুর্ভাগ্যবশত ভারতীয়দের সে সামর্থ্য নেই। কাজেই সামরিক প্রয়োজনের সরল নিয়মানুসারে জাপানীদের বাধ্য হয়েই এ কাজ করতে হয়। এ ক্ষেত্রে আপনারা তাকে ভারতের শত্রু হিসাবে কেন গ্রহণ করবেন? জাপানীদের যদি শত্রু হিসাবে গ্রহণ করেন, তবে তার যা ফল হবে, তা স্পষ্ট; তার বর্ণনার প্রয়োজন নেই। কিন্তু যদি তারা বন্ধুভাবে গৃহীত হয়, তবে তার মধ্যে থাকবে ভারতের স্বাধীনতার সম্ভাবনা। যাই হোক, ক্ষেত্র অনুযায়ী জনগণের দুঃখ-হৃদশারও পরিমাণ কম বেশি হবে।

ভারতের মৌন মুক জনসাধারণের সুখ ও মঙ্গল বিধানের জন্তে আপনাদের যে দায়িত্ব তা এবার আরও বেশি করে অনুভব করতে ভগবান আপনাদের সহায়তা করুন এবং তিনি আপনাদের শ্রায়-সিদ্ধান্ত গ্রহণের পথ-নির্দেশ করুন। বন্দে মাতরম্!

টোকিও, ১৩-৪-৪২

# ভারতীয় জাতির প্রতি

স্মার স্ট্যাফোর্ড ক্রীপসের ব্যর্থতা এবং তাঁর শূণ্য হাতে ভারত থেকে প্রস্থানের সংবাদ শুনে আমরা স্বস্তির নিশ্বাস ফেলেছি, পূর্ব-এশিয়ার ভারতীয়দের পক্ষ থেকে আমি এ সংবাদ আপনাদের জানাতে চাই। ক্রীপস-প্রস্তাব গ্রহণ করতে অসম্মত হয়ে ভারতীয় নেতারা আপনাদের এমন বিপদের হাত থেকে বাঁচিয়েছেন, যার পরিমাপ করা অসাধ্য। এই জাতীয় নেতৃবৃন্দের সম্বন্ধে আপনাদের গর্ব অনুভব করার অধিকার আছে।

কিন্তু একটিমাত্র সঙ্কট কাটিয়ে উঠেই আপনাদের বিপদ এবং আপনাদের নেতাদের দায়িত্বের অবসান হয় নি। যতদিন আপনারা জাতিগত বৈষম্যের ভিত্তিতে গঠিত ব্রিটিশ সাম্রাজ্যবাদের অধীনে থাকবেন, ততদিন এ সঙ্কট পুরাতন ব্যাধির মতোই বিজড়িত থাকবে। সাম্রাজ্যবাদ তার ব্যর্থতার মধ্যেই ইতিপূর্বে আপনাদের জন্তে মৃতন ফাঁদ পেতেছে—এ সম্বন্ধে আপনারা নিশ্চিত হবেন। ভারতের দুর্গ-রক্ষার জন্তে রচিত পরিকল্পনা আপনাদের গ্রহণ করাতে পারল না দেখে, সে এক পক্ষে ভারত ও অপর পক্ষে জাপান ও তার মিত্রদের মধ্যে শত্রুতার বীজ বপন করবার সিদ্ধান্ত করেছে বলে মনে হয়। বিদ্রোহ এর চেয়ে অধিকতর ভয়াবহ রূপে বাইরে প্রকাশ পেতে

## বিপ্লবীর আস্থান

পারে না। আমি আপনাদের সাবধান করে দিতে চাই, সাম্রাজ্যবাদের কোন রকম কৌশল-জালেই আপনারা ধরা দেবেন না।

স্মার ন্যাফোর্ড ক্রীপ্স ভারত থেকে প্রস্থানের পূর্বে ভারত-রক্ষায় বুটেনের সঙ্গে সহযোগিতা করতে অসম্মত হবার কুক্ষল সম্বন্ধে আপনাদের সাবধান করে গেছেন বলে মনে হয়। মনে হয় তিনি আপনাদের স্পষ্ট করে এই বলে সাবধান করে দিয়েছেন, জাপানি-বাহিনী আক্রমণের দায়িত্ব এসে পড়বে ভারতীয়দের নিজেদেরই স্বন্ধে। এ একটা সুচতুর মিথ্যা কথা। জাপানের প্রধান-মন্ত্রী ইতিপূর্বে ছ-বার বিশ্ববাসীর কাছে ঘোষণা করেছেন, জাপানের শত্রুতা ভারতের বিরুদ্ধে নয়—বুটেনের বিরুদ্ধে। জাপান বৃটিশ সাম্রাজ্যবাদের শক্তি ও প্রভুত্ব বিনষ্ট করতে চায়—সে পূর্ণ স্বাধীনতার দিকে ভারতের অগ্রগতি রুদ্ধ করতে চায় না, বরং সেই অগ্রগতির পথে সাহায্য করতে চায়। সে বিশ্বাস করে এবং তার এ বিশ্বাস ঠিক যে সাম্রাজ্যবাদের শক্তি ও প্রভাব বিনষ্ট করে সে প্রকৃতই ভারতের স্বাধীনতা-প্রতিষ্ঠাকে অগ্রগামী করতে পারবে।

তার বিশ্বাস যে অকৃত্রিম সে বিষয়ে আমি সাক্ষ্য দিতে পারি। আমার চতুর্দিকে এমন হাজার হাজার নিদর্শন বিद्यমান, যাতে অকাট্য প্রমাণ পাওয়া যাচ্ছে যে জাপান ভারতীয় জাতিকে একটা বিশেষ শ্রেণীতে ফেলে বিচার করে।



## বিপ্লবীর আহ্বান

ভারতের সংস্কৃতি এবং ভারতের প্রাচীন ও আধুনিক বিশিষ্ট ব্যক্তিদের প্রতি তার গভীর শ্রদ্ধা আছে। সে বিশ্বাস করে যে, ভারত স্বাধীন হলে এশিয়ার অতীত গৌরব ও সমৃদ্ধি পুনরুজ্জীবনের জন্তে সে ভারতের সঙ্গে সহযোগিতা করতে পারবে এবং তাকে সহযোগিতা করতেই হবে।

আপনারা জাপানকে বন্ধু রূপে পেতে চান কিংবা শত্রু রূপে পেতে চান—তা সম্পূর্ণ নির্ভর করে আপনাদের ব্যবহারের উপর। তার সঙ্গে নিজেদের সাধারণ স্বার্থ মিলিয়ে বৃটেনের বিরুদ্ধে যদি আপনারা লড়াই চালিয়ে যান, তবে আপনাদের পূর্ণ স্বাধীনতার আদর্শ বাস্তবে পরিণত হবে বলে ধরে রাখতে পারেন। আর তুর্ভাগ্যবশত আপনারা যদি বৃটেনের পক্ষাবলম্বন করেন, তবে আপনারা স্বাধীন হবার সকল সুযোগ হারাবেন। এইখানে আমি পুনরুক্তি করতে চাই যে, ভারত সম্বন্ধে জাপানের কোন রাজনৈতিক কিংবা সাম্রাজ্যিক লোভ নেই। কিন্তু আপনারা যদি জাপানকে তার বর্তমান মনোভাব বদলাতে বাধ্য করেন, সে আপনাদেরই পুরোপুরি দায়িত্ব।

কাজেই আপনারা এক নূতন ও কঠিনতর পরীক্ষার সম্মুখীন হয়ে দাঁড়িয়েছেন। পূর্ববর্তী পরীক্ষায় আপনারা যেমন ব্যর্থ হন নি, বর্তমান পরীক্ষায়ও আপনারা তেমনই ব্যর্থ হবেন না—এ আশা আমি করি। সর্বশেষে আমি

## বিপ্লবীর আহ্বান

আপনাদের প্রাণপণ প্রয়াস করতে অনুরোধ করি—যাতে শেষ পর্যন্ত আপনাদের নেতাদের সম্বন্ধে গর্ববোধ করার নূতন একটা সুযোগ আপনারা পেতে পারেন। বন্দে মাতরম্!

টোকিও, ১৮-৪-৪২

## ভারতীয় জাতীয় কংগ্রেসের নেতৃবৃন্দের প্রতি

ভারতের পক্ষে নূতন ও ছদ্মবেশী দাসত্বের সনদরূপী ক্রীপ্স প্রস্তাব প্রত্যাখ্যানে আপনারা সম্প্রতি যে দৃঢ় মতৈক্য দেখিয়েছেন, তার বিবরণ শুনে আমি গভীর কৃতজ্ঞতা ও সম্ভ্রান্তি বোধ করেছি।

ব্রিটিশ এশিয়ায় তার সাম্রাজ্যবাদী যুদ্ধে ভারতের বিরাট জনবল ও প্রাকৃতিক সম্পদ নিয়োগকল্পে—বিশেষ করে যে পরাধীনতার শৃঙ্খলে ভারত দুইশত বৎসর ধরে আবদ্ধ, তা আরও দৃঢ়তর করার জন্তে—যে পরিকল্পনা রচনা করেছিল, তা ব্যর্থ করে দিয়েছে আপনাদের দূরদর্শিতা, তীক্ষ্ণ দৃষ্টি, সংকল্প ও সাহস। এই উদ্দেশ্য-সাধনের জন্তে ইংল্যান্ড আপনাদের

## বিপ্লবীর আহ্বান

কাছে এমন একটি লোককে পাঠিয়েছিল যাঁর ভারতবন্ধু রূপে খ্যাতি আছে, এবং যাঁর বন্ধুত্ব ভাঙিয়ে ভারতের চরম-শত্রু মিঃ উইন্সটন চার্চিল চেয়েছিলেন ভারতকে তাঁর নিজের দলে টানতে। আপনাদের তীক্ষ্ণ দূরদৃষ্টি এবং অনমনীয় সাহসী নেতৃত্বের বলেই ভারত অগৌরব লজ্জা এবং নূতন দাঁসত্বের হাত থেকে বেঁচে গেছে। খেলোয়াড়ের জুয়াচুরি হাতে-নাতে ধরা পড়লে তার যেমন অপ্রতিভ অবস্থা হয়, স্মার স্ট্যাফোর্ড ক্রীপসও কতকটা তেমনই অবস্থায় পড়ে ফিরে গেছেন। কিন্তু সাম্রাজ্যবাদের চাতুর্যের সীমা নেই, এবং আমরা আশঙ্কা করছি যে, ভবিষ্যতে হয়তো আরও সূক্ষ্ম ফাঁদ পাতা হবে; আরও সুকৌশলে পরিকল্পনা রচিত হবে। গুজবে প্রকাশ, ক্রীপস সাহেব এবার ভারতে রাজপ্রতিনিধি বড়লাট-রূপে ফিরে আসতে পারেন। এই গুজবের মধ্যে অকল্যাণকর ইঙ্গিত ও সঙ্কটময় ভবিষ্যদ্বাণী আছে। আমি দেখতে পাচ্ছি যে মিঃ চার্চিল আরও বেশী আকর্ষণীয় টোপ ফেলে আবার ভারতকে নূতন ফাঁদে ফেলার জন্তে ব্যস্ত হয়ে উঠেছেন। ব্রিটিশদের কৌশল যে রূপই নিক, আমাদের পূর্ণ বিশ্বাস আছে যে আপনাদের নিভুল বিচার-বুদ্ধি ও সুবিজ্ঞ নেতৃত্ব ভারতকে ব্রিটিশ চাতুরীর শিকার হবার হুঁদে'ব থেকে রক্ষা করবে।

জাপানের চমৎকার রণকৌশল ও অমানুষিক প্রচেষ্টার জন্তে সামান্য চার মাস মাত্র সময়ের মধ্যে পূর্ব-এশিয়ায় ব্রিটিশ-

## বিপ্লবীর আহ্বান

শক্তি সমূলে উৎপাটিত হয়েছে। ভারত মহাসাগর অবশিষ্ট বৃটিশ নৌশক্তির কবলমুক্ত হয়েছে এবং বৃটেন এশিয়ায় তার শেষ ও চূড়ান্ত সংগ্রামের জন্তে শেষকালে ভারতভূমিতে পশ্চাদপসরণ করতে বাধ্য হয়েছে। এ অবস্থায় বৃটেন যে তার দ্রুত-ক্ষয়িষ্ণু শক্তিকে দৃঢ়তর করার ব্যাপারে ভারতকে কাজে লাগানোর জন্তে সকল কৌশল নিয়োগ করবে—এর মধ্যে বিশ্বয়ের কিছু নেই। কিন্তু বৃটিশ-সাম্রাজ্যের অবসান নিকটবর্তী ; কেউ তার হুঁভাগ্য প্রতিরোধ করতে পারবে না।

এটা সুনিশ্চিত। কিন্তু ভারত তার স্বাধীনতা-অর্জনের জন্তে কি অংশ গ্রহণ করবে? স্বাধীনতা এক জাতি অপর জাতিকে দানস্বরূপ দেয় না ; একটা জাতির আত্মত্যাগ ও ছুঃখভোগের মধ্য দিয়ে একে পুরস্কারের মতো অর্জন করতে হয়—স্বাধীনতা সর্বদেশে সর্বকালেই জাতির নিজ প্রচেষ্টার ফল। এই সঙ্কট-মূহূর্তে ভারত তার দৃঢ় সম্মিলিত প্রচেষ্টায় জোর করে স্বাধীনতা অর্জন করবে, না, নিজের দ্বিধা-সঙ্কোচের দরুন চিরকালের জন্তে এই শেষ সুযোগ হারিয়ে পরাধীন জাতি রূপে ভাগ্যের কাছে আত্মসমর্পণ করবে? সারা পৃথিবীতে আজ এই একই প্রশ্ন, এবং কংগ্রেস-নেতা আপনাদের মধ্যেই এ প্রশ্নের উত্তর অপেক্ষা করছে। এই সঙ্কট-ক্ষণে প্রতি মুহূর্তই মূল্যবান— কেন না সুযোগ একবার হারালে তা চিরকালের জন্তে চলে যায়। পূর্ব-এশিয়াবাসী ভারতীয়দের তরফ থেকে আমার

## বিপ্লবীর আহ্বান

অনুরোধ এই যে আপনাদের সিদ্ধান্তের একটা আঁচ আমাদের পেতে দিন, যাতে আমাদের মাতৃভূমিকে অবিলম্বে স্বাধীন করার ব্রতে আপনাদের প্রচেষ্টার সঙ্গে আমরাও সাধ্যানুযায়ী চেষ্টা করতে পারি।

কাজেই আমি গভীর উদ্বেগ নিয়ে নিখিল-ভারত কংগ্রেস কমিটির সিদ্ধান্তের প্রতীক্ষায় আছি। কেন না মাতৃভূমিকে পরাধীনতার শৃঙ্খলমুক্ত দেখার জন্তে আমরা পূর্ব-এশিয়ার ভারতীয়রা কি ভাবে এবং কতটা সহযোগিতা করতে পারি—তা নির্ভর করে এই সিদ্ধান্তের উপর।

এই প্রসঙ্গে আমি কংগ্রেস-নেতাদের স্বরণ করিয়ে দিতে চাই যে আপনাদের প্রচেষ্টা যত সামান্যই হোক না কেন তা সমর্থন করার জন্তে বাইরের অনেক শক্তি বর্তমান আছে। বৃটেন জাপানের শত্রু; ভারতের উন্নতিরও সে সহায়ক নয়। অতএব সাম্রাজ্যবাদের শক্তি ধ্বংস করা এবং আমাদের অধিকার ও আত্মনিয়ন্ত্রণ প্রতিষ্ঠার ব্যাপারে আমরা জাপানের বিরূপ শক্তিশালী সমর্থনের উপর কিছু পরিমাণে নির্ভর করতে পারি।

জাপানের প্রধান-মন্ত্রী পুনঃ পুনঃ পূর্ণ-স্বাধীনতা অর্জনে ভারতের প্রচেষ্টায় তাঁর সহযোগিতার প্রতিশ্রুতি দিয়েছেন। কাজেই পূর্ব-এশিয়ার এই শক্তিশালী দেশ আপনাদের সমর্থন করার জন্তে সর্বদাই প্রস্তুত—এ বিষয়ে আপনারা নিশ্চিত থাকতে পারেন।

## বিপ্লবীর আহ্বান

জাপানি নৌ ও বিমানবহর সম্প্রতি ভারতের বৃটিশ সামরিক ঘাঁটিতে যে বোমাবর্ষণ করেছে তার ফলে ভারতীয় জনগণের ক্ষতি করার চেষ্টা করা হয় নি—তার ফলে আপনাদের প্রচেষ্টা অধিকতর শক্তিশালী হবে বলেই মনে করা হয়েছিল। আমাদের স্বাধীনতা-সংগ্রামে জাপানকে আমাদের শ্রেষ্ঠ ও সবচেয়ে বেশি শক্তিশালী মিত্ররূপে পাওয়া যেতে পারে। ক্রীপ্স কিংবা অশ্রু কোন বৃটিশ-দূত আপনাদের যা-ই বোঝাতে চান না কেন, এ বিষয়ে আপনাদের মনে কোন সন্দেহ থাকা উচিত নয়।

পূর্ব-এশিয়ার ভারতীয়দের পক্ষ থেকে এই সঙ্কট-মুহূর্তে আমি আপনাদের মহান নেতৃত্বে পূর্ণ বিশ্বাস জ্ঞাপন করে অনতিবিলম্বে আপনাদের চরম সিদ্ধান্তের প্রতীক্ষা করছি। বন্দে মাতরম্ !  
টোকিও, ২১-৪-৪২

## খান আব্দুল গফুর খাঁর প্রতি



মাননীয় খান আব্দুল গফুর খাঁ.

স্বাধীনতার সৈনিকরা যখন দীর্ঘ পথের শ্রম ও ক্লান্তিতে অবসন্ন হয়ে পড়েন, তখন তাঁদের মনের দৃঢ়তা ও বিশ্বাস ফিরিয়ে আনার জন্তে কয়েকটি বিশেষ মুহূর্ত স্মরণের প্রয়োজন হয় ; তার পরেই তাঁরা আবার নূতন উত্তম ও শক্তিতে এগিয়ে চলেন । স্বাধীনতার সংগ্রাম যে স্থানের ও যে সময়েরই হোক নাকেন তার ইতিহাসে এরূপ প্রেরণাদায়ক মুহূর্ত আছেই । ভারতীয়দের পক্ষে এরূপ একটি মুহূর্ত হল ১৯৩০ অব্দের ২৩শে এপ্রিল তারিখে ।

আইন-অমান্য আন্দোলন আরম্ভের বৎসরে ( ভারতীয়

## বিপ্লবীর আহ্বান

কংগ্রেস কর্তৃক আহৃত বিগত আইন-অমান্য আন্দোলন) উক্ত স্মরণীয় দিবসে ভারতীয় জাতীয় আন্দোলন রক্তস্নান করে পুনঃ পুনঃ তার শক্তির প্রমাণ দিয়েছিল। চারসাদায় আপনার পাঁচ শত বিশ্বস্ত নিরস্ত্র অনুগামী ব্রিটিশ সৈন্যদের বুলেটের সামনে নিজেদের বক্ষদেশ উন্মুক্ত করে দিয়ে নিশ্চিত মৃত্যুর সম্মুখীন হয়েছিল। ঐ স্থানের নাম চিরদিন ভারতের স্বাধীনতা-আন্দোলনের ইতিহাসে অমর হয়ে থাকবে। চারসাদায় যে মহান আত্মত্যাগের অতুলনীয় দৃষ্টান্ত দেখা গিয়েছিল, তার পিছনে প্রেরণা জুগিয়েছিল একমাত্র আপনার ব্যক্তিত্ব ও আত্মিক শক্তি। তাই যখনই চারসাদার নামোল্লেখ করা হবে, তখনই জাতীয়তাবাদী ভারতবাসীরা আপনার ব্যক্তিত্ব ও আত্মিক শক্তির উদ্দেশ্যে মাথা নত করে নমস্কার জানাবে। চারসাদার যে পাঁচ শত বীর বিনা প্রশ্নে মৃত্যু-বরণ করতে গেছিল, তাদের দৃষ্টান্ত ভারতবাসী কোনদিন ভুলতে পারবে না। স্বাধীনতার যাত্রাপথে যখনই অন্ধকার ও হতাশা এসে ভারতীয়দের ক্লান্ত মনকে আচ্ছন্ন করতে চাইবে তখনই চারসাদার স্মৃতি তাদের মধ্যে নিশ্চিত রূপে নতুন কর্মশক্তি জাগিয়ে তুলবে, নতুন আশায় তাদের হৃদয় পূর্ণ করবে। আপনার কাছে এ স্মৃতি নিশ্চয়ই সব চেয়ে বেশি প্রিয়। ভারতীয়দের কাছে চারসাদার ঘটনার অর্থ যে কি, আমাদের সকলের চেয়ে আপনিই তা ভাল করে বোঝেন।



## বিপ্লবীর আহ্বান

ভারতকে ব্রিটিশ সাম্রাজ্যবাদের কবলমুক্ত করার আদর্শের জন্তে এই পাঁচশত বীর তাদের মূল্যবান জীবন উৎসর্গ করেছিল। এই পাঁচশত বীর শহীদের প্রতি আমাদের কর্তব্যবোধই ভারতের স্বাধীনতার জন্তে প্রাণপাত প্রয়াসে আমাদের উদ্বুদ্ধ করে—একথা কি আপনাকে স্মরণ করিয়ে দেবার প্রয়োজন আছে? তাদের প্রতি এই পবিত্র কর্তব্য পালন না করা পর্যন্ত ভারতের জাতীয় সম্মানবোধ আমাদের তিলার্থ বিশ্রাম করতে দেবে না।

ইতিহাস নতুন প্রত্যাশা নিয়ে এই সন্ধিক্ষণে পুনরায় আপনাকে আহ্বান জানাচ্ছে। দয়া করে আপনার আদর্শ সম্বন্ধে সজাগ হয়ে উঠুন এবং আমাদের নতুন ইতিহাস সৃষ্টি করার পথ দেখান। আপনার বিরাট ব্যক্তিত্বের দ্বারা অনুপ্রাণিত হয়ে আমরা আরও বহু চারসাদার সৃষ্টি করে চারসাদার বীরদের প্রতি সম্মান দেখাতে কৃতসংকল্প—যে পর্যন্ত পূর্ণ-স্বাধীনতা লাভের ফলে এইরূপ আত্মদান অপ্রয়োজনীয় হয়ে না পড়ে।

খান সাহেব, বীর পাঠানদের সঙ্গে নিয়ে আপনি এগিয়ে আসুন এবং ভারতকে পূর্ণ-স্বাধীনতার পথে এগিয়ে নিয়ে যাবার জন্তে বৃহত্তর পূর্ব-এশিয়ার যুদ্ধের সুবর্ণসুযোগ কাজে লাগান। হিন্দুস্থান জিন্দাবাদ।

টোকিও, ২৩-৪-৪২

## জাতীয় কংগ্রেস-নেতৃবৃন্দের প্রতি

আপনাদের উদ্দেশ্যে প্রদত্ত আমার পূর্ববর্তী আহ্বানে আমি পুনঃ পুনঃ জোর দিয়ে বলেছি, ভারতকে যদি বৃটেনের চাপিয়ে দেওয়া শৃঙ্খল ভাঙতে হয়, তবে তার পক্ষে বৃটিশ সাম্রাজ্যবাদের শত্রুদের সঙ্গে পূর্ণ এবং আন্তরিক সহযোগিতা করার জরুরি প্রয়োজন আছে। আমি যথাসাধ্য জোর দিয়ে একথাও বলেছি, ভারতের পক্ষে উপযুক্ত আয়োজন করে বৃটিশ-শৃঙ্খল ভেঙে ফেলার এই উপযুক্ত সময়। আমি আরও বলেছি এবং আপনারাও একথা ভালভাবে জানেন, সাম্রাজ্যবাদের আত্মবিশ্বাসী প্রভুত্বের বিরুদ্ধে ভারতে থেকে আমরা দেড় শত বৎসরের অধিক কাল ব্যর্থ সংগ্রাম করেছি। সেই প্রভুত্ব উচ্ছেদের ক্ষেত্রে বর্তমানের মতো সুযোগ ভারতের পক্ষে আর কখনও আসে নি। আর হয়তো আসবেও না। যখন ভারতের স্বাধীনতা ও গৌরব অর্জনের সুবর্ণ-মুহূর্তগুলি দ্রুত চলে যাচ্ছে, তখন কাজ শুরু করতে বিলম্ব কেন?

ভারতের শত্রু মিঃ চার্চিল এবং ভারতের চিরন্তন পরাধীনতার জন্যে অনুষ্ঠিত এই যুদ্ধে চার্চিলের উৎসাহদাতা ও সহায়ক প্রেসিডেন্ট রুজভেল্ট ভারতের সমর্থন-লাভের আশায় নিরঙ্কুশভাবে গণতন্ত্রের বুলি আওড়ান। গণতন্ত্রের নামে মিঃ চার্চিল চান যে ভারত চিরদিনের জন্যে বৃটিশ-শোষণের

## বিপ্লবীর আহ্বান

কাছে মাথা নত করে থাকুক। তাঁর কুকর্মের সহায়ক প্রেসিডেন্ট রুজভেল্টও গণতন্ত্রের নামে বুটেনের কাছে ভারতের চিরন্তন দাসত্বের হুত্যাগ্যকে মেনে নিয়েছেন। এই দুই অন্ধকারের দূত গত গ্রীষ্মকালে যখন অ্যাটলান্টিকের বুকে একত্রিত হয়েছিলেন বিশ্ববিধান নির্ণয়ের জন্যে ( অথবা তাঁদেরই স্বার্থ-বিধান নির্ণয়ের জন্যে )—তখন ভারত চির তরে বৃটিশ-শাসনে শৃঙ্খলাবদ্ধ থাক, এ বিধান দিতে তাঁদের কিছুমাত্র দ্বিধা হয় নি। ভারতের সম্পর্কে মুখে মুখে এঁরা যখন গণতন্ত্রের বুলি ছাড়েন, তখন এই ইঙ্গ-মার্কিন সহকর্মীরা আসলে কি বলতে চান—সে বিষয়ে ভারতবাসীর মনে এখনও কোন সংশয় আছে কি? ভারতীয় নেতারা যাতে বৃটিশ-প্রস্তাব গ্রহণ করেন, সে জন্যে তাঁদের প্রভাবিত করার উদ্দেশ্যে রুজভেল্ট সম্প্রতি ভারতে তাঁর বিশেষ-দূত কর্নেল লুট জনসনকে পাঠিয়েছিলেন। এই ব্যাপারেই তাঁর প্রকৃত স্বরূপ ধরা পড়েছিল। আমি এ কথা জেনে অত্যন্ত খুশি হয়েছিলাম যে পণ্ডিত নেহেরুর চোখে মার্কিন-প্রেসিডেন্টের কুটিল চক্রাস্থ ধরা পড়ে গিয়েছিল; তিনি মার্কিন-হস্তক্ষেপ সঙ্গে সঙ্গেই নাকচ করে দিয়েছিলেন এই বলে যে “তিনি উত্তর-আমেরিকার সাদৃশি কিংবা প্রতিভূ চান নি।” পণ্ডিত নেহেরুর এ বিবৃতি তাঁর নীতি সম্বন্ধে আমাদের মনে নতুন বিশ্বাসের সঞ্চার করেছে। লণ্ডন ও ওয়াশিংটনের সাইরেন (গ্রীক মায়াবিনী)-কণ্ঠের আহ্বানে মুগ্ধ

## বিপ্লবীর আহ্বান

হয়ে ভারতের তরঙ্গী যাতে ব্রিটিশ সাম্রাজ্যবাদের পাহাড়ে না লাগে, তার ব্যবস্থা করাই হচ্ছে পণ্ডিত নেহেরুর নীতি ।

স্পষ্টত দেখা যাচ্ছে যে ভারতকে মুঠোর মধ্যে পোরার জন্যে ইঙ্গ-মার্কিন নেকড়েবাব ভেড়ার পোষাক পরে এই গণতন্ত্রের বুলি টোপ রূপে বরাবর ব্যবহার করেছে । এই ধরনের টোপের সম্পর্কে ভারতের দুর্বলতার সংবাদ তারা রাখে, এবং ভারত আজ হোক কাল হোক এ টোপ গিলবে—এই আশাতেই তারা বসে আছে । তাই পণ্ডিত নেহেরুর উক্তি থেকে ভরসা পাওয়া যাচ্ছে যে ভারতীয় নেতৃত্ব এই বিপদ সম্বন্ধে পূর্ণ সজাগ এবং তারা একে এড়িয়ে চলতে কৃতসংকল্প ।

ভারত নিজেই নিজ ভাগ্যের প্রভু ; তার প্রতিভা ও প্রয়োজনের পক্ষে উপযোগী সূষ্ঠা শাসনতন্ত্র সে নিজেই তৈরী করবে । ভারতে কোন প্রকারের রাজনৈতিক আদর্শ থাকবে, তা বলে দেওয়া ইংল্যান্ড কিংবা আমেরিকা কাজ নয় । অশোক বা আকবরের আমলে অননুক্রমণীয় শাসন-পদ্ধতির গর্ব করতে পারে যে দেশ, সে দেশকে তার পক্ষে কি ভাল বাইরে থেকে তা বলে দেবার কিছু মাত্র প্রয়োজন নেই ।

ভারত এই সব মিথ্যা গণতন্ত্র, তাদের শোষণ-নীতি ও দুর্বল জাতির উপর অত্যাচার-পদ্ধতির কবল থেকে মুক্তি লাভ করুক । তখন সে বিশ্ব-রাজনীতিতে এমন নতুন আদর্শের সৃষ্টি করতে পারবে যা সমগ্র বিশ্বের আদর্শ ও ঈর্ষ্যার বস্তু হয়ে দাঁড়াবে—

## বিপ্লবীর আহ্বান

যেমন ছিল ভারতের গৌরবময় যুগে অশোক ও আকবরের আদর্শ।

ভারতের জাতীয় কংগ্রেসের নেতৃবৃন্দ, আমি সান্নিধ্যে আপনাদের অনুরোধ করছি, পাশ্চাত্যের মিথ্যা গণতন্ত্রের অধঃপতিত আদর্শের দ্বারা যে দাস-মনোবৃত্তি ভারতকে বেঁধে ফেলেছে, তা বিচূর্ণ করে ফেলুন। আমাদের যে দেশ প্রাচ্যে ও পাশ্চাত্যে সভ্যতার দীপ জ্বলিয়েছিল, তার গৌরবময় ইতিহাস ও ঐতিহ্যের উপযোগী শাসন-পদ্ধতি গড়ে তোলাই হবে আপনাদের কাজ। ভারতের বুক থেকে তথাকথিত গণতন্ত্রের অধিকার দূরীভূত হলেই প্রকৃতপক্ষে ভারত স্বাধীন ও সার্বভৌম হবে।

পূর্ব-এশিয়ার ভারতীয়দের নামে ভারতের কংগ্রেস-নেতাদের কাছে আমার অনুরোধ, তাঁরা জাগ্রত হোন—ব্রিটিশ সাম্রাজ্যবাদের সর্বপ্রকার অধীনতা-চিহ্ন তাঁরা মুছে ফেলে দিন এবং ভারতের নিয়ন্ত্রণ ও পূর্ণ-স্বাধীনতার অধিকার প্রতিষ্ঠা করুন। আজ—এখনই তার উপযুক্ত সময়। বন্দে মাতরম্ !

টোকিও, ২৪-৪-৪২

# পণ্ডিত জওহরলাল নোহরু

## ও

### মিঃ মহম্মদ আলী জিন্নার প্রতি

একদিকে গৌরব ও স্বাধীনতা, অপরদিকে ব্রিটিশের কাছে চির-দাসত্ব—আমাদের স্বদেশ আজ এই দুই পথের সন্ধিস্থলে এসে দাঁড়িয়েছে। এই সময় পূর্ব-এশিয়ার ভারতীয়দের তরফ থেকে আমি, রাসবিহারী বসু, আপনাদের উদ্দেশ্যে অভিবাদন জানাই।

পণ্ডিতজী ও জিন্না সাহেব, আজকের ও আগামীকালের ভারত বহুলাংশে আপনাদের দুইজনের হাতে হস্ত। কংগ্রেস ও মুসলিম লীগের অধিনায়ক রূপে আপনারা উভয়েই ভারতে ব্রিটিশ সাম্রাজ্যবাদের বিরুদ্ধে লড়াই করেছেন, এবং ছরতিক্রম্য বাধাবিপ্লবের বিরুদ্ধে সংগ্রাম করে জাতিকে নিঃসঙ্কোচে পূর্ণ-স্বাধীনতার পথে এগিয়ে নিয়ে গেছেন। ভারতের জীবিত এবং মৃত মহান্ সন্তানদের শক্তিশালী প্রচেষ্টায় আজ আমরা ভারতের আকাশে স্বাধীনতার বালারুণের প্রথম রক্তরাগ দেখতে পেয়েছি।

বিশ্বের বিরাট ও প্রভাবশালী শক্তিপুঞ্জও আপনাদের সাহায্য করছে; ব্রিটিশ সাম্রাজ্যবাদের বিরুদ্ধে আপনাদের দীর্ঘ

## বিপ্লবীর আহ্বান

সংগ্রাম আজ ফলপ্রসূ হতে চলেছে। পূর্ব-এশিয়ায় এক হিসাবে আমাদেরই জাতি জাপান জাতি তার দশ কোটি সন্তান নিয়ে আপনাদের সাহায্য করতে এসেছে। ইতিমধ্যেই তারা পূর্ব-এশিয়ায় বৃটিশ-শক্তিকে নিশ্চিহ্ন করে মুছে ফেলেছে। হতাশ-চিত্ত দুর্বল বৃটেন ভারতের উপর তার অধিকার বজায় রাখতে অক্ষম হয়ে আপনাদের কাছে তার বহু-পরিচিত নিজস্ব যে উপায়—শূণ্যগর্ভ প্রতিশ্রুতি ও মিথ্যা আশা দিয়ে আপনাদের বন্ধুত্ব অর্জনের চেষ্টা করেছে। কংগ্রেসের পক্ষ থেকে পণ্ডিতজী আপনি এবং মুসলিম লীগের অধিনায়ক রূপে জিন্না সাহেব আপনি, সম্প্রতি ভারতে আগত ক্রীপসের সুচতুর প্রস্তাব নাকচ করে দিয়েছেন। তখনই আমি অনুভব করেছিলাম, ভারতে স্বাধীনতা-সংগ্রামে অর্ধেক জয়লাভ হয়ে গেছে। এখন ভারতীয় স্বাধীনতার বড় শত্রু মিঃ চার্চিল আপনাদের সমর্থন পাবার আশায় আবার নতুন পরিকল্পনা উদ্ভাবনের জোরে মাথা খুঁড়তে শুরু করেছেন। এবার তিনি একটা নূতন কৌশল আবিষ্কার করেছেন ; তিনি আপনাদের দু'জনকেই লগুনে নিয়ে যেতে চান। তাঁর বিশ্বাস, একবার লগুনে নিয়ে যেতে পারলে আপনারা তাঁর খপ্পরে পড়ে যাবেন এবং তিনি আপনাদের সমর্থন পাবার আশায় তাঁর কূটনৈতিক তুণের সকল অস্ত্র আপনাদের উপর প্রয়োগ করতে সক্ষম হবেন। যেমন জাপানের রণশক্তি ও শৌর্যের বিচারে চার্চিল নিজেকে অযোগ্য

## বিপ্লবীর আহ্বান

বিচারক বলে প্রমাণিত করেছেন, এ ব্যাপারেও তেমনই তিনি ভারতীয় নেতৃত্বের হীন বিচারক বলে প্রতিপন্ন হবেন—এই আমার বিশ্বাস।

ভারতীয় সমস্যার সমাধান আছে ভারতবাসীর নিজেদের হাতে—বুটেনের হাতে নয়। অ্যাংলো-স্বাক্সন সাম্রাজ্যবাদীদের বিধান বলে স্বাধীনতা আসবে না—ভারতের স্বাধীনতা আসবে শুধু ভারতের অগণিত সন্তানের দুঃখভোগ ও আত্মত্যাগের মধ্য দিয়ে। ভারতের স্বাধীনতার যুদ্ধ ইংল্যাণ্ডে হবে না—হবে ভারতের পবিত্র ভূমিতে, এবং সেখানেই সে যুদ্ধে ভারতীয়রা জয়ী হবে। আজকে এখন স্বাধীনতার শেষ ও চূড়ান্ত সংগ্রাম শেষ পর্যায়ে এসে পৌঁছেছে। চোখের সামনে প্রত্যক্ষ-করা স্বাধীনতার আদর্শে পৌঁছানোর জন্তে আপনাদের নেতৃত্বের আশায় কোটি কোটি দুঃখক্লিষ্ট জনগণ রুদ্ধশ্বাসে প্রতীক্ষা করছে। সেই সময় আপনাদের কার্যক্ষেত্র থেকে সরিয়ে নেবার জন্তে লগুনে নিমন্ত্রণ করা প্রত্যক্ষ ভাবেই বৃটিশের চক্রান্ত-জাল বিস্তারের চেষ্টা। ভারতীয় ইতিহাসের এই গুরুত্বপূর্ণ মুহূর্তে ভারতীয় জনগণকে আপনাদের নেতৃত্ব থেকে বঞ্চিত করার এই চেষ্টা যেন কোন ক্রমে সফল না হয়। আপনাদের পূর্বে অশ্রু যঁারা লগুনে গেছিলেন, তাঁরা হতাশা ও অনুতাপ ছাড়া আর কিছু নিয়ে ফিরে আসেন নি। এ পথে নতুন চেষ্টা করার বিরুদ্ধে দাঁড়িয়ে আছে তাঁদেরই ব্যর্থতার দৃষ্টান্ত।



## বিপ্লবীর আহ্বান

আমি আপনাদের উদ্দেশ্যে নিবেদন জানাচ্ছি, আর ওদিকে এই সময় আমাদের কাছে দুঃসংবাদ এল—মার্কিন-বাহিনী ভারতের গায়ে শৃঙ্খল আরও দৃঢ়ভাবে এঁটে দেবার প্রত্যক্ষ উদ্দেশ্য নিয়ে ভারতের মাটিতে পদার্পণ করেছে। ভারতের প্রতি মিঃ রুজভেল্টের অভিপ্রায় সম্বন্ধে এর চেয়ে সুস্পষ্টতর প্রমাণ আর কি হতে পারে? ভুল করলে চলবে না যে রুজভেল্ট তাঁর হাতে গণতন্ত্রের যে নরম দস্তানা পরেন, তার নীচে আছে শোষণের লোহ-মুষ্টি। ধীরে ধীরে হলেও নিশ্চিত রূপে ভারতের উপরও সে লোহ-মুষ্টি এসে পড়ছে। আপনাদের দিক থেকে পরিস্থিতিটা এখন পুরোপুরি বিশ্লেষণ করে দেখার সময় এসেছে। একা ব্রিটিশ-সাম্রাজ্যবাদের শোষণই ভারতের আত্মাকে প্রায় মেরে ফেলেছে, আর যখন ব্রিটিশ ও মার্কিন শোষণ একত্র হাত মেলাবে, তখন ভারতের অপূরণীয় ক্ষতি হবে। ভারতকে দমন করার দুই খেলায় আসন্ন ইঙ্গ-মার্কিন সহযোগিতার ভয়ঙ্কর ফল সম্বন্ধে আমি আপনাদের সাবধান করে দিচ্ছি। আশা করছি, যে অত্যধিক বিলম্ব হবার আগেই আপনারা এই প্রচেষ্টা বিচূর্ণ করে দেবেন।

প্রিয় পণ্ডিতজী ও জিন্না সাহেব, আমাদের জাতীয় ইতিহাসের এই চরম সঙ্কট-মুহূর্তে ভারতের কোটি কোটি দুঃখক্লিষ্ট সম্তান আপনাদের নির্দেশের প্রতীক্ষা করছে। নির্দেশ পেলেই তারা দলে দলে এগিয়ে যাবে স্বাধীনতা ও সার্বভৌমতার পথে।

## বিল্লবীর আহ্বান

মহামতি তিলক বলেছিলেন, স্বাধীনতা জাতির জন্মগত অধিকার। আপনারা যদি উভয়ে হাত মিলিয়ে জাতিকে স্বাধীনতার জগ্নে অগ্রগমনের নির্দেশ দেন, তবে সেই মুহূর্তেই ভারত স্বাধীন হয়ে যাবে। কাজেই অনধিকারী ব্রিটিশ কিংবা মার্কিন বা তাদের অথ কোন সহায়কদের সঙ্গে আপোষ-আলোচনা করে মিথ্যা সময় নষ্ট করবেন না।

সময় অমোঘ আহ্বান জানাচ্ছে আপনাদের উভয়ের উদ্দেশ্যে; আপনাদের মুখের দিকে নির্দেশের জগ্নে তাকিয়ে আছে। সে নির্দেশ যেন বহু-বিলম্বিত না হয়। বন্দে মাতরম্! টোকিও, ২৮-৪-৪২

## ভারতীয় জনগণের প্রতি

ভারতস্থিত আমার স্বদেশবাসিগণ, হৃদয়ে গভীর আনন্দ নিয়ে আমি পূর্ব-এশিয়ার আপনাদের ভাতাভগ্নীদের তরফ থেকে নিবেদন জানাচ্ছি। পূর্ব-এশিয়ার সাধারণ শত্রু মিত্রশক্তি আর একটি ভয়ঙ্কর ও গুরুত্বপূর্ণ যুদ্ধে পরাজিত হয়েছে। শক্তিশালী জাপানি সৈন্যরা ভূতপূর্ব স্বাধীন ব্রহ্মস্থিত মান্দালয় ব্রিটিশদের হাত থেকে ছিনিয়ে নিয়েছে। এই সুখের সংবাদে ভারত আনন্দ

## বিপ্লবীর আহ্বান

করুক। উত্তর-ব্রহ্মের রাজা সিংডনের পবিত্র বৌদ্ধ শহর থেকে জন বুলকে তাড়িয়ে দেওয়া হয়েছে।

মান্দালয়! এই নামটি আমাদের মনে কত করুণ স্মৃতির উদ্বেক করে। ভারতের শ্রেষ্ঠ সন্তানরা এই শহরের কারা-প্রাচীরের মধ্যে কত নীরব যন্ত্রণা ও মনোবেদনা ভোগ করেছেন—সেই কথা আমরা ভাবি। ভারতের যে বীর সন্তানরা বৃটিশ-শাসনের উচ্ছেদের চেষ্টা করছেন, তাদের বন্দী করে রাখার জন্তে বৃটিশরা এই পবিত্র বৌদ্ধ শহরের সীমার মধ্যে একটি কারাগার নির্মাণ করেছিল। ভারতবাসীর কাছে মান্দালয় বৃটিশ-কারাগৃহ ও নির্বাসনাগারের সমার্থবোধক হয়ে দাঁড়িয়েছিল। মান্দালয়-কারাগারের ধূসর বিবর্ণ দেয়ালের মধ্যেই লোকমাণ্য তিলক তাঁর জীবনের ছয়টি মূল্যবান বৎসর কাটিয়েছিলেন। এই কারাগারেই বৃটিশ সামাজ্যবাদীদের আদেশে লালাজী, সর্দার অজিত সিং, বিপিনচন্দ্র পাল, সুভাষচন্দ্র বসু এবং ভারতের অপর বহু শ্রেষ্ঠ সন্তান তাঁদের বিচিত্র কারা-জীবন কাটিয়ে গেছেন। মান্দালয় বৃটিশ-শাসকদের বিরুদ্ধে আমাদের জাতীয় সংগ্রামের প্রতীক বিশেষ—আমাদের জাতীয় শহীদ-ব্রতেরই প্রতীক। এশিয়ার জাতিসংঘের অগ্ন্যতম সদস্য জাপান বৃটিশদের হাত থেকে আন্দামান ও মান্দালয় ছিনিয়ে নেওয়ায় বৃটিশ সাম্রাজ্যবাদ ভারতের ত্যাগব্রতী সন্তানদের গায়ে যে লজ্জা ও কলঙ্ক লেপে দিয়েছিল তার অবসান হয়েছে। বৃটিশ-

## বিপ্লবীর আহ্বান

শাসকরা যে সব অত্যাচার করেছে, অবশেষে তার হিসাব-নিকাশের দিন এসেছে।

সমগ্র ব্রহ্ম-রণাঙ্গণে অজেয় জাপানি বাহিনীর হাতে পরাজয়ের পর পরাজয়ের সম্মুখীন হয়ে বৃটিশরা ভারতে পালিয়ে যাচ্ছে—যাবার পথে ‘পোড়ামাটি’ নীতি অনুসরণ করে। তারা নানা স্থানে অগ্নি-সংযোগ করেছে, দরিদ্র ব্রহ্মবাসীরা সর্বস্বান্ত হচ্ছে। এই হঠকারী বৃটিশরা শীঘ্রই ভারতকে শেষ আশ্রয়ে পরিণত করবে এবং ভারতে তাদের শক্তি ও নিরাপত্তা রক্ষার জন্তে নিবীহ ভারতীয় জনগণের শোষণে বাধ্য হবে। কিন্তু তারা যেখানেই যাক, জাপান তাদের অনুসরণ করবেই। জাপান প্রতিজ্ঞা করেছে, পূর্ব-এশিয়া থেকে বৃটিশ-শক্তির মূলোচ্ছেদ করবেই ; কোন বাধা তাকে এ উদ্দেশ্য-সাধনে বিরত করতে পারবে না। ভারতীয় জনগণের প্রতি তার গভীর শ্রদ্ধা ও সম্মম আছে, ভারতবাসী নিজেরাই যদি নিজদের দেশ থেকে বৃটিশ সাম্রাজ্যবাদ ধ্বংস করে, তবে জাপান তাদের ভূমিতে পদার্পণ করবে না! কিন্তু তারা যদি কর্তব্য-পালনে অসমর্থ হয়, তবে জাপানকে অনিচ্ছা সত্ত্বেও বাধ্য হয়েই বৃটেনের অনুসরণে ভারতের মাটিতে পদার্পণ করতে হবে। কেন না ভারতে যতদিন বৃটিশ সাম্রাজ্যবাদ বিদ্যমান থাকবে, ততদিন পূর্ব-এশিয়ার কোন জাতিই নিরাপদে বাস করতে পারবে না।

## বিপ্লবীর আহ্বান

সুতরাং আমার স্বদেশবাসিগণ, জাপানি বাহিনীর মান্দালয়-দখলের সংবাদ পাবার পর আজ আপনাদের উদ্দেশ্যে আমার বক্তব্য এই—“ভারতীয় রূপে নিজেদের কর্তব্যের আহ্বানে সাড়া দিন, ভারতের পক্ষে অনিষ্টকারী বৃটিশ শক্তির অবসান ঘটান—ভারতের শক্তি-প্রমাণের মুহূর্ত অবশেষে আজ এসেছে।”

আমার এ আহ্বান বিশেষ করে ভারতের যুব-শক্তির উদ্দেশ্যে। ইঙ্গ-মার্কিন বাহিনীর বিরুদ্ধে প্রশান্ত মহাসাগর থেকে ভারত মহাসাগর পর্যন্ত বিস্তৃত রণাঙ্গণে জাপ-যুবশক্তি যে অপূর্ব কর্মপ্রচেষ্টার উদাহরণ দিয়েছে, তার থেকে আমি ভারতীয় যুব-শক্তিকে প্রেরণা নিতে অনুরোধ করি। বিরাট রণাঙ্গণের মধ্যে আজ নতুন শক্তিশালী এশিয়া জন্ম নিচ্ছে, আর সেই রণাঙ্গনের প্রান্তে জাপানি যুবকরা হাজারে হাজারে, লক্ষে লক্ষে, অকাতরে প্রাণ-বিসর্জন করছে। ভারতীয় যুবশক্তির সম্মুখে আজকে অগ্রগতির আহ্বান জানাচ্ছি। বৃটিশ-শাসনের ভস্ম-স্তূপের উপর নতুন ভারত গড়ে তুলতে হবে; সে ভারত হবে বিরাট শক্তি ও প্রভাবশালী—যেমনটি ছিল সেই প্রাচীন কালে যখন ভগবান বুদ্ধ পথভ্রান্ত পৃথিবীর উদ্দেশ্যে আধ্যাত্মিক সভ্যতার বর্তিকা নিয়ে ভারত-ভূমিতে বিচরণ করতেন, কিংবা যখন অশোকের রাজত্ব কালে তাঁর জ্ঞানের-দীপ্তি ভারতের সীমা ছাড়িয়ে দূর-পৃথিবীর সর্বত্র ছড়িয়ে পড়ত। ভারতকে তার আদি গৌরব ও মহত্ত্ব পুনঃ-

## বিপ্লবীর আহ্বান

প্রতিষ্ঠিত করা নির্ভর করে তরুণদের স্বপ্নে। তাদেরই উদ্দেশ্যে আমি অন্তরের অন্তঃস্থল থেকে এই আহ্বান পাঠাচ্ছি।

ভারতের যুবকবৃন্দ, লোকমান্য তিলকের বাণী মনে রেখ। সেই বাণী তিনি আবিষ্কার করেছিলেন মান্দালয়ের নির্জন অন্ধকার কারাপ্রকোষ্ঠে বসে। সেই বাণী ভারতের বহুযুগের বাণী—কর্ম যোগের বাণী—ভগবান কৃষ্ণ কুরুক্ষেত্রের রণক্ষেত্রে দুঃখক্লিষ্ট অর্জুনের উদ্দেশ্যে সামান্য কয়টি কথায় সেই মহাবাহীই প্রকাশ করেছেন—“উত্তীর্ণত, জাগ্রত।” আজ পুনরায় ভগবান কৃষ্ণ ভারতের যুবশক্তিকে আহ্বান জানাচ্ছেন উঠে দাঁড়াতে।

ভারতীয় যুবকবৃন্দ, যোগী প্রভুর বাণী কান পেতে শোন। বন্দে মাতরম্!

টোকিও, ৫-৫-৪২

## কংগ্রেসের নেতৃবৃন্দের প্রতি

ভারতের জাতীয় কংগ্রেস কমিটি আজ তাঁদের ইতিহাসের সর্বাপেক্ষা গুরুত্বপূর্ণ সম্মেলনে সমবেত হয়েছেন। এই সম্মেলনের সিদ্ধান্ত আমাদের জাতির ভাগ্যকে বহুলাংশে প্রভাবিত করবে। এই স্মরণীয় মুহূর্তে পূর্ব-এশিয়ার বিভিন্ন অঞ্চলপ্রবাসী ভারতীয়দের পক্ষ থেকে আমি, রাসবিহারী বসু, পুনরায় আপনাদের

## বিপ্লবীর আহ্বান

উদ্দেশ্যে নিবেদন জানাচ্ছি। ভারত এশিয়ার স্বাধীন ও সার্ব-  
ভৌম জাতিপুঞ্জের মধ্যে নিজের প্রাপ্য পদ-মর্যাদা গ্রহণের জন্তে  
বর্তমান বিশ্বযুদ্ধের বিশৃঙ্খলার মধ্য থেকে শক্তিশালী ঐক্যবদ্ধ  
ও প্রকৃত স্বাধীন জাতি রূপে বেরিয়ে আসবে, না চিরদিনের  
জন্যে ব্রিটিশ কিংবা অ্যাংলো-স্যাক্সন প্রভুত্ব ও শোষণের অধীন  
থাকবে—এই প্রশ্নের উত্তর অনেকাংশে নির্ভর করবে আপনারা  
এই অধিবেশনে যে সিদ্ধান্ত গ্রহণ করবেন তার উপর।

ক্রীপস প্রস্তাবের সময় আপনারা যে মনোভাব অবলম্বন  
করেছিলেন তার থেকে আমরা ভাল ভাবে জানি যে ব্রিটিশ প্রভুত্ব  
থেকে বিমুক্ত ভারতের পূর্ণ ও নিঃসর্ত্ব স্বাধীনতারই আপনারা দৃঢ়  
সমর্থক। আপনারা এ বিষয়ে এক তিলও আপোষের পথে যাবেন না।  
কিন্তু যে প্রশ্নের সমাধান আজও হয় নি সেটা এই যে, আপনাদের  
সাহায্যকল্পে প্রস্তুত বিশ্ব-শক্তিপুঞ্জের সাহায্য দানের জন্য আপনারা  
কোন ব্যবস্থা বা কর্মপদ্ধতি অবলম্বন করবেন কিনা। এ সম্বন্ধে  
সিদ্ধান্ত গৃহীত না হওয়া পর্যন্ত এবং ব্রিটিশ সাম্রাজ্যবাদের কৌশল  
প্রতিরোধে আপনারা যেমন সংকল্প ও সাহস দেখিয়েছিলেন,  
তেমনই সংকল্প ও সাহসের সঙ্গে জাতিকে তার চূড়ান্ত লক্ষ্যের  
দিকে এগিয়ে না নিয়ে যাওয়া পর্যন্ত, ভারতের স্বাধীনতা অর্জিত  
হতে পারে না।

বর্তমান ভারতীয় নেতৃত্বের কাছে ইতিহাস তার শ্রেষ্ঠ এবং  
সর্বাপেক্ষা কঠিন দাবি নিয়ে সমুপস্থিত। ভারতীয় নেতারা

## বিপ্লবীর আহ্বান

আজ যুগের দাবি মেনে নিয়ে স্বাধীনতার শেষ-সংগ্রামের নির্দেশ দেবেন, না তাঁরা কল্লিত ভয়ের কাছে আত্মসমর্পণ করে নেতৃত্ব-গৌরব ব্যর্থ করে দেবেন ?

পূর্ব-এশিয়ার এই অনুকূল কেন্দ্রভূমি থেকে অচিন্তনীয় দ্রুতগতিতে আজ বিশ্বের ঘটনাপুঞ্জ আবর্তিত হচ্ছে। শতাব্দীর পর শতাব্দী ধরে পূর্ব-এশিয়ার জাতিপুঞ্জ ইঙ্গ-মার্কিন প্রভুত্বের অধীনে যন্ত্রণায় আর্তনাদ করছিল, জাপানি নেতৃত্ব তার শেষ চিহ্নটুকু পর্যন্ত মুছে দিয়ে পূর্ব-এশিয়াকে বিমুক্ত করেছে। মাত্র চার মাস সময়ের মধ্যে এই বিরাট কাজ সম্পন্ন হয়েছে ; এতকাল ধরে ব্রিটিশ ও মার্কিন-শাসিত এই সব অঞ্চলে এখন ক্রমশ অভূতপূর্ব শৃঙ্খলা ও সমৃদ্ধি ফিরিয়ে আনা হচ্ছে ! এশিয়া নিজেদের শাসন করার উপযুক্ত নয়—পাশ্চাত্যের এই পুরাতন ঘৃণ্য কুৎসা যে একেবারে অর্থহীন জাপান গত কয়েক মাসের আশ্চর্য প্রচেষ্টার দ্বারা তা সম্পূর্ণ প্রমাণিত করেছে। ভারতে ব্রিটিশ-শাসনও এই একই নিন্দাবাদের উপর প্রতিষ্ঠিত—অর্থাৎ ভারতীয়রা নিজেদের শাসন করার উপযুক্ত নয়, ব্রিটিশ-শাসন ভারতীয়দের পক্ষে অপরিহার্য প্রয়োজন। গত দুই শতাব্দী ধরে ব্রিটেন ভারতের বিপক্ষে অবিরত এই নিন্দাবাদ শুনিয়ে যাচ্ছে, ভারতবর্ষ এখনও তার সমুচিত সত্ত্বের দেয় নি। এখন অবশেষে ব্রিটেনের চ্যালেঞ্জ গ্রহণ করার এবং তার মুখের উপর উপযুক্ত জবাব দেবার সময় এসেছে। আপনারা আর দ্বিধাগ্রস্ত



## বিপ্লবীর আহ্বান

হয়ে থাকবেন না। পূর্ব-এশিয়ায় অ্যাংলো-শ্বাঙ্গন জাতি জাপানকেও এইভাবে চ্যালেঞ্জ করেছিল ; জাপানের নেতৃবৃন্দ সে চ্যালেঞ্জ গ্রহণ করতে দ্বিধা বোধ করেন নি। ভারতের ভাগ্য-নির্ধারণের শেষ অধ্যায়ে আপনারা এসে পৌঁচেছেন ; আপনাদের সামনে আছে এঁদের সকলের সাহস ও সংকল্পের উজ্জল আদর্শ। জাপানের নেতারা পূর্ব-এশিয়ার জনগণের জন্যে যা করেছেন, ভারতের জনগণের জন্যে আপনারা যে পন্থায় ভাল মনে করেন, তাই-ই করবেন ; এবং অবিলম্বে তা করা উচিত।

আমি গভীর উদ্বেগের সঙ্গে ভারতীয় নেতৃবৃন্দকে সাবধান করে দিচ্ছি, ভারতের স্বাধীনতার অধিকার সম্বন্ধে চ্যালেঞ্জ শুধু বৃটেনের কাছ থেকেই আসছে না—আসছে তার পরম মিত্র আমেরিকা যুক্তরাষ্ট্রের কাছ থেকেও। এ যুদ্ধে এরা হুঁজুন অবিভক্ত, এরা এশিয়ার দুর্বলতর জাতিপুঞ্জকে অধীন করে রাখার সাধারণ উদ্দেশ্য নিয়ে কাজ করছে। বৃটিশ সাম্রাজ্যবাদের মেরুদণ্ড আজ যুক্তরাষ্ট্র—অর্থাৎ মিঃ রুজভেল্ট-নিয়ন্ত্রিত আমেরিকার গভর্নমেন্ট। আমরা জানি যে, যুক্তরাষ্ট্রে এমন সাধু ন্যায়পরায়ণ লোকও আছেন যারা বিনা দ্বিধায় ভারতে অনুষ্ঠিত বৃটিশ-শোষণের নিন্দা করেন, এবং মিঃ রুজভেল্ট ও তাঁর বন্ধুবান্ধবদের এ যুদ্ধে যোগ দেবার জ্ঞা গালাগালি দেন। কিন্তু একদল আমেরিকানের অমানুষিক জাতি বিদ্বেষ, লিঞ্চিং (নিগ্রো-

## বিপ্লবীর আহ্বান

দের জীবন্ত দণ্ড করে মারা) ও দস্যুতার পরিচয় আপনাদের কাছে সুবিদিত। তারাই ঐ সব লোকের কণ্ঠ চেপে ধরে। বৃটিশ সাম্রাজ্যবাদ দিনের পর দিন অস্ত-সমুদ্রে ক্ষীয়মান হয়ে আসছে—আর আমেরিকাই এই সব বৃটিশ অধিকারের উত্তরাধিকারী হবে—এ কথা ভেবে মিঃ রুজভেল্ট লোভীর দৃষ্টিতে তাকাচ্ছেন। ভারতের ভবিষ্যৎ সম্বন্ধে মার্কিন-প্রেসিডেন্টের মনে কি আছে তার সুস্পষ্ট নির্দেশ পাওয়া যায় সম্প্রতি প্রকাশিত ভারতে মিঃ রুজভেল্টের সৈন্যবতরণের সংবাদে।

জাতীয় কংগ্রেসের নেতৃবৃন্দ, ভারতকে চিরকাল দাসত্ব-শৃঙ্খলে বেঁধে রাখার জন্যে সম্মিলিত ইঙ্গ-মার্কিন পরিকল্পনা ও চক্রান্তের ক্রম-বধমান শক্তির প্রতি আমি সাগ্রহে আপনাদের দৃষ্টি আকর্ষণ করি এবং আমার অন্তরের অন্তস্থল থেকে অনুরোধ করি যে আজ যখন ইতিহাসের বিরাট শক্তিপুঞ্জ আপনাদের পক্ষে, আপনাদের প্রত্যেক প্রচেষ্টার অনুকূলে, তখন সেই সুযোগে আপনারা ইঙ্গ-মার্কিন শক্তি পুঞ্জের উপর আঘাত করুন।

ভারতীয় নেতৃবৃন্দ, যুগের দাবি আপনাদের কাছে সমুপস্থিত! এ দাবি গ্রহণ করে এবং ভারতে আপনাদের ভাবী বংশ-ধরদের মুখ চেয়ে এ দাবির মর্যাদা রক্ষা করে আপনারা যেন আপনাদের নেতৃত্বে সার্থক করে তুলতে পারেন!

আমি প্রার্থনা করি যে, বিশ্ববিধাত্রী যেন আপনাদের এই কাজের উপযোগী শক্তি ও সাহস দেন! বন্দে মাতরম্।

টোকিও, ১০-৫-৪২

## মূল্য—এক টাকা আট আনা

অনুবাদক—গোপাল ভৌমিক

বেঙ্গল পাবলিশার্সের পক্ষে প্রকাশক—মনোজ বসু, ১৪ বঙ্কিম চাট্টোজী  
স্ট্রীট ; রংমশাল প্রেস লিঃ-এর পক্ষে মুদ্রাকর—দেবীপ্রসাদ চট্টোপাধ্যায়,  
৩ শঙ্কুনাথ পণ্ডিত স্ট্রীট ।

### আজাদ-হিন্দ গ্রন্থমালা

প্রথম বই : দিল্লী চলো—নেতাজী সুভাষচন্দ্র

দ্বিতীয় বই : মুক্তি-পতাকাতলে—নীহাররঞ্জন গুপ্ত

তৃতীয় বই : নেতাজী ও আজাদ-হিন্দ ফৌজ—জ্যোতিপ্রসাদ বসু

চতুর্থ বই : আরাকান ফ্রন্টে—শান্তিলাল রায়

পঞ্চম বই : বিপ্লবীর আহ্বান—রাসবিহারী বসু

ষষ্ঠ বই : ভারত ছাড়ো—নৃপেন্দ্রনাথ সিংহ

এই গ্রন্থমালার অন্তর্ভুক্ত নিম্নের বই দু'খানা শীঘ্র প্রকাশিত হবে—

সপ্তম বই : লেখপুঞ্জ—নেতাজী সুভাষচন্দ্র, জেনারেল মোহন সিং,

জেনারেল কিয়ানি, এন রাঘবন প্রমুখ

আজাদ-হিন্দ ফৌজের নায়কগণ ।

অষ্টম বই : জাপানী বন্দী শিবিরে—ডাঃ সত্যেন্দ্রনাথ বসু

মনোজ বসুর  
কয়েকখানা বই—

বেঙ্গল পাবলিশার্স

১৪, বঙ্কিম চ্যাট্টো স্ট্রিট,  
কলিকাতা

## সৈনিক

সম্প্রতি প্রকাশিত বৃহৎ রাজনৈতিক উপন্যাস। ১৯৪১ থেকে ১৯৪৪ অবধি বিক্ষুব্ধ দেশের বহু-বিস্তীর্ণ পরিবেশ। দ্বিতীয় মহাযুদ্ধ, বতা ও বাত্যা, আগস্ট-আন্দোলন, মহামহত্ত্ব ও অসংখ্য বিপর্ষয়ের মধ্য দিয়ে সর্বরিক্ত বীর-বিক্রম সৈনিক স্বাধীনতা-প্রচেষ্টায় এগিয়ে চলেছে—মাথায় নির্ধাতনের শিলাবৃষ্টি, পিছনে টলমল অশ্রুসমুদ্র। কত ফুল বরল পথের উপর, কত কবিতার অকাল-সমাধি হল!... অগ্নিকরা বলিষ্ঠ এই উপন্যাস সাহিত্যে ও জাতির জীবনে অপরিমেয় সম্পদ বলে পরিকীর্তিত হবে। দাম সাড়ে তিন টাকা।

## ভুলি নাই (৪র্থ সং)

গতানুগতিক উপন্যাস নয়—অগ্নিযুগের বিপ্লবনেতা কুন্তল-দা ও সর্বত্যাগী নরনারীরা ইহার নায়ক-নায়িকা। দাম দুই টাকা।

প্রথম সংস্করণ—আশ্বিন, ১৩৫০; দ্বিতীয় সংস্করণ—মাঘ, ১৩৫০; তৃতীয় সংস্করণ—আষাঢ়, ১৩৫১; চতুর্থ সংস্করণ—মাঘ, ১৩৫১। বিক্রয়-বাহল্য বইয়ের অসামান্ততার পরিচয় দিচ্ছে।

প্রবাসী—(চৈত্র, ১৩৫০) বলিষ্ঠ ভাষা ও স্বর্ভূ প্রকাশভঙ্গীর সঙ্গে দরদ মিশাইয়া লেখক অগ্নিযুগের পটভূমিকায় বিভিন্ন নর-নারীর সঙ্গে পরিচয় করাইয়া দিয়াছেন। প্রাণ-সম্পদে ও যুগপৌরবে অগ্নির মতই উজ্জ্বল বলিয়া ইহাদের ভূলা কঠিন।

**দেশ—**( ২৭শে কার্তিক, ১৩৫০ ) ..বিষয়বস্তুর দিক থেকেঃ গ্রন্থখানির অভিনবত্ব অনস্বীকার্য। বর্তমান গ্রন্থে মনোজবাবু এমন সব নরনারীর কাহিনী বর্ণনা করেছেন যাদের বৈচিত্র্যময় দানে বাঙ্গালার রাষ্ট্রীয় আন্দোলনের ইতিহাস সুসমৃদ্ধ—অথচ যাঁরা আমাদের লেখক-লেখিকাদের কাছ থেকে সুবিচার পান নি। অবশ্য এই সুবিচার না পাওয়ার কারণ বোধ হয় এই যে, এঁদের অধিকাংশ কাহিনী ছিল ভূগর্ভনিহিত। ফলে, এঁদের দুঃসাহসিক বৈচিত্র্যময় কাহিনীবলীর ইতিহাস অস্পষ্ট এবং বর্তমানে বিস্মৃতপ্রায়। ‘তুলি নাই’-এর মারফৎ মনোজবাবু এমনই কয়েকজন দুঃসাহসী বিপ্লবী নেতার সঙ্গে আমাদের পরিচয় করিয়ে দেবার চেষ্টা করেছেন...

**যুগান্তর—**( ২৮শে নবেম্বর, ১৯৪৩ ) বিপ্লববাদকে কেন্দ্র করিয়া একদা বাংলার তরুণ-সম্প্রদায় অগ্নিমস্ত্রে দীক্ষা গ্রহণ করিয়াছিল, সেই সময় বাঙ্গালী যুবকেরা হাসিমুখে জেলে গিয়াছে, ঠাসীকাঠে কুলিয়াছে; তারপর মত ও পথের পার্থক্য হয়ত বিলক্ষণ ঘটয়াছে। কিন্তু বাহারা সেদিন জীবন বলি দিয়াছিল, তাহাদের সাধনা তো মিথ্যা নয়; তাহাদের ভোলা যায় না। সেই অগ্নিযুগের পটভূমিকায় লেখক কয়েকটি স্বাধীনতাকামী তরুণ-তরুণীকে লইয়া এই কাহিনী গড়িয়া তুলিয়াছেন। পড়িতে পড়িতে মনে হইল ইহাদের সকলকেই চিনি; কুস্তলদা, উমারাগী, মায়া, সরোজ—সকলেই আমাদের আপনার জন। ইহাদের কাহিনী স্বভাবসিদ্ধ দরদেহ সহিত ফুটাইয়া তুলিতে পারিয়াছেন, এইখানেই মনোজবাবুর কৃতিত্ব।

**আনন্দবাজার পত্রিকা—**( ৫ই ডিসেম্বর, ১৯৪৩ ) বাঙ্গালার বিপ্লব-যুগের কয়েকজন বিপ্লবীর চরিত্র এই উপন্যাসের বিষয়বস্তু। বিপ্লব-নেতা কুস্তল সরকার একটি বিপ্লবী দলের নেতা। তাহার আহ্বানে এবং তাহার চরিত্রের আকর্ষণে কতিপয় তরুণ-তরুণীকে লইয়া দলটি গড়িয়া উঠে। ঐ দলেরই অগ্রতম সদস্য শঙ্কর রায়ের কথার মধ্য দিয়া লেখক ফুটাইয়া তুলিয়াছেন—ঐ দলের অস্ত্রাস্ত্র সদস্ত-সদস্ত্রী এবং নেতা কুস্তলদার ত্যাগ, দুঃখবরণ, নিষ্ঠা আর তেজস্বিতার কাহিনী।...

**পূর্ববাণী—**( কার্তিক, ১৩৫০ )...উনিশ-শ তিতাল্লিশ সালের বাংলাদেশে স্বাধীনতা-আন্দোলনের ধারা আমূল পরিবর্তিত হইয়াছে, স্বাধীনতার আদর্শও এখন স্বতন্ত্র। কিন্তু সে যুগের বিপ্লবী কর্ম্মারা তাহাদের দ্রব আদর্শশ্রীতি ও নিরলস কর্ম্মপ্রেরণার জন্ত নমস্ত হইয়া থাকিবেন। গ্রন্থকার তাহার এই আধুনিকতম

গ্রন্থে কতকগুলি অর্ধকাল্পনিক চরিত্র ও কাহিনীর সাহায্যে প্রাপ্ত কল্পনার স্মৃতি-তুর্পণ করিয়াছেন।...

কাহিনীগুলির কাল উনিশ পাঁচ হইতে উনিশ। কিন্তু রচনাকালে অপেক্ষাকৃত আধুনিক উনিশ শ তিরিশ হইতে পঁয়ত্রিশ সালের সম্ভ্রাসবাদ আন্দোলনের কথা গ্রন্থকারের অজ্ঞাতসারে মনে আসিয়াছে।...মল্লিকা শীর্ষক অংশে উনিশ শ একুশ ও ছত্রিশ মিলিয়া গিয়াছে। তাহাতে একটি বিশেষ সফল হইয়াছে যে জাতীয় আন্দোলনের গতি যে পরিবর্তিত হইয়াছে, তাহার আভাস পাওয়া সম্ভব হইয়াছে। পরিশেষে মানুষের ভবিষ্যৎ সম্বন্ধে যে বলিষ্ঠ কল্পনা করা হইয়াছে, তাহা পাঠকের মনে বর্তমান দুঃস্বপ্নের মধ্যেও আশার সঞ্চার করিবে।

**শনিবারের চিঠি**—(আখিন, ১৩৫০) নূতন বিষয়বস্তু লইয়া নূতন ভঙ্গিতে লেখা উপন্যাস, দুঃসাহসিকতার প্রদীপ্ত।

**Amrita Bazar Patrika** :—The book deals with the recent political phase of Bengal. Mr. Bose is perhaps the first of his class to use this romantic but grim period of hide-and-seek game by emotional youths as the theme of his story. But he has executed his task judiciously. The personalities he has introduced are brilliant....Shankar the narrator is vivid, lively and absorbing. Ananda Kishore, Maya, Nirupama are full-sized portraits suffering no weakness in either colour or line. Mr. Bose's style is dignified yet subtle and keeps the reader enthralled.

**ডক্টর সুনীতিকুমার চট্টোপাধ্যায়**—খ্রীষ্ট মনোজ-বহুর “ভুলি নাই” উপন্যাস পড়িয়া বড়ই ভাল লাগিল। ভারতবর্ষে রাষ্ট্রীয় আন্দোলন ও স্বাধীনতার সংগ্রামের ইতিহাসে, এই শতকের (খ্রীষ্টীয় কুড়ি শতকের) প্রথম ও দ্বিতীয় দশকের দ্বন্দ্ববাদীদের একটা লক্ষণীয় স্থান আছে। দেশের মধ্যে প্রবল-প্রতাপ বিদেশী রাজশক্তির বিরুদ্ধে দাঁড়াইয়া যাহারা আত্মাহুতি দিয়াছিলেন, তাঁহাদের অমূল্য নীতি এবং কার্য-পদ্ধতি সম্বন্ধে মতভেদ থাকিতে পারে; কিন্তু তাঁহাদের আকুলতাময় দেশহিতৈষণা, স্বাধীনতার জন্য তাঁহাদের দুর্দমনীয় আকাঙ্ক্ষা এবং তাঁহাদের অসমসাহসিকতা সম্বন্ধে সন্দেহের লেশমাত্র অবকাশ নাই। ভারতবর্ষের নিপীড়িত প্রাণহীন মৃতকল্প জনগণের মধ্য হইতে এইরূপ উদ্দাম এবং অদম্য প্রাণ ও সাহসের উদ্ভব কি করিয়া হইল, তাহা এক বিশ্বম্ভর ব্যাপার! এক পুরুষ আগেকার

বোম্বার্ক বিপ্লবীদের আজকালকার ছেলেমেয়েরা দেখে নাই, তাঁহাদের কথা শুনে নাই। হয়তো ঐতিহাসিকের দ্বারা সে যুগের সত্য ইতিহাস লেখার সময় এখনও হয় নাই, যদিও উপেন্দ্র, বারীন্দ্র, হেমচন্দ্র প্রমুখ পূর্বতন বিপ্লবীরা আংশিকভাবে তাঁহাদের নিজ নিজ জীবনকাহিনী প্রকাশিত করিয়া গিয়াছেন। কিন্তু তাঁহাদের যুগের কথা সাহিত্যিকের দৃষ্টি এড়াইবার নহে; এবং নিপুণ কথাশিল্পী শ্রীযুক্ত মনোজ বসু ইহাদের কথার কিছু কিছু আভাস লইয়া যে চরিত্র-চিত্রণ ও মনোভাব বিশ্লেষণ করিয়াছেন বাঙ্গালা কথা-সাহিত্যের ক্ষেত্রে তাহা চিরস্থায়ী হইয়া থাকিবে। দেশকে স্বাধীন করিবার দুর্বীর চিন্তার ধনী বৃকের মধ্যে অহরহঃ আলাইয়া রাখিয়া বাঁহারা চলাফেরা করিতেন, এই চিন্তার আশুনে বাঁহারা ব্যবহারিক পাপপুণ্যের বিচার এবং মনের কোমল বৃত্তি—স্নেহ-মমতা ভালবাসা এই দুইই বাঁহারা আহতি দিতে চাহিয়াছিলেন, তাঁহারাও যে শেষ পর্য্যন্ত অদ্ভুত কর্মী হইলেও মানুষই ছিলেন, অনপনের মানবধর্মের কারণ তাঁহারাও যে সুখ-দুঃখ হাদি-কান্না মায়া-মমতার গণ্ডীর মধ্যেই নিজেদের ধরা দিয়া ফেলিতেন, তাহা সুগভীর অনুকম্পার সঙ্গে সার্বকভাবে গ্রহণকার দেখাইতে সমর্থ হইয়াছেন। সম্ভবতঃ অনুভবী পাঠকে ত্যাগের আশ্রয়বলিদানের এবং সঙ্গে সঙ্গে মানবধর্মিতাব কতকগুলি মর্মস্পর্শী চিত্রণ অভিতুত করিবে। যথার্থ ট্রাজিক নাটকের উপযোগী রসের আশ্বাদনও এই বই হইতে তিনি করিতে পারিবেন। এই বইয়ের যে সমুচিত আদর হইয়াছে শুনিতেছি, তাহাতে বাঙ্গালী পাঠকসমাজকে অভিনন্দিত করিতে ইচ্ছা হয়।

**কথা-সাহিত্যিক বিভূতিভূষণ মুখোপাধ্যায়—**‘ভুলি নাই’ পড়িলাম। জানি না, আপনার জীবনের সঙ্গে কতটা সম্বন্ধ ঘটনা ও চরিত্রগুলির, তবে অক্ষরে অক্ষরে দরদ যেন উছলিয়া পড়িয়াছে। প্রাসঙ্গিক ক্রমে বলা চলে—এই দরদ আপনার লেখার জীবন-রস।...বইয়ে প্রত্যেক চরিত্রটি নিজের জগতে সম্পূর্ণ—আশা-নিরাশা দিয়া গড়া নিজের নিজের জগতে। আর একটা জিনিষ বইটির মধ্য দিয়া ফুটিয়া বাহির হইয়াছে—সেটা আশার আলো—এত সহানুভূতির সহিত লেখা যে মনে হয়—শত ট্রাজেডির মধ্যেও তাঁদের আশার কথাটাই বড়। শেষ অধ্যায়ে যেখানে আপনি এ কথাটাকে স্পষ্ট করিয়াছেন সেখানটার কথা বলিতেছি না। আমি বলিতেছি, কলমের গুণে, না বলার চেষ্টা সত্ত্বেও যেখানে সেখানে এই কথা ফুটিয়া বাহির হইয়াছে—সমস্ত বইখানির মূল রস হিসাবে।

**Behar Herald :—**No new introduction is necessary of Monoj Bose's literary talent. He is a past-artist. Bengali-knowing literary public who are interested in our literature know him full well. His 'Bana Marmar,' 'Narabandh', 'Prithibi Kader' and 'Debi Kishori' have already stored for him a bag of reputation which will for a long time stand as an object of envy for the so-called Burgeoise entrantees in our literature.

Bhuli Nai is a novel dealing with revolutionary characters of whom Kuntalda is hero. Kuntalda is no dreamer—he is a man of action, of speed and of scientific outlook. He knows full well that speeches, meetings and resolutions are of no avail, strenuous nervous effort and immense sacrifice are necessary for emancipation of the mother-country and for creating a strong foothold for the future children of India. Kuntalda is the central rod round which other revolutionary characters rotate and the success of Kuntalda was deemed by all their own success. Kuntalda to them and to us as well is not only the hero and leader but a true son of Mother India—India that is, and that will be. **Kuntalda is the ideal not of present but of future as well ; say, for all time....**

## দুঃখ-নিশার শেষে ( ৭য় সং )

পাঁচ মাসে প্রথম সংস্করণ নিশেষিত । দাম দুই টাকা ।

**শ্রীসজনীকান্ত দাস—**( যুগান্তর ৭।৪।৫১ ) যাঁহারা 'বন-মন্দির' 'নর-বাঁধ' 'দেবী-কিশোরী' যুগের রোমাটিক মনোবৃত্তি-সম্পন্ন শিল্পী মনোজ বসুর লেখার সহিত পরিচিত, তাঁহারা গত তিন-চার বৎসরের মধ্যে প্রকাশিত তাঁহার গল্প ও নাটক-গুলিতে পূর্বতন দৃষ্টিভঙ্গী ও আদর্শবাদের পরিবর্তন দেখিয়া বিস্ময় বোধ করিবেন । 'পৃথিবী কাদের' পুস্তকে মনোজবাবুর এই আধুনিক দৃষ্টিভঙ্গী সর্বপ্রথম স্থষ্টি হইয়া উঠে ; তিনি স্বপ্নবিলাস পরিত্যাগ করিয়া এই ধূলামাটির পৃথিবীতে অবতীর্ণ হইয়া দলিত পিষ্ট সর্বহারা মানুষের অগ্নদুঃখের কথা অত্যন্ত সহানুভূতির সঙ্গে তাঁহার পাঠকদের কাছে নিবেদন করেন । তাঁহার মতবাদ তাঁহার নিজস্ব, অস্তরের গভীর বেদনা হইতে উদ্ভূত, সর্বপ্রকার ইঞ্জ-নিরপেক্ষ । এই কারণে তাঁহার লেখা পড়িতে



আমাদের শিল্পবোধ ক্ষুণ্ণ হয় না, রসোপভোগের সঙ্গেই তাঁহার উদ্দেশ্যকে আমরা স্বীকার করিতে পারি।

বর্তমান গল্পসংগ্রহে মনোজবাবুর এই আধুনিক দৃষ্টিভঙ্গীর চরম বিকাশ পরিলক্ষিত হইল। সকল গল্পই আমাদের এই বাঙ্গালী জীবনের বাস্তবকঠিন ও বিচিত্র সমস্তার পরিচয় ও সমাধানমূলক সুখপাঠ্য গল্প। আমাদের দুঃখ-নিশার সমাপ্তির দিকেই এগুলির লক্ষ্য। গল্পগুলি শুধু আমাদের আনন্দ দেয় না, আমাদেরই এই মাটির পৃথিবীতে অতি পরিচিত মানুষ ও সমাজের মধ্যে আমাদের রসবস্তুর সন্ধান দিয়া আমাদের পূর্ণাঙ্গ পরিণাম সম্বন্ধে ভাবাইয়া তুলিয়াছে। এই মনস্তত্ত্বের দিনে সাহিত্যরস ও বাস্তব প্রয়োজনের সামঞ্জস্য বিধানের জন্য মনোজবাবুকে আমার আন্তরিক কৃতজ্ঞতা জানাইতেছি।

**প্রবাসী**—(আঘাট, ১৩৫১) কাহিনীগুলি সর্বহারার কৃষক ও মধ্যবিত্ত শ্রেণীর দারিদ্র্যের দুঃখ-দুর্দশা লইয়া রচিত। ধনবৈষম্যে সমাজ-ব্যবস্থার কলুষ কতদিকে এবং কত ভাবেই না আত্মপ্রকাশ করিয়া মানুষের জীবনকে পঙ্কু করিয়া দিতেছে—এগুলিতে তাহা নিপুণ ভাবে উদ্ঘাটিত হইয়াছে।

মনোজবাবু শক্তিমান লেখক। অনুভূতি তাঁহার তীব্র, মন দরদী, এই দরদ কোন কোন ক্ষেত্রে ভাববিলাসে পর্যাবসিত হইয়া এক শ্রেণীর পাঠকচিত্ত বিনোদন করিয়া থাকে। মনোজবাবু সে চেষ্টা মাত্র করেন নাই। গল্প পড়িতে পড়িতে মনে হয়, কৃষক-জীবনের সহিত তাঁহার প্রত্যক্ষ যোগ আছে। তাই তাহাদের আচার-ব্যবহার, আশা-আকাঙ্ক্ষা দুঃখ জাতি মৃঢ়তা মিশাইয়া বেদনা-জ্বালাময় ছবি আঁকিতে পারিয়াছেন। এই বেদনা কোথাও ঘটনা-বিস্তারিত কোথাও সংলাপে কোথাও বা মন্তব্যের দ্বারা পরিস্ফুট হইয়াছে। ভূমি ও অন্ন-বঞ্চিতের জ্বালা কোন কোন গল্পে এত তীব্র হইয়া ফুটিয়াছে যে, আখ্যানভাগকে অতিক্রম করিলেও গল্প-রস-বিচ্যুত মনে গীড়া জন্মায় না।

**Amrita Bazar Patrika (28. 5. 44)** The short stories under review mark the mental evolution of a highly sensitive writer. Before an overwhelming social tragedy he seems to be ashamed of so long riding the high horse of pure literature and he frankly subordinates his art to propaganda. If he errs he errs on the side of truth. He deserves our deepest sympathy as an artist who

born from the moorings of the past is struggling to adjust himself to new conditions of life. When the turbulence of transition has settled down and art has come to its own in life, these martyrs will be gratefully remembered as harbingers of a new intellectual order.

## একদা নিশীথকালে ( ২য় সং )

হাস্ত-মধুর গল্পের সংকলন। নামজাদা আর্টিস্টদের আঁকা বহু রেখাচিত্রে সুশোভিত। বিচিত্র রূপালি প্রচ্ছদ-পট। দ্বিতীয় সংস্করণ নব নব চিত্র সহযোগে প্রীতি-উপহারের বিশেষ ভাবে উপযোগী করা হয়েছে। দাম ছুটাকা চার আনা।

**শনিবারের চিঠি**—খাঁহারা মনোজবাবুর গভীর শব্দ ‘বনমন্ডর’ ‘নরবাঁধ’ প্রভৃতি পড়িয়াছেন, তাঁহার হালকা লেখাতেও তাঁহার ক্ষমতা দেখিয়া বিস্মিত হইবেন। গল্পগুলি চিত্র-শোভিত হওয়ায় পাঠকদের রসোপলব্ধির সহায়তা করিবে। মনোজবাবু কথার বাছুর—অতি সামান্য ঘটনাকে তিনি কাজে লাগাইয়াছেন।...গল্পগুলি এই দুদিনে অনেকের ভাষাক্রান্ত মনকে লঘু করিবে।

**প্রবাসী**—যে-কোন গল্প পড়িতে আরম্ভ করুন, আপনাকে শেষ পর্য্যন্ত টানিয়া লইয়া যাইবেই।...

**আনন্দবাজার পত্রিকা**—হাসির গল্পের সমষ্টি।...হৃদশাপিষ্ট মানুষের মনে সরসতার সঞ্চার করিবে।

**যুগান্তর**—লেখনী-চাতুর্য্যে গল্পগুলি যেমন মনোরম তেমনই হৃদয়স্পর্শী হইয়াছে। যে মায়ালোক গড়িয়া উঠিয়াছে, উহার অনিবার্য্য আকর্ষণে আজিকার দিনের বিপর্য্যস্ত মানুষ ক্ষণিক মোহান্তির নিঃশ্বাস ফেলিবে।

## পৃথিবী কাদের? ( ২য় সং )

ছোট-গল্পের পরিধির মধ্যে বলিষ্ঠ মননশীলতা যেরূপ মনোহর বিচিত্ররূপে প্রকাশ পেয়েছে, শুধু এদেশে নয়—বৈদেশিক সাহিত্যেও

তা অত্যন্ত দুর্বল। অমৃতবাজার পত্রিকা বলেছেন—It is a departure in the fiction-literature of the province—ইহা অতিশয়োক্তি নয়। দ্বিতীয় সংস্করণে বাঁধাই ও প্রচ্ছদপট অতি অভিনব হয়েছে। দাম দেড় টাকা।

**Amrita Bazar Patrika :—**As the title of the book suggests Mr. Bose—a reputed writer—has tried herein and in course of five other vivid and illuminating stories to look at the eternal question of “Haves” and “Have-nots”....

Mr. Bose's treatment of the subject is artistic and readers will find in the volume—a lively and vigorous study of Bengal's rural problem—cent per cent refreshing. **It is a departure in the fiction literature of the province.** The first story...culminates in the couple absconding from their native village. But before they do so they enjoy the malicious pleasure in setting their cottage, in building which they spent their all energy, to fire. On the road to No Man's Land Saudamini is bitter but is not “proletarian”. She curses her lot and says that next time when she would be face to face with her Creator she would demand from Him an answer—If the earth has been divided amongst others why do You send us there ?—a typically Indian answer to the most topical and perplexing question that humanity has ever been faced with.

Mr. Bose's style is sensitive and poetic and never does he commit the fatal mistake of taking sides and so the readers' sympathy remains where the author intends them to rest.

**আনন্দবাজার পত্রিকা**—...দরিদ্র মধ্যবিত্ত শ্রেণীর জীবন লইয়া বহুলোক নাড়া-চাড়া করিয়াছেন ও ক্রিতেছেন, কিন্তু বাংলার কৃষক-জীবন লইয়া খুব বেশী লেখক আজ পর্য্যন্ত লেখনী ধারণ করেন নাই। মনোজবাবু যে বহু-কর্মিত পথে না যাওয়া নূতন ক্ষেত্রের সন্ধানী হইয়াছেন, ইহাতে আমরা আনন্দিত হইয়াছি।... আলোচ্য বইখানি হাতে লইলেই বউখানার নাম প্রথমে পাঠকের দৃষ্টি আকর্ষণ করিবে। সমাজের মর্ম্মমূলে আজ যে প্রশ্ন জাগিয়াছে, এই নামটুকুর মধ্য দিয়া লেখক সেই প্রশ্নকেই রূপ দিতে প্রয়াস পাইয়াছেন।

সৌদামিনী অশিক্ষিত দরিদ্র কৃষকের বউ হইলেও অসাম্যের বিরুদ্ধে আজ জগতে

যে আন্দোলন মাথা তুলিয়াছে, তাহার ডেউ তাহার বুকও আসিয়া লাগিয়াছে। ঘটনাকে বিশ্লেষণ করিয়া দেখিবার শক্তি তাহার নাই, কিন্তু চিন্তা করিবার তাহারও একটা প্রণালী আছে।...মাটির সঙ্গে যে কৃষক-জীবনের একটা অচ্ছেদ্য সম্বন্ধ আছে, মনোজ বাবু তাহা সফলতার সহিত দেখাইতে পারিয়াছেন।...মানুষের হৃদয়ের উপর গল্পগুলি গভীর ছাপ রাখিতে পারিবে, এ বিষয়ে আমরা নিঃসন্দেহ।

## নূতন প্রভাত ( ২য় সৎ )

বাংলার প্রথম প্রগতি-নাট্য। হিন্দু-মুসলমান ও কৃষক-জমিদার সমস্তা নবীনতম চিন্তার আলোকে দেখান হয়েছে। যারা গণচেতনতা উদ্বোধনে প্রয়াসী, মহাচীনের মতো—রাশিয়ার মতো সর্বত্র এই নাটকের অভিনয় করবেন। দাম দেড় টাকা।

**ঐ অহীন্দ্র চৌধুরী**—মনোজ বাবু যে নূতন করছেন, তা গতানুগতিক নাটকীয় প্রথা নয়। এই ধরনের প্রচেষ্টার তিনি মুখপাত করলেন বলতে হবে।

**ঐ নরেশচন্দ্র মিত্র**—‘নূতন প্রভাত’ নাট্যসাহিত্যে যুগোপযোগী অবিস্মরণীয় অবদান। হিন্দু ও মুসলমানের এক স্বার্থ—এই ছবি নাটকে হুনিপূর্ণ ভাবে চিত্রিত হয়েছে। নাটকের প্রত্যেকটি চরিত্রই জীবন্ত। এই ধরনের নাটকেরই আমরা কতকাল ধরে প্রত্যাশা করছি। সর্বত্র এই নাটকের অভিনয় হোক।

**ঐ নির্মলেন্দু লাহিড়ী**—হে নিপুণ শলাবিৎ, অস্ত্রোপচার আপনি যথাযথ স্থানেই করিয়াছেন। ব্যথা পাইয়াছি প্রচুর। চক্ষু জলে ভরিয়া গিয়াছে, কিন্তু ক্ষত আরোগ্যান্তে নূতন স্বাস্থ্যলাভের প্রত্যাশায় আপনাকে বহুবাদ না দিয়া পারি না—গুণ্ড আমার পক্ষ হইতেই নয়—সমগ্র দেশবাসীর পক্ষ হইতে।

**ডক্টর সুনীতিকুমার চট্টোপাধ্যায়**—পৃথিবীতে আবহমান কাল ধরিয়া মানুষ মানুষকে স্বার্থপর ভাবে নিজের কাজে লাগাইয়াছে—কোথাও অজ্ঞানে, কোথাও সজ্ঞানে। অজ্ঞানেই হোক বা সজ্ঞানেই হোক, এই স্বার্থপরতার নৃত্র ধরিয়া, আধুনিক বিচার অনুসারে, মানুষকে ছুটা শ্রেণীতে ফেলা যায়—যাহারা প্রত্যক্ষ বা পরোক্ষভাবে পরের মাথায় কাঠাল ভাঙ্গে, আর যাহাদের মাথায় কাঠাল

ভাঙ্গা হয়। আধুনিক কালে বিজ্ঞানে ও বিজ্ঞার যুক্তি ও কোশলে এই ব্যাপার অতিশয় ভয়াবহ রূপ ধারণ করিয়াছে, এবং কেবল যে এক সমাজের মধ্যে মানুষ মানুষকে বা মানুষের একদল আর একদলকে এইভাবে শোষিত ও নিপীড়িত করিতেছে তাহা নহে, জাতিগতভাবে একটি জাতি সমগ্র আর একটি জাতির উপর এই ধরণের অত্যাচার চালাইতেছে। সাম্যবাদের কৃতিত্ব এইখানে, যে স্বার্থাক্ত শোষক ও নিপীড়ক মানুষ ও জাতির মুখের মুখস এই মতবাদ খুলিয়া দিয়াছে; এবং শোষণ-নীতির স্বরূপ প্রকাশ করিয়া দিতে নিপীড়িত জাতির মুক্তিকামীদের চেষ্টাও কম কার্যকর হয় নাই। শোষণনীতি নিজের পথ নিষ্কটক রাখিবার জন্য সব-কিছুরই সাহায্য লইয়াছে, লইতেছে, এবং লইবেও; ধর্ম ইহাদের কাছে একটি অতি সহজ-লভ্য এবং শক্তিশালী আবরণ, বিশেষতঃ যদি মূর্খ এবং অসহায় শোষিত জনগণের মধ্যে শিক্ষার আলোকের পরিবর্তে ধর্মাক্ততার অন্ধকার বিজ্ঞান থাকে। সত্য কথা বলিতে গেলে, ধর্মের খোলস পরিয়া থাকিলেও এবং স্বার্থাক্ততায় সেই খোলসকে সত্য বস্তু বলিয়া বিশ্বাস করিলেও, ধর্মধ্বজী শোষকগণ বিভিন্ন প্রকারের ধর্ম (অথবা রাষ্ট্রনীতি) মানিলেও, ইহাদিগকে সমর্থন বা এক জাতির মানুষই বলিতে হয়। আজকাল পৃথিবীর অল্প দেশের মত ভারতবর্ষে এবং বাঙ্গলাদেশেও এই শোষক জাতির লোকদের একটি প্রবল দল ধর্মকে উপলক্ষ করিয়া দেশের মুক ও অক্ষম মানুষদের নিজের কাজে লাগাইতেছে। বিভিন্ন দৃষ্টি-কোণের এবং বিভিন্ন মানসিক প্রবণতার কারণে, পিতা ও পুত্র, ভ্রাতা ও ভ্রাতা কোনও কোনও স্থলে আর এক জাতির থাকিতে পারিতেছে না। মানুষের মনে নানা সূত্র অতি জটিলভাবে মিলিত হইয়া কাজ করে; কিন্তু সব জট খুলিয়া আসল মনটি বাহির হয়, যখন মানুষ স্বার্থকে (বিশেষ করিয়া অজ্ঞাত স্বার্থকে) ছাড়িতে বা তাহাকে ঝাঁকড়াইয়া ধরিতে চায়। এই সব সমস্তা আমাদের এই যুগে এত প্রবলভাবে দেখা দিয়াছে, যে তাহা আমাদের সত্যাকার সাহিত্যিকদের সকলকেই কিছু না কিছু নাড়া দিতেছে। শ্রীযুক্ত মনোজ বহর চিন্তায় এই অবস্থার প্রতিক্রিয়া সম্প্রতি তিনি “নূতন প্রভাত” নামক মনোজ্ঞ নাটকখানিতে প্রকাশ করিয়াছেন। এখানে রাষ্ট্রশক্তির মারকং কার্যকর জাতীয় শোষণ-নীতির পাশে, দেশের চিরাচরিত রীতিতে জমিদারী-পদ্ধতির অপকৃষ্ট বিকায়ের ফল-স্বরূপ অল্প প্রকারের শোষণ নীতি এবং সঙ্গে সঙ্গে ধর্মের দোহাই পাড়িয়া ইহাদেরই সহোদরা অল্প আর এক ধরণের শোষণ ও দমন নীতি—এই সমস্তকেই নিপুণ তুলিকায় নাট্যচিত্রে দেখানো হইয়াছে।

এই সকল সমগোত্রীয় অত্যাচারের বিপক্ষে যে যুবশক্তি দাঁড়াইয়াছে ও জনশক্তিকে উদ্বোধিত করিবার চেষ্টা করিতেছে, তাহারও সার্থকচিত্র তিনি আঁকিয়াছেন। ইংরাজী প্রভৃতি ইউরোপীয় ভাষায় এই সব সমগ্রা—আধুনিক জীবনের অতি সত্যাকার সমগ্রা—লইয়া রচিত ভাল ভাল নাটকের অভাব নাই। কিন্তু বাঙ্গালা ভাষায় এই ধরণের নাটকের নিতান্ত অপ্রাচুর্য—অন্ততঃ আমি এই প্রকার সমগ্রা লইয়া ও এইভাদের সত্যাদিদৃষ্টি ও সাহসের সঙ্গে লেখা নাটক বাঙ্গালায় পড়ি নাই। অভিনয়ে এইরূপ নাটকের সাফল্য ও সার্থকতা হইবেই ; তবে বাঁহারা স্বার্থ ও শাস্তি, নিজেদের প্রতিষ্ঠা ও ধর্ম দুই জড়াইয়া ফেলিয়াছেন, এ ধরণের নাটক তাঁহাদের পীড়া দিবে।

মনোজ বাবুর নাটকের চরিত্রগুলি ঠিক যেমনটি হওয়া উচিত তেমনই হইয়াছে। 'The way to Hell is paved with good intentions'—নরকের পথটা সাধু সঙ্কল্পে মোড়া ; এই উক্তির সার্থকতা পাই কতকটা জমিদার মহেশ্বরের চরিত্রে। তবে জমিদারদের মধ্যে অত্যাচার করিবার শক্তি ও বিলুপ্ত হইতেছে ; আগেকার মত দোঁদগু-প্রতাপ শক্তিশালী জমিদার আর নাই, তাঁহারা মহেশ্বরেরই মত শাসক-শক্তির সাহায্য লইয়া আইনের মার-পেঁচের মধ্যে ফেলিয়া প্রজাদের শায়েস্তা করিবার চেষ্টা করেন। Nobless Oblige—পিতৃপুরুষের চারিত্রিক মহত্ত্ব মহেশ্বর যে বৃত্তিতে পারেন না তাহা নয়। কিন্তু তাঁহার অনুচর হলধর-চরিত্রটীও অতি খাঁটি জিনিষ—lackeydom অর্থাৎ পরপ্রসাদপুষ্ট স্ব-বৃত্ত জীবের মতিগতি এই চরিত্রে বেশ ফুটিয়া উঠিয়াছে। আমিশুল হক্কে আমরা সহজেই সব জায়গায় ধরিতে পারি। এবং রহিম বাঙ্গালাদেশে ভয়াচ্ছাদিত বহির মত নানা স্থানে বিজ্ঞমান আছে বলিয়াই আমরা এখনও ভয়েৎসাহ হই নাই। শশাঙ্ক ও মায়ের চরিত্রে যে আদর্শবাদের প্রতিষ্ঠার দুঃস্বরণের চিত্র দেখিতেছি, তাঁহা এই অভিশপ্ত বাঙ্গালাদেশে বিধাতার একমাত্র আলীর্ষাদ ; এবং অন্ধকর্তী-প্রবীরের মত ভাবুক ও সত্যদর্শী তরুণবয়স্ক পাত্রপাত্রী আশা করি দেশ হইতে এখনও অন্তর্হিত হয় নাই। মোটের উপর, "নূতন প্রস্তাত" একখানি যুগোপযোগী নাটক, সত্যদৃষ্টি ও সত্যভাষণের উপর ইহার প্রতিষ্ঠা।

**ত্রীসত্যোজ্জনাথ মজুমদার**—(অরুণি, ২৫শে ফেব্রুয়ারি, ১৯৪৪)---নবনাট্য আন্দোলন সহর হইতে পল্লীতে ছড়াইয়া পড়িলে সমাজ-জীবনের বিবর্তনের গতিকে দ্রুত করিবে। বাঙ্গালার শক্তিশালী লেখকগণ এই ত্রৈলী নাটক রচনা করিবার দায়িত্ব নিশ্চয়ই গ্রহণ করিবেন। আমরা দেখিয়া হুহী হইলাম, হুসাহিত্যিক এবং

ঔপন্যাসিক শ্রীমনোজ হুব এইকারণে অগ্রসর হইয়াছেন। ‘নূতন প্রভাত’ তাঁহার এই ধরণের প্রথম নাটক। গণ-আন্দোলনের পটভূমিকায় পল্লীর কৃষক-জীবনের সমস্তা লইয়া নাটকখানি রচিত। প্রগতিশীলতার সহিত রক্ষণশীল গতানুগতিকতার স্বন্দ—সংস্কৃতি-মান বৈষম্যিকভাবে অনুপ্রাণিত শিক্ষিত যুবকদের নেতৃত্বে শ্রেণীস্বার্থ-সচেতন কৃষকশ্রেণী সাম্প্রদায়িকতার মোহমুক্ত মন লইয়া কিভাবে স্বাধিকার রক্ষা ও অর্জন করিতে পারে—ইহাই নাটকের মর্ম্মবস্তু। জমিদার, দারোগা, গোমস্তা, সরকারি উকীল প্রভৃতি চরিত্রগুলি এত বাস্তব হইয়া ফুটিয়াছে যে, ইহাদের অনায়াসেই চেনা যায়। নীচতা, ভণ্ডামি, স্বার্থলোভ, চরিত্রলপ্ততার বিরুদ্ধে জাগ্রত সমাজ-মনের অভিমান ও অভিযান ঘটনার ঘাত-প্রতিঘাতে যে ভাবী সমাজের ইঙ্গিত নাট্যকার অঙ্কিত করিয়াছেন, অত্য়কার ক্লিষ্ট পল্লীজীবন তাহারই প্রতীক্ষা করিতেছে।...অভিনয়ো-পযোগী ভাষার চাতুর্য্যে পাঠকের (এবং দর্শকদেরও) মনে কোঁতুল শেষ পর্য্যন্ত জাগ্রত থাকে। Type চরিত্র সৃষ্টিতে মনোজবাবু যে কৃতিত্বের পরিচয় দিয়াছেন, তাহাতে আমরা আশান্বিতচিত্তে তাঁহার নিকট এই শ্রেণীর আরও নাটক প্রত্যাশা করিব। কৃষক-সমাজে অন্তায় ও দীর্ঘস্থায়ী অবিচার ও শোষণের বিরুদ্ধে স্তায়বুদ্ধি ও সম্ভবশক্তি জাগ্রত করিতে এই শ্রেণীর নাটকের উপযোগিতা রহিয়াছে, ইহা বলাই বাহুল্য।

**Amrita Bazar Patrika**—Sj. Monoj Basu has already made his name as a delightful writer of fiction with special aptitude for delineating village life. He has acute observation, large fund of sympathy and idealism. In the result he has acquired a thorough understanding of the true nature of the problems and the agitations of our workers on the soil. In this drama, **which we believe is the first of its kind**, he has painted a flaming picture of the awakening among our agricultural classes and their struggle against the deep-rooted and traditional oppression of landlordism. The hero of the drama is Sasanka, a worker among the masses, who returns from prison with broken health to find the landlord of the village a relation and a man belonging to the same class of society, more determined in his tyrannical activities. There is communalist propaganda among the peasants, to make matters worse. The conflict which is thus precipitated ends in the death of the hero.

from assault by the landlord's men. This is a problem play and underlines the proposition that Hindu and Muslim interests are basically identical, being economic in fundamental character. In courage of portrayal, realism and swiftness of action this drama has achieved a high watermark of merit. (5. 3. 1944).

**মুগাস্তর**—সুপরিচিত কথাসাহিত্যিক ও নাট্যকার মনোজ বহুর এই নূতন নাটকটি সাহিত্য-পাঠক এবং নাট্যমোদী সম্প্রদায় কর্তৃক সাদরে গৃহীত হইবে হিন্দু-মুসলমান সমস্তার পটভূমিতে দেশের বাস্তব ছুঃখ-দৈন্যের স্বরূপ নিপুণভাবে উদ্ঘাটিত করিয়া লেখক তাহা দূরীভূত করিবার পন্থা দেখাইয়াছেন—কিন্তু সেই প্রত্যক্ষ উদ্দেশ্যকে ছাপাইয়া ইহার নাটকীয় রস ও মৃদুতাই বড় হইয়া ফুটিয়াছে। পেশাদার ও সৌখীন রঙ্গমঞ্চ এই নাটকের অভিনয় করিলে তাহা একাধারে দেশে যেমন নূতন চিন্তা-বিস্তারের, তেমন উন্নত রুচির নাট্যকান্ডিনয় প্রবর্তনের সহায়ক হইবে। বইটির বহুল প্রচার কাম্য। (২৬।৩।১৯৪৪)

## প্লাবন ( ২য় সং )

তিন অঙ্কে সমাপ্ত আধুনিক নাটক। নটস্বর্ষ অহীন্দ্র চৌধুরীর নেতৃত্বে ‘নাট্য ভারতী’র পূর্ণ প্রেক্ষাগৃহে বহু দিন এই নাটক অভিনীত হয়েছে। পল্লী-অঞ্চলে অভিনয়ের সুবিধার জন্ত নাটকে পৃথক নির্দেশ দেওয়া আছে। সাহিত্য হিসাবেও অবিস্মরণীয়। দাম দেড় টাকা।

**মুগাস্তর** ( ২২শে আগষ্ট, ১৯৪১ )—নাট্যভারতীর নবতম অবদান খ্যাতিমান সাহিত্যিক মনোজ বহুর ‘প্লাবন’। নাটকের সংবেদনশীলতা ও লিপি-চাতুর্যে হৃদয়ক শিল্পিমণ্ডলীর হৃদয়ের সাধনার মাঝে নব নব বিশ্বয়ের উন্মোচন রসপিপাসুদের মনে গভীর রেখাপাত করিয়াছে। অজ্ঞানার উদ্ঘাটনে কোঁতুহলী দর্শকদের আকৃষ্ট করিয়াছে।...জমিদারের শোষণে প্রজার মর্মগীড়াজাত সজ্বল চেতনার মাঝে কৃষকের স্বকীয় দাবী প্রতিষ্ঠার উন্মাদনা, কৃষককর্মী কমলেশের প্রতি শহরের কৃত্রিম জীবন-যাত্রায় অভ্যস্ত বিলাস-পালিতা জমিদার-কন্যা সবিতার বিরূপ মনোভাব বনিষ্ঠায় আশা-উজ্জ্বল রূপান্তর, কমলেশের জাদু-স্পর্শে পল্লীর স্বচ্ছন্দ জীবনের প্রতি সবিতার মমত্ব-বোধ, দিক্-ভ্রামানো প্লাবনের ভয়াবহ নৃশংসতা নাটকের কাহিনীকে



উজ্জ্বল করিয়া তুলিয়াছে। সমাজ-কাঠামোর প্রাণহীন কৃত্রিমতার প্রতি ব্যঙ্গের কশাঘাত ও নিপীড়িত জনগণের দুঃখ-মোচনের ঐকান্তিকতা লীলায়িত হইয়া নাটকখানির মর্যাদা বৃদ্ধি করিয়াছে।...

## বনমর্মর ( ২য় সং ) নরবাঁধ ( ২য় সং )

‘বনমর্মর’ ও ‘নরবাঁধ’ সম্বন্ধে পরিচয় দেওয়া নিম্নয়োজন। বাংলা-সাহিত্যের অন্ততম শ্রেষ্ঠ নিদর্শন হিসাবে বই দু-খানি সর্বত্র সমাদৃত। ‘বনমর্মর’-এর প্রথম সংস্করণ প্রবাসী কার্যালয় থেকে ছাপা হয়; এই প্রথম-লেখা বইয়ের সঙ্গে সঙ্গেই লেখক সাহিত্য-ক্ষেত্রে স্থায়ী প্রতিষ্ঠা লাভ করেন।

বই দু-খানার প্রথম সংস্করণ বহুকাল নিঃশেষিত হয়েছিল। আমরা পুনর্মুদ্রণ করেছি। ‘নরবাঁধের’ অনেক অংশ পুনর্লিখিত ও পরিবর্ধিত হয়েছে। বনমর্মরের দাম ২।০; নরবাঁধের দাম ১।৫। কয়েকটি মাত্র সমালোচনার সামান্য অংশ নিম্নে উদ্ধৃত হল—

### বনমর্মর সম্বন্ধে—

**Shree Guru Saday Dutt**—To read Manoj Basu's short stories is to feel unmistakably that a new force has emerged in the sphere of Bengali fiction. We have been treated to a plethora of sickly sentimentality and didacticism, a surfeit of shameless sensuality and sexualism, veiled and unveiled and an insensate craze for novelty for the sake of novelty and for studied mysticism in thought and language. Here we find a different article; clarity of conception, forcefulness of delineation and fidelity to life—the very flesh and blood and bone of healthy fiction you have here in abundance; you have happy turn of idea in expression and the sparkling flash of dialogue too in refreshing profusion;—but what is more important—you have also the enchanting atmosphere of romance and above all and to crown all—a pervading spirit of lofty idealism which comes as a healing balm of the soul.

A delightfully unstudied simplicity of diction, an innate sincerity of emotion and a vivid and true-to-type character-delineation meet you here at every turn,—while instead of a laboured attempt at psycho-analysis, which is the prevailing fashion of the day, you

have lightning touches of dialogue and expression which reveal to you in a flash the hopes and fears, the strength and weakness and the beauty, sweetness and simplicity of soul of the men and women who people this dear land of Bengal. In short, you have here a truly national story-teller who promises to give you the very stuff that your soul and the nation's soul is yearning for to-day.

I cannot vouch for what you want, but for my part I cry—give me Bankim, give me Sarat, but after that—for God's sake give me Manoj !

**পরিশেষ**—যে retrospect, চিন্তার গভীরতা এবং মনের বেদনা-বোধ থাকিলে লেখা চিরন্তনের পর্যায়ে গিয়া পৌঁছায় তাহা মনোজ বহুর আছে।...

**প্রবাসী**—বাংলাদেশের পাড়াগায়ের নদীমাঠবনের ছবি প্রবাসী বাঙালীকে home-sick ক'রে তুলবে !...

**বিচিত্রা**—সরল, অকৃত্রিম ও অনাড়ম্বর জীবনের সহস্র দুর্বলতা, অতি সাধারণ জীবন-যাত্রার অতি তুচ্ছ ঘটনাবলী ও অতি সামান্ত অনুভূতিগুলি লেখকের প্রাণের গভীর দরদের রাসায়নিক ক্রিয়ায় অনির্বচনীয় সৌন্দর্য্যে রূপান্তরিত হয়ে উঠেছে।...

**নবশক্তি**—অত্যন্ত ছোট চরিত্রকেও অল্প কথায় এমন চমৎকার ফুটাইয়া তুলিতে যিনি পারেন, তিনি যে হৃদয় কষাখিলী এ বিষয়ে সন্দেহের অবকাশ থাকে না। ..

## নরবাঁধ সম্বন্ধে—

**প্রবাসী**—যে অতি অল্পসংখ্যক প্রতিভাবান লেখক একেবারে জয়-পতাকা লইয়া সাহিত্য-ক্ষেত্রে নামেন, শ্রীমনোজ বহু তাঁহাদেরই মধ্যে একজন। এঁর ব্রত বাংলাকে বাঙালীর কাছে পরিচিত করা। দেশের অন্তর্লগ্নদের পরিচয় পাইতে হইলে যেখানে গিয়া উত্তীর্ণ হইতে হইবে, সেই মর্মস্থলটির পথ লেখকের ভাল ভাবে জানা আছে।

লেখার সঙ্গে এমন একটি অপরূপ সরসতা আছে যে, যে বিশ্বস্ত আর আনন্দের সহিত ছেলেবেলায় রূপকথা শোনা যাইত, বইখানি পড়িবার সময় তাহারই যেন একটা আবছায়া স্মৃতি ফীত হইয়া উঠে। চরিত্রগুলি খুব সজীব, ডাকিয়া সঙ্গে লইয়া ঘুরে...

**Dr. Nihar Ranjan Roy**—Mr. Basu's short stories furrow new ground; they are far out of the common run...To the Bengali readers his portrayal, his characterisation and interpretation of Bengali life are as real and as much telling as anything on the face of this earth. Mr. Basu has ideas and imagination; which he knows how to translate in simplest and clearest possible manner

into expression, that has a ring of sincerity. He has also depth of thought which does not weigh heavily on the readers. Last of all he has a fine gift of narration of a born story-teller.

**মাতৃভূমি**—(ফাল্গুন, ১৩৫১) রবীন্দ্রনাথ, শরৎচন্দ্রের পরে বাংলা-সাহিত্যে মৌলিক ছোট গল্প লিখে যে কল্পজন বঙ্গালী লেখক নিজস্ব বৈশিষ্ট্য এবং লিপিকুশলতার পরিচয় দিয়েছেন, মনোজ্যবাবুকে নিঃসন্দেহে তাঁদের অন্যতম বলে ধরা যায় পরলোকগত শরৎচন্দ্রের মত মনোজ্যবাবুও বাংলার মাটির অকৃত্রিম সৃষ্টি। বাংলা: পাড়াগাঁয়ের সঙ্গে তাঁর পরিচয় ঘনিষ্ঠ, যোগসূত্র নিবিড়। বঙ্গালীর বাস্তব জীবনের ভিত্তিতে রচিত তাঁর সাহিত্য তাই বঙ্গালী মনকে এমনভাবে নাড়া দিয়ে যায়। বাংলা: শ্রামল শ্রীর মত তাঁর রচনার শাস্ত্র মাধ্যম অতি সহজেই আমাদের হৃদয় আকৃষ্ট করে

লেখকের অস্বাভাবিক পুস্তকের মত 'নরবীধে'ও তাঁর রচনার শ্রেষ্ঠ গুণগুলোর সন্ধান পাই।...এর পটভূমিকা বেশ বড়। মাত্র পঞ্চাশ বছর পূর্বেও বাংলার গ্রামের ঐশ্বর্য ও শান্তির কথা আমরা শুনি, ধীরে ধীরে কি ভাবে তার মৃত্যু হয়ে, বাংলার গ্রাম বর্তমানের দুর্দশা-ক্লিষ্ট অবস্থায় এসে দাঁড়িয়েছে, লেখক তারই পরিচয় দেবার প্রয়াস পেয়েছেন। যজ্ঞ-যুগের অগ্রগতির সঙ্গে গ্রামবাসীরা নিজেদের খাপ খাওয়াতে পারে নি—অথচ তার প্রভাবকেও এড়িয়ে যাওয়া সম্ভব হয় নি। এই প্রধান উপপাত্তের সংহতি তিনি জুড়ে দিয়েছেন পল্লীজীবনের হিংসা ও কুশ্রীতায় বিবাক্ত পারিপার্শ্বিকের চিত্র। অথচ তাঁর লেখা প'ড়ে কোথাও মনে ঘৃণার উদ্রেক হয় না—বরং অশিক্ষিত দরিদ্র জনগণের অসহায়তায় হৃদয় বেদনা-ভারাক্রান্ত হয়ে ওঠে। এইখানেই লেখকের বৈশিষ্ট্য, তাঁর সংবেদনশীল দৃষ্টির সামনে বাংলার পল্লী-জীবনের বহিরাবরণ খুলে পড়েছে বাংলার পল্লীজীবন উন্নত হোক—আশাবাদী লেখকের এ অভীক্ষা যেন গল্পটির সর্বক্ষেত্রে জড়িয়ে আছে।...

...প্রতিটি চরিত্র সাক্ষ্য দেয় যে মনোজ্যবাবু যে-জীবন সম্বন্ধে গল্প লেখেন, তার সঙ্গে তাঁর পরিচয় প্রত্যক্ষ এবং নিবিড়। যে অকৃত্রিম অভিজ্ঞতার থেকে বড় সাহিত্যের সৃষ্টি, তার অপ্রাচুর্য নেই কোথাও। প্রতিটি চরিত্রই জীবন্ত—তারা যেন আমাদের চোখের সাক্ষ্য নেই কথা বলে; বাংলার পল্লীজীবনের বিভিন্ন সমস্তা—তার অন্তর্নিহিত মাধ্যম এবং বহিরাবরণের কুশ্রীতা সম্বন্ধে আমরা সজাগ হয়ে উঠি। 'নরবীধে' যে বঙ্গালী পাঠকপাঠিকাদের তৃপ্তি বিধান করবে এবং নতুন করে দেশ সম্বন্ধে ভাবিয়ে তুলবে—এ কথা নিঃসন্দেহে বলা চলে।









